

印 縮

銅

仁

府

志

第  
四  
本

粵從事行間俘賊四十餘人祭三烈又遍詢諸俘迎養老媪以報當年不殺之恩天之所以顯三烈之貞而成時舉之孝先後主持於雨山之按粵撫事不可謂不奇矣孝烈之報夫豈爽哉時舉歷官陝西按察使司副使分巡莊浪道晉太僕寺少卿所至民懷吏畏有廉能聲卒祀鄉賢曾孫齊向字一山崇禎庚午舉人官四川瀘州知州節閩梗撰傳

陳珊字鳴仲嘉靖庚子舉人鄉試第二名癸丑成進士授行人生平篤學尚氣節時分宜當國珊忤之坐是外貶遷而復蹶者屢矣終兗州府同知居官以寬大簡易為主歸里則鍵戶著書不事干謁嘗銘其坐右曰士大夫能以居鄉之心居官天下必無冤抑能以居官之心居鄉天下必無請託時謂名言卒祀鄉賢清平孫文恭應龍銘其墓曰厥賦伉隆厥才顯融厥節寵從以殫其躬仕宦不逢榮傳五經子挺入英文擢犀菁以昌以聲芳華允明折渚若流環岫若球密樾若囚公品式修藏茲永休青山何依白雲何霏西岡何頤公詩孔暉信哉如歸子八揚產萬歷甲戌進士浙江海甯縣知縣吳產萬歷癸酉舉人周產萬歷庚子舉人官知州荀產萬歷癸卯舉人官推官楚產准產嶽漢產皆貢明經孫如旦崇禎己卯舉人官推官慶瑞崇禎己卯舉人曾孫佳士天啓丁卯舉人官知州佳印崇禎庚午舉人官知州科名鼎盛爲一郡冠是時中父子進士惟普安蔣氏清平李氏普定梅氏與珊四家而已鄉人榮之節閩梗撰傳

喻致字漳瀾萬歷甲午解元乙未聯捷進士除湖廣龍陽縣知縣入爲南京工部都水司主事遷南京兵部職方司郎中出爲福建福州府知府政少讀史嘗曰士大夫出身加民當持己以廉然廉易流於刻又當持之以平平則非矯廉而不至於刻矣時人以爲循吏之言及守福州爲福建首郡前守謁兩臺參三司自且至暮恆奔走無休夜分始得視事以是陳案山積獄訟日滋政至未五鼓卽起燈下閱案牘黎明參謁臺司日中嘗判決如流甫一月而歷年積案俱結暇日輒接見士子諄諄勉勵其篤行而實學者有加禮焉適所屬有水災某邑匿報某邑浮報臺司會議將嚴劾浮報之縣令而匿報之縣令僅擬薄議政堅執不可曰浮報虧朝廷之庫帑匿報害朝廷之生靈况浮報賊未入已匿報殃及於民孰輕孰重判若天淵議改議臺司以其言得大體從之在任清操自勵愛民如子時稱治行第一旋以乞養歸里居鄉謙和坦易鄉人化之壽至九十餘卒祀鄉賢節徐案撰傳

徐穆 字鍾汝生而穎異入塾受書即過目成誦中萬曆甲午舉人辛丑成進士除浙江崇德縣知縣以循卓行取禮部主客司主事遷員外郎出知福建興化府時方苦旱祈禱皆窮穆甫至即步禱於郊炎風捲地火雲蔽空肅衣冠行烈日中屬吏請入城少息穆曰我以禱雨出不雨不入也已而小雨仍不息屬吏以既雨請穆曰我以禱雨來雨不足不歸也移時遂大雨入土三尺郡人呼爲下車雨穆爲政務寬大簡而不擾部內晏然秩滿擢雲南按察使司副使人覲上語以閩俗獷悍撫馭爲難穆對曰臣未官閩前聞亦若此及守興化治固易也上復問吏治甚詳奏皆稱旨蒞任雲南清操自勵惠澤尤多時慶雲見撫按將以上聞商於穆穆答以大理苦旱激江苦水因未成災皆不以聞今以難知之天象爲祥瑞而遽聞於朝無乃不可遂止尋轉河南布政使司參政濱河郡縣居民歲輸束葦以供築堤塞壩之需有司借名勒索久爲民害穆禁革之遷雲南按察使歷官中外二十餘年所至民懷吏畏治行卓著有閩游澳游詩草二卷卒祀鄉賢探行縣

楊 癘 號鏡山萬曆己酉舉人官直隸灤州知州初至任判決庶獄州人驚以爲神灤州濱海與滄州接壤海賊出沒無常因時方用兵親力不暇及乘間劫掠無虛日癘下車即以計擒其首從十餘人餘賊悉遠遁民賴以安崇禎三年五月大清兵克遵化永平癘見重圍日逼城中兵少芻糧尤缺乏矢石干櫓鉛藥鎗礮守具無一備者乃聞於督師請速援援未至而大兵已拔遷安進攻灤州矣州城戒嚴居民惶懼欲奉癘出避癘曉之曰不可刺史爲朝廷守土之臣與城俱亡分也豈有出避乎况兵未至不能先事以防之兵既至又不能力戰以禦之死且有餘憾矣爾等速去勿恤我民聞言皆痛哭願効死勿去癘督率居民憑城固守未幾食盡援絕城陷癘死之督師上其事於朝贈光祿寺少卿賜祭葬廕一子詔祀灤州名宦暨本籍鄉賢祠子名時以廕生官四川成都府同知節徐黎撰傳

萬 任 字懷翁崇禎庚午舉人甲戌進士除南直隸嘉定縣知縣縣苦漕重且多浮糧任至出示禁革之末期年而民風於變政簡刑清廷無鞭朴之聲野無追呼之苦日長無事集縣中士以詩文知名者相與振敲唱和命吏胥鈔錄成集暇復課差役栽竹種樹每春夏之交草長鶯啼水流花放任乘筍與往郊外綠陰下藉草爲茵席地與諸父老量晴雨話桑麻時舉古人忠孝節義事爲津津道之無倦縣稱繁劇素號難治任操己以廉御民以寬坐理之裕如也以循卓擢河南道監察御史奉命巡察四門驄馬所至奸宄屏跡一



時畿輔肅然其由縣令內遷臥轍攀轅多至泣下何惠澤入人之深而民心感化之速有如是也卒祀鄉賢

葬郡城北十餘里照壁巖節餘榮撰傳

楊如皋 字師虞嘉靖癸卯舉人四川南溪縣知縣秀冕孫幼穎異長勵志讀書言動不苟祖冕指謂諸子曰是兒不凡以器局儀表卜之異日必居清要爲臺省中人吾家其興乎已而果於萬歷癸卯領鄉薦甲辰

聯捷成進士除順天府玉田縣知縣縣有老吏精於刑名歷任皆置幕中優待之事無鉅細咸取決焉由是淆亂是非頗爲地方害嘗奪某生田生訴於縣前令回護不直生經年案懸老吏反唆人誣以訟棍因斥革

之置於獄縣紳具白生寃不允如皋蒞任詰得情實置誣告於法並懲老吏爲生詳復闔縣以爲雪一奇冤

鋤一巨蠹莫不稱快縣中鹽商貨鹽向用十四兩秤每鹽一斤泥水居半小民苦之訟於官令尉吏胥俱受賄不問如皋至悉屏舊日陋規禁雜泥水定用十六兩秤違者懲不貸商初謂新官出示具文而已仍不悛

民赴縣訴之如皋取首違令者荷校以徇成爲悚然積弊立除以循卓內陞雲南道監察御史正色立朝論事持大體不屑以矯激爲名巡按河南疏薦循良糾參貪墨政尙簡靜一如作縣令時著有課農瑣記卒祀鄉賢節餘榮撰傳

徐以遷 字赤海崇禎丙子舉人授廣東潮陽縣知縣明桂王時超擢廣東按察司僉事分守肇羅道時海賊嘯聚劫掠無虛日以暹單騎詣賊欲其就撫值日暮遂留宿迨夜深人靜軒舳之聲與海潮相答賊聞之

驚相謂曰眞異人也比曉坐帳中諭以大義莫不悚然聽命事聞遷廣西按察使司副使分巡桂林道劾賈朝宣劉承允等貪殘驕縱疏入不報遂乞歸督師何忠烈騰蛟贈以詩云十載勳名留兩粵一封疎奏上重

墀時艱揮手歸田好運厄關心慮國危讀此可以諒其隱矣家居杜門有司欲見不得知府某於東山最高處建大觀樓招同寮與郡士露其成以暹辭之敦請乃往某笑謂曰斯樓據一郡之盛矣以暹正色對曰殆

可以望烽燧而念瘡痍也某默然人以是服其直素愛茶園山莊晚年移家居之山在郡東地溪口之南由燕子巖取徑紆折而上山半有泉如鳴琴層疊而下約五十餘丈越此卽其別業山居無事種竹栽花每當

春風扇和時鳥變聲往往招二三村叟於綠陰深處課雨量晴致足樂也後值士賊滋事率鄉人結砦紫山禦之全活甚衆以暹身長九尺體貌豐碩有膽識遇事能決壽至九十四歲著述頗富兵火之餘悉散失無存行略



國朝

張元臣 字志尹號豆村康熙丙子舉人丁丑聯捷成進士由翰林院庶吉士授檢討歷官左春坊左諭德日講起居注官終江南學政元臣秉性孝友初就傳動止以禮言不苟發塾師王參課讀甚嚴一日撻楚垂鷲負之歸其母李氏手批之曰不肖子死則已耳不死不可一日廢學復令就館自是穎悟絕倫年十八入郡庠每試輒冠軍丙子秋舉於鄉郡人有忌其才者謀陷之不果遂捷春闈後以檢討乞假歸里忌者羞避之元臣與修好無宿怨焉作文胎息史漢其制藝宗法嘉隆又嗜吟詠有大朝人風格與館閣諸名士唱和而詩益進旋充佩文韻府纂修蒙上賜端硯其分校丙戌禮闈也得方學如諸人其督學江左也得諸郁文大文王步青任啓運吳竦荆琢皆宿學士江左稱爲銅仁先生刻振雅錄試牘選擇評論成精確操觚家奉爲標準嘗按臨某郡有爲家書以投者元臣得書指示諸生曰使者奉天子命視學此邦衡文棄取不敢稍存私心昨接母訓以元臣恭膺簡命歲科試卷當悉心校閱俾收爲國作人之效以期無負高厚云云今語涉闕說其爲僞書無疑既登提調嚴訊果如其言在任疏請立先賢言子後裔博士得旨俞允任未滿以憂歸未幾卒祀江南名宦著有豆村詩鈔元臣從子中立賢舉於鄉從孫素成進士其餘膺拔萃貢明經食廩餼者甚衆其子曉農稱神童善屬文而卒不獲名廁青矜抑又奇已節舊志本傳

徐鎮

字方岳號竹村乾隆庚午舉人大挑一等以知縣分發四川歷署南充新津銅梁汝川等縣旋補授綿竹縣縣有爭水案積數十年莫能結鎮爲設法築堰以時宣洩訟遂息民號爲徐公堰繼因擅責承差

忤制府或勸往諭鎮弗從其風采類如此未幾充壬午鄉試同考官所得皆一時名士洊擢至雅州府知府歷任潼州龍安敘州各府方署重慶府時子如澍以編修主試四川蜀人榮之丁艱起服補授江西建昌府知府時台灣林爽文亂福建漳州濱海密邇逆氛嶺膺特旨調補漳州府知府馳赴任時軍需輓輸夫馬絡繹鎮多應變才悉供給無誤及爽文伏誅而張瑪球尙負固海隅鎮至爲設方略搜捕海疆以靖奏署汀漳龍道以失察屬縣漏報監斃案罷官漳之士民遮道請留願代捐復鎮笑謝曰爾等意良厚然我官此無他可信祇不受賄耳今若此與受賄何異力辭不允遂浩然歸鎮歷官三省所至輒著循聲在蜀最久惠尤多生平正直不阿喜傲上往往坐是齟齬著有家訓十七條俾子孫世守之學吃虧其第一事也

張素 號悔堂乾隆甲子科舉人辛未會試成進士為童子時受書數行終日讀之不能覆誦父師皆謂其魯可勿學一登舍後樹杪擊節歌聲琅琅然若出金石祖母徐氏以為是唱蓮花落者何得至此使婢覘之歸以聞徐氏喜曰是魯兒耶今聽其歌聲中音節非真魯者語家人曰是兒勿令廢書少長必有成十餘齡穎悟頓開讀漢魏及唐宋文數百篇皆灼然有以識其用意所歸尤酷愛左氏迨由進士選四川萬縣知縣有循聲丙子四川鄉試同考官得士陳朝書周薰皆知名士上官識素能調任成都府華陽縣為省會首邑繁牘紛繁時兼審外縣事素日覽手批搜剔窳要如風發泉湧筆無暫停蓋自三上春官得廣交天下名流見聞日益繼歷仕版留心吏治一時聞官君子相與砥礪切磋遇事輒引經據史曲直以理爭不稍為遷就上官尤重之會有簡州程牧賊案制府以委素且曰案若實則簡州缺當出此缺出不能久懸也有微示題陞意素虛心體察數日無左驗未忍周內制府愠乃改委謙成簡州缺出即以補改委者人或譏素素唯唯不辯逾年新補簡州牧請咨進京由蜀江東下至忠州晚泊其幕客見前簡州牧登舟直入內艙客方怪其無禮倏聞喧嘩聲則新牧已自牀由船窗投水急救之弗能活乃悟所見非人也客素司書啓方欲改習刑名觀此歎曰人命關天有一誤則報應不爽刑名何可為耶客歸成都以語素且服素之守正弗阿而見利不趨也素精書畫片紙尺幅得者寶之監修四川貢院落成其各號以千字文分排次第素曰為書字開方約二尺許道秀端整足當臨池楷模蜀人爭護惜至今不忍漫漶休後晚號老蒙主講瀾江書院其為文遠宗嘉隆不尚奇僻詩長於五言古體師陶近體師杜然輒隨手削之存者百不及一文亦類然生平不屑治產業壽七十一以清貧終節餘如海撰

盧煒 號赤城乾隆庚辰恩科舉人官湖南武岡州知州性嚴正決獄如神民畏懷之州有富室某以罪繁官法應重懲請託俱絕計擇一敏辯者資五百金至郡由逆旅居停資緣以見煒弟得函往彼關說期在必從煒得書令役持原函投移本籍縣庭請傳集店主及己弟至案追前金給役解回其時乃弟原物猶存而店主所得入手散去亟質屋償金至還諸富室科罪仍予應得無稍宥焉當時以鐵面方之至今父老盛稱其事臨罷官時州人愛戴不忘為建生祠以寄去思今鄉人有過武岡者猶得拜於祠下云

楊觀光 號介侯乾隆庚辰恩科舉人官江防同知觀光幼為漁家子長攜漁籃至郡人蕭康伯家求售為

羣犬所窘避登几上前一夕康伯夢几踞一虎毛采斑然至是適符且見觀光風神秀發應對明敏異之時康伯方授徒因令來塾從學不計束修未幾入泮旋舉於鄉爲縣令時有典史某係滿洲人以丁艱去任久不果行觀光知爲資斧不繼詢需數若干答以非三百金不可如其言予之經月不相聞謂已行矣一日遇諸塗訝其淹滯某泣曰所贈皆爲債主逼取仍復落落一身有辜大德奈何觀光曰債完未曰完矣然則尙需幾許乃可行曰得百金足矣觀光復以百金贖之及改官江南相距將十年前事不復置懷乃所謂某者已易名由他途洊升江甯藩司觀光入謁左右擁至上座藩司出匍匐不起且大言曰非君曷有今日觀光駭甚徐爲緬述始知卽典史某也由是歷任得善地觀光亦守法勿失以循謹見稱年近懸車始罷官歸諸孫繞膝四子承歡積賞甚厚蓋皆自某典史報德中來也種瓜得瓜種豆得豆可以風世於觀光有餘慕焉徐如澍字郁南號雨芑別號靜然福建漳州府知府鎮子也兄弟六人如澍居長少聰慧隨任讀書父母鍾愛之乾隆三十五年十八歸應童子試以冠軍兼舉明年辛卯領鄉薦乙未歲進士改庶吉士充武英殿四庫館分校戊戌散館授職編修己亥充四川鄉試副考官得士鍾庭華等七十二人差旋復命上召見垂詢家世及蜀中文風奏對移晷是年充三通館纂修四十六年引見記名以御史用四十七年四庫全書成賜宴於文淵閣五十一年補山東道監察御史是年廣鄉試額如澍奏稱雲貴川廣爲中皿當分額一名部議降調特旨改留任五十五年戊申充順天鄉試同考官得士高臣鼎等十五人五十四年轉掌河南道五十五年充會試外監試五十六年巡視南城五十七年京察一等授山東沂州府知府因都御史舒赫德忤和珅凡都察院所保道府悉回本任五十九年丁外艱嘉慶二年服闋補河南道三年轉掌廣東道四年正月奏諸王不宜理部務二月奏卻貢獻省巡幸俱蒙嘉納三月充會試同考官得士張錦珩等十一人九月調京畿道奉命管理街道五月三月補戶科給事中八月充順天鄉試內監試十月巡視東城七年二月巡視通州漕務四月轉工科掌印給事中向例巡漕費用係坐糧廳供給漕艘抵通州各員頗多需索如澍嚴禁之並奏定章程九月復命上召見垂詢漕河情形奏對詳晰九年二月上幸翰林院禮成如澍與宴賜味餘書室全集九家註杜詩及視牋文綺貢茶等物八月充順天鄉試內監試十年三月充會試內監試歷巡東城南城晉北城諭所屬正副指揮司坊各官遇案立結不得牽累無辜十年八月遷內閣侍讀學士十二年充實錄館總校八月充順天鄉試提調上召見垂詢閣中事務甚悉十月提調武鄉試十三年再



充順天鄉試提調故事順天鄉試監臨係二三品大臣場前欽派監試御史則臨場奏派獨提調以府丞總理其事如漕先期諭令糧馬通判及大興宛平二縣妥為辦理儀親王亟稱才識老練善理繁劇十四年十二月以內銀歸主講貴山書院十七年服闋補順天府府丞軍機處行走故事府丞兼學政上召見垂詢貴州大吏賢否及沿途地方年歲奏對移晷諭以府丞有閱文責宜悉心校衡如漕叩謝二月奉命稽查左翼宗學上召見曰朕知汝品行端方俾宗室子弟有所矜式汝當督率各教習加意訓課是年再充鄉試提調八月調奉天府府丞兼提督學政上召見曰朕念汝久居清要持簡用之是月奉命稽查右翼宗學二十四年致仕道光十一年重與鹿鳴宴特旨加三品卿銜十二年以疾卒於里第年八十有二如漕性恬淡不慕榮利弱冠登朝歎歷中外四十餘年無赫濯之功亦無風波之險迨予告里居優游轄下者十餘載亦近代文人所罕見者矣初通籍時值和珅當國聞如漕名意欲招致門下辭不往見和銜之故官久不遷嘉慶四年和籍沒諸附和者皆坐罷如漕獨無恙士大夫以是益重之詩由杜入門初年規做韓蘇中年學陶晚年時出入於白居易陸游兩家陳言務去有時直抒胸臆不求工而自工也著有寶硯山房詩集二十卷文集十卷隨筆雜記二卷

治行補遺

湯嗣新 乾隆癸酉選拔考取知縣授直隸吳橋縣知縣居官有能聲多惠政及民不畏強不凌弱不取民間一錢署中食用儉約清操自勵以事罷官民悼惜之宦橐蕭然日夜思還鄉里苦乏歸資由是寄寓吳橋民不忘其德爭負薪米以餉嗣新堅卻之其感懷詩云兩鬢蕭疏白髮新罷官貧似在官貧米薪慚愧鄉民餉差免豬肝累故人蓋紀實也自後饑驅四方不知所終廉吏可為而不可為其言果信然與續舊志內選貢小注賈建中 號際元明萬歷戊午科舉人任湖廣黃州府黃梅縣教諭陞國子教授轉工部都水司屯田司因督修錐子口堤工授河南彰德府知府安撫流民數萬一時俱皆復業以循良稱尋簡雲南驛傳道遷按察司副使乞終養不允後以父憂歸遂力請休致卒于里第

文學

饒 儔 嘉靖戊子舉人官知縣子養浩辛酉舉人亦官知縣萬歷癸卯孫楷復舉於鄉其輝映後先若崇先為萬歷戊子舉人官教諭瑋暨崇秩為崇禎庚午同榜舉人皆官知州見選舉今東山麓有饒氏園遺址石室深廣徑三丈許內刻肇窠書藏書室三字右石上有天然凹處深尺餘闊約三尺許恆積水若小池者刻有洗墨二字筆法勁秀入古惟疊經兵燹文獻無徵事實失考低回遺蹟想見一門羣從文采風流擅當時之盛云

國朝

王士儀 號來菴康熙甲子舉人庚辰進士初久困禮闈恆不自得年幾四十甫入詞林尋改官知縣令山西僕僕為風塵吏憲弗屑也詩才清婉為文不落恆蹊所著有牛園集已梓行集序載藝文中

徐 閻 字小齋號澹園十二歲入郡庠十五歲食餼二十一歲貢明經恬淡冲和不屑仕進實行篤學鄉評重之生平至性過人接其言論令人孝弟之心油然而生讀書有暇輒喜縱游山水所至留題時與諸名

流唱和家無隔宿糧晏如也好為詩古文著有香雪齋稿四卷澹園紀詩鈔四卷歷任郡守咸重之節家

徐 爽 字召伯號潛齋少穎異日誦千言十歲六經俱畢十三歲入郡庠十五歲食餼及冠博覽羣書喜

讀離騷其為文思深旨遠即語經百鍊而腕力輕妙出之自然詩用意深厚不爭工於字句間著有騷餘草

一卷性豪爽與人交始終如一髫年偕張元臣游王參之門皆許為遺大器乃爽享年不永甫二十七而卒

後元臣官宮諭為述生平崖略乞巡撫田雯為之傳宮詹周起渭輓以詩宮諭有與論文二十則載藝文中

使天假以年造就何減宮諭也節家傳

楊棟秀 號雲浦嘉慶戊午科舉人辛酉成進士少能文與兄楹秀有聲庠序世居鄉力田讀書質魯相尙

剛朝祚常輕之然每值文戰所作較勝於常識者知為飛鳴器也迨由中書外擢山西縣令政尚嚴明民不

敢欺時祁文莊嵩藻方以童子應試棟秀極賞之拔置長案入泮後憫其貧令入署肄業待以優禮子姪輩

頗嫉之棟秀愛護尤殷後文莊出掌文衡入臚亞相為一代名臣人以是服棟秀之卓識而歎伯樂之顧不

虛也方其子承澤官福建以事罷更議文莊適典試來閩患立解天道好還信不誣歟棟秀官終河工同知方丁艱在籍時書院租穀兩庠學田半歸侵蝕乃力爲清出刊册立案至今得備稽考悉賴有此其本宗祠亦於是時倡修規模宏敞煥然一新且值族人楊芳以平定喀爾凱旋錫封侯爵因榜其祠曰文成進士武列通侯亦一時之盛云

劉朝祚 號小梅中嘉慶辛酉科舉人壬戌會試成進士出爲福建南靖縣知縣縣濱海俗尙械鬪往往殺斃多命欽金議和以半給死者以半入官請弗上聞朝祚至毅然曰殺人者抵自有三尺法在烏能以賄免決不可爲未幾民間果以械鬪傷十餘命朝祚執法捕甚急正凶悉遠颺海外案久懸遂以是罷職其守正如此初朝祚爲諸生時與中書楊棟秀不相識朝祚素自負目空一切每月課輒冠其曹未幾遇新守觀風棟秀首選朝祚名亞之榜下有指棟秀語朝祚者朝祚奮然曰何物僉父敢列盧先棟秀笑曰秋風不遠看孰爲勝負爾時不得不恥居王後矣是科棟秀果雋朝祚志甚試歸未嘗還家襆被往蓮池讀書二年晝夜無少息時蓮池僧興濟清修刻苦往往一龕燈火書聲與木魚相聞切劇之益朝祚得之爲多今山下人猶能道之次科朝祚始捷於鄉明年入都棟秀先至寓通款洽前卻俱釋稱莫逆焉朝祚出闈棟秀索文觀之賀曰是破壁時也已而果然於此見前輩相與砥礪有成故其後之見于治行者亦不苟焉

戴世翰 字廷魁號西園學者稱西園先生少貧苦無力就外傳然絕慧每過鄉塾聞讀書聲嘗竊聽之卽能通解大意師與語奇之令從已游不責修脯期年讀竟四子毛詩諸書出筆爲文有雄直氣老宿皆以爲弗及年十五應童試隸八人中爲弟子員旋食廩餼道光乙酉科充縣學拔貢生廷試二等以教職用甲辰恩科領鄉薦年已五十矣兩試春官報罷遂絕意進取實志著述其學以漢儒爲宗而於心性之學則確守程朱數十年所殫精竭慮者惟在於易嘗曰六十四卦參五錯綜皆言日月之出沒也而於九卦十卦定其位三百八十四爻動變往來皆言日月之進退也而於七爻十一爻示其端其示人以握易之要則歸於大有之上爻其示人以學易之門則歸於咸之四爻其言日月之消息則歸於乾往通坤坤來合乾出入乎震巽成爲既濟定此立說之大綱也著有易圖說易通經易通史算經及易中庸注莊子注等書未梓今所刊行者僅易藝四卷非全書也主書院講席九年多所成就年八十卒教授胡曼新挽以句云憶卅年秋



試棘關親五策千言宿學早欽  
舜辛酉拔貢應銑鳳生應鑄  
劉以華 朝祚子號香南字奉英  
以下西拔貢中道光甲辰恩科舉人  
以華生有絕稟過目不忘學極淹

雅奮爲詩頃刻千言古今體直逼  
悲歌非同凡響生平有西癖日與  
則議論風生懸河瀉口辯詰古今  
未嘗能離之者後卒以病歿年  
歿勳華 證西由丁酉拔貢中乾  
少作及晚年訂存者約數千篇尤  
整得者費之壽至八十二歲

童詠春 號沂南中道光甲午科  
多素封有王國鄰者時稱宿學居  
竊爲歎曰是子何好學如此越日  
往訪詠春以其前輩出文請政國  
鄰觀其意殷悉以作文祕鑰語之  
自是詠春文日益進執贊稱弟子  
焉後復終身禮禮弗衰人以其兩  
美之詠春性甘淡泊不慕寵榮一  
試禮閑遂絕意進取惟藉館敷資  
生每歲從游者衆舉比外幾無容  
席所李楨舒綵九門牆中卓著者  
其餘入泮食

毓秀之 號熙亭嘉慶戊子貢任  
思州府學訓導後遷雲南蒙化廉  
歷初嘗入江南督學申啓賢幕中  
啓賢贈以句云人情歷徧如冰厚  
世事經過蜀道平跋稱己丑余視  
學江蘇延熙亭閱卷評取甲乙一  
無以易知於此道三折肱矣嘗述  
南北奔馳幾三十載足跡徧天下  
故存心忠厚用意和平蓋其得於  
閱歷者深茲選授思州廣文隨行  
懸懸愛濟此爲別云秀之素嗜臨  
帖書法結體似歐兼得褚虞筆意  
未仕時喜浪游

家無擔石樽薄一都百萬頗有豪  
十風焉 何采 號曉帆嘉慶癸酉  
選貢制藝胎應大東慶薦不售詩  
抒寫性靈恥以雕繪爲工胸襟灑  
灑不絕俗亦不混俗居恆嗜酒喜  
烹任家貧不能恆異一有友過訪  
值乍熱脫衣置几上暢談甚洽及  
哺友欲辭去

亦不混俗居恆嗜酒喜烹任家貧  
不能恆異一有友過訪值乍熱脫  
衣置几上暢談甚洽及哺友欲辭  
去

采挽留甚切因復入座采喚僕耳語未幾良醞佳殺紛陳滿席舉杯相屬極歡始罷遣友去覓衣不得采俸  
曰所大嚼者維何已付典庫矣相與鼓掌而散其曠達類如此采主講書院最久門人知采者遇花晨月  
夕必儲美酒請臨采欣然就之醉後輒紀以詩存稿頗多兵燹後悉散失矣城對岸之西山有文筆洞為采  
生平所喜每盛夏恆在避暑洞月方歸及寢疾甚劇命子以肩輿送彼端坐而逝識者謂青蓮界中別有宿  
根茲之為此其亦不昧來因歎

賈國賓 號西樵道光丁酉科拔貢楷法端整秀勁處得自率更喜作米家山水間有入神之筆頗為獨到

然不易得數十年授徒自給教品立行從游其衆晚年主講書院以終

張瑞圖 號禾卿道光乙酉選拔性好靜居恆閉戶讀書不與外事龐眉修髯道氣迎人其為制藝宗法體

萬授初學必以曉樓太史塾課為發軔謂其格高法密也凡事教人崇實黜華嘗主講銅江書院壽至七十

五歲 號鼎梅國學生如澍子其父任京秩琴隨侍最久性傲不諧俗有目空一世之概屢應京兆試不

第自讀禮家居閉戶不出者幾四十載喜為散體文頗能達其所見古今體詩極自負著有紅蕉山房

稿未刊行

李楨 號幹臣中咸豐壬子科舉人未達時性恂謹事母異孝聞少負制藝名為童詠春高足弟子晚選

山西長治縣令以不任繁劇置彈章鬱鬱卒於太原其子扶柩歸葬

張結 號竹溪漢貝生瑞圖子性冷峭不喜與人酬對工試帖律賦每歲科試考錄古名輒高列為歷任

學使所賞選拔之歲求勝者爭延捉刀未嘗稍北尤擅四六文抽黃對白匪夷所思警句流傳今猶膾炙人

口焉

舒綵 號彰五己巳補行己未辛酉壬戌三科中試舉人少家貧刻志為學從童詠春游感有文名以府

武冠軍補弟子員其為制藝宗法陸萬屢困棘闈宴鹿鳴時已年逾知非矣居恆布衣蔬食儉以養廉制府

岑毓英閱兵蒞郡時綵主講書院毓英與言終日頗重其品為設培文局籌加山長東修添助諸生膏火自  
綵始也

喻 燕 由歲貢從戎積功累擢知府弱冠時以制藝擅名後悉屏去書爲古今體詩宗法浣花得意處直  
摩少陵之壘駐軍旴江從南豐吳翰林嘉賓游所爲古文淵源得之嘉賓生平嗜有正味齋集故其駢文渾  
灑流傳有似穀人而縱橫排宕則又天分所自具也一時名公卿如胡文忠林翼臬司李元度巡道陳枚如  
以文學深器之詳見武功

胡曼松 號鶴林一號荷舸癸酉拔貢性敏善記好藏書過目不忘一時流輩咸以爲弗及髫年入泮弱冠  
膺遴選人方以選到期之無何七次秋闈三薦不售居恆鬱鬱光緒戊子知府余上華議修郡志延歲貢  
喻勳司修纂之任而以長松佐之明歲己丑恩科復往鄉試病歿實定旅邸士論惜焉長松生平談鋒犀利  
時有雌黃偶然涉筆亦寓予奪於中非必有意爲之蓋英華發越遏抑爲難不自覺也素擅書畫叩門請者  
踵嘗相接長松對客揮毫頃刻而就詩學放翁畫成輒自留題新穎之思如披沙簡金往往見寶得者珍之  
著有元覽圖考讀吏雜記及紅蕉山房詩文集未梓

文學傳遺

徐廷

校

標舉孝廉方正模郡庠生昆仲教品立行鄉里推重且皆擅臨池書法精絕其流傳可親者如東山

文昌宮橫額及江西會館有佛心道眼四大字圍約數尺頗爲曠者所許前輩風流猶堪想像

譚 鴻 邑庠生字羽臣別號晴峯幼穎異讀書十行並下爲孝廉黎沛之甥孝廉令吳中歸林後藏書甚

富鴻爲所鍾愛恣其涉獵遂以博學稱生平著作有讀書塗說十二卷讀詩衷說五卷冥飛子義三十卷臥

雲山房詩文集二十一卷仙釋言行錄六十四卷均藏以待梓遇包茅仙之變鴻殉難室廬爲灰所藏無一

存者松桃譚明之少從鴻游深悉梗概撰有行狀載藝文中





武功

■朝

曼殿臣 字碩功號石公少倜儻有大志好讀左國及秦漢書兄元臣在翰林時事內外皆殿臣拚擋每夜分乃得啓篋或習弓矢不稍倦旋以武庠領康熙壬午鄉薦癸未成進士欽點三等侍衛值休沐即侍兄元臣討論古今成敗及當世務孜孜弗輟御前八年扈從熱河屢詣水陸圍場感溼熱氣疽發於背聖祖賜稜藥遣太醫診視既平召至榻前令解衣拊視嗣授龍泉關游擊龍泉近五台香客踵相接聞故有稅殿臣汰除苛濫香客便之又捐貲置義塚掩露骨遇老弱飢寒者輒量周布粟兵民稱慈惠焉越八月擢授曹州營參將母李氏卒參將以下無離任丁憂例殿臣號慟曰父母之喪無貴賤一也曾備官三品而不得比於諸生乎泣血陳情牘凡七上竟以格於成例不得達由是深居斬衰哀毀骨立會旁郡有白蓮教脅衆千餘聞殿臣新任且居憂度城中無備謀以某日五鼓劫城曹州兵單城復不固州民汹懼將欲棄家走殿臣知之亟曉民曰毋恐是可以計擒也至期殿臣令昇鎗炮伏賊衝左右城門四開自率步卒十餘輩環城巡視漏三下賊果來乃命亟轉五鼓賊疑之見城門洞開信爲有伏猶豫思遁俄而城中炮起與伏處聲相應賊懼夾擊乃左右竄殿臣率兵尾追獲首黨數十人餘衆奔潰自相蹈藉溺水死者無算是役也兵不血刃民賴以安曹人至今頌之丙申夏陞文登協副將山左兵丁舊苦差徭殿臣久欲爲請未果及以文登協署登州鎮咨商於撫軍乃按畝攤派閭省稱便歷調靖五德州慶遠延平四協皆由記名奉特簡也殿臣性沈毅遇事敢爲所至以恩義結兵民在山左時初蒞德州值水旱災地艱於食殿臣馳請督撫具言府縣倉儲不敷賑糴旋奉准撥運糶賑另委員糴楚米接濟而檄殿臣監賑焉先是辦賑者假手吏胥有虧短薪米而暗投蛤灰於釜以冀糜之速爛者人食之多踣斃殿臣廉得其實乃擇老成弁目任其事升合取盈器缶必潔粥既熟親偕同官就嘗之由是全活甚衆其自延平擢陞襄陽總鎮首謁紫陽朱子祠見棟宇傾圮卽捐俸修葺並置義塾延師以課兵民子弟之俊秀者生平亟亟於崇學好義如此有老虎州者故營馬草場也游牧餘地不下數百畝殿臣憫兵丁之窮而月糧之不敷也思有以濟之備牛具籽種招民佃耕而酌分其租歲得麥七百斛做社倉法行之兵食利賴焉又念襄陽據荆楚上游爲南北咽喉地樊城襄陽屏藩商

賈輻轆烟火萬家舊制巡緝無專官盜警火災不時聞作爲行旅居民憂殷臣擬以前營移駐其地俾司彈壓且成犄角勢條上幾得如請以觸執政忌格弗行並從而中傷之乙已秋入京陛見遂鑄級發宣化城工効力未幾鉅費難集工不舉監督以聞逮問刑部時丙午夏也部議以不能設法修城擬流杖奉上諭張殿臣遲誤工程本應治罪姑念從前居官恪謹尙可矜卽着釋放回籍殿臣生平篤於孝友輕財好施祿賜所入悉以分贍親族待鄉隣敦厚溫和遠近無少長靡不相敬愛里居杜門不出日督子姪輩誦讀雖餽粥不繼晏如也卒年六十有三探張素撰傳

劉之仁 字德菴號潤亭先世爲江西南昌縣人繼遷武陵其大父名登松者復移居銅仁乾隆四年己未之仁始生幼業儒以家貧不能就外傳年十七入營伍十九拔本協外委操演嫻習賞罰不異私狗人見才能敏幹出同官上有都外委之稱性嚴重尋常見親友必肅衣冠坐立未嘗偏倚談終日無戲語情容識者謂之仁必貴三十七年壬辰金川賊蠢動徵調貴州官兵籍無之仁名其友彭定南勸之行且曰君骨相清奇又素懷濟時略機會弗可失也之仁乃請行上官許之既至金川時賊踞方張前敵疎於防禦我軍潰敗之仁與大隊相失偕一卒飢疲且甚伏叢莽中忽有人呼曰起視之則一老者童頭跣足肩一竹籃語之仁曰賊至矣盍急避之之仁以飢疲告老者於籃中撮細末一匙食之復以少許食其從卒咸覺精神陡爽適後路殺聲漸逼乃倉皇走莫知處人所在迨脫險追憶始悟是時烏得有老者殆神人呵護歟未幾海公蘭察攻喀爾密等處之仁皆隸麾下補本協千總適賊築碉樓一座極險峻不利進攻當事欲招致酋首以計圖之海公知之仁膽略其相委令以五品頂戴隨帶侍卒周崇殷入賊中議事酋首索諾木嚴兵以待之仁宣布朝廷恩威諭以順逆利害侃侃百餘言索諾木改容禮之請從命因留之仁宿開筵款洽器皿皆金玉宴畢舉以贈之仁之仁卻弗受前後三往功垂成矣忽當事者中變欲乘酋不備以兵襲之謀既泄復畏縮不前酋以之仁爲欺已也幽之暗室率羣賊挑戰之仁乘間遣周崇殷逃回通聲息於海公崇殷不忍之仁獨留固請俱逃之仁堅執不可謂酋方疑我爲欺非留以示信前功俱棄矣崇殷請再三之仁拔佩刀呵之曰我豈不愛生第同逃則賊疑而追捕兩死無益爾還報海公設策猶且晚可歸也不然我甯肯辱於賊手乎崇殷既還報海公親趨敵前與酋面語示無加兵意酋疑解之仁始得歸然困賊中已



七日矣未幾當事令之仁撲某礪將以陷之之仁不敢辭海公知之急率所部相助之仁奮不顧身首先登礪大兵繼之賊遂瓦解方本果木之失機也原任川督劉秉田時在糧台之仁謂海公宜虛心相諮可得將伯之助迄金川底定海公奏事上每嘉許之稱其洞中機宜蓋商於秉田者多以是服之仁之能知人焉是役也之仁由千總洊陞至雲南昭通游擊尋遷雲南鶴麗騰越兩鎮總兵署大理提督其鎮騰越三次時有蓋西野匪剽掠邊區爲民害民請兵甚急知州吳楷難之之仁便宜行事捕野夷數十人置於法餘匪咸率服事平未嘗折一矢也騰越志備載其事後告病歸里於嘉慶三年入京兩次召見問金川事甚詳上加恩發往四川尋奉欽命解四川軍餉銀三十萬兩經陝西巡撫奏留陝西軍營旋補甯陝鎮總兵時甯陝係新築城池措置一切悉有法度以勦捕南山賊積勞成病未幾歿於營中壽六十三歲七年蒙恩准其營病故例賜卹銀二百兩部議廕一子子如瑛於引見後給六品頂戴廕文生員准予南北鄉試先是之仁自騰越歸厭城市煩囂置別業於鷲鷲崖誅讀督耕屏絕外事嘗歎曰田雖薄不可以薄而廢耕也子雖愚不可以愚而廢學也有子有田是卽歸之善狀而晚年之樂境也因自頌其莊爲樂善云採徐如樹撰

路朝貴 初冒田姓貴後復姓駱少有雄略英武善戰入松桃營充馬戰兵乾隆六十年黔楚苗變上命大學士公福康安帥師討之二月初五日賊犯正大營總兵珠隆阿令朝貴燬尖巖山苗寨距正大營四五里適福康安帥師至併力追之正大營圍立解不旬日賊復窺伺總兵花連布令朝貴前往攻截並解臭腦營圍賊犯松桃花連布趨援城下都司孫清元出城接應夾攻之賊敗走松桃解二十六日攻克蘭草坪苗窟石三謀窟據黃瓜寨地最險要官軍屢攻不能入三月初十日大雨午後雨止是夜三更後出賊不意分道前進賊率衆抗拒明白辰刻風雨交作官軍冒雨突擊賊不能禦向山後竄逸遂克黃瓜寨朝貴殺賊多名拔歸化營總六月克老王寨擒首逆吳天牛兄吳老正九月克高多寨擒吳半生拔畢赤營千總嘉慶元年小竹山教匪高承義倡亂狀著知縣王懋德游擊陳紹先以傷重死提督花連布帥師討之賊抗拒朝貴射死高承義擒楊通遲姚世龍等賞藍翎二年興義苗變初賊中有章七縉鬚者少無賴游蕩楚南北間無所得食歸楊言得異術能避兵刃以紙扇揮之雖火器不能傷苗信之遂糾衆叛時大兵調赴湖北倉卒無備賊犯興義黃草壩甚急事聞上命督勒保回剿之朝貴從征敗賊於壩索嶺四月擒梁廷和擢

雲南昭通營守備又由尋普解興義團賞勳勇巴圖魯名號解普軍圍糧安南營都司八月擒楊明王襄仙  
章七結纜王抱羊等與義平賞花翎十月擢提標右營游擊三年調安義鎮中營游擊四年雲南猓匪亂由  
分水領進攻拉蕉河五年攻拱干攻壩卡俱有功四年凱撤補雲南新習營參將時川匪滋擾奉命督師討  
之六月次瀘川府賊竄蕭家場朔賞率輕騎追之先後擒斬吳福國等八人擢甘肅中衛協副將六年賊據  
桐林壘擒徐萬富等六人誅之擢陝西陝安鎮兵七年賊竄谷口山獲首逆張天倫等五人誅之賞提督  
銜八年調四川川北鎮總兵十四年擢湖北提督蒞任後整飭營伍訓練兵丁壁壘一新未幾薨於位朝廷  
諡悼卹如例

於桃志

楊芳 字誠村生而沈毅有幹略好讀書通經史大義應試不售遂入伍充書識楊遇春一見賞識之拔  
補北總時川楚教匪稱亂王師征之累歲不能靖芳從遇春剿賊每戰輒爲軍鋒斬敵不可數計累擢台拱  
守備賞藍翎嘉慶四年經略額勒登保進剿賊渠冷天祿包正洪於大竹適正洪已與儀隴賊合竄鄰水乃  
冒雨突擊天祿於岳池遇春以勁騎二千一戰殲之進追至石竹河賊以五舟迭渡僅濟千賊餘賊數千方  
臨岸登舟時芳已晉都司率九騎越山先至即磨礮大呼馳擊賊隔山不知我後隊虛實爭赴河陷淖者三  
千餘人五舟以爭濟皆覆隔河賊呼號不能救俄大軍至騎浮而濟並追殲其先渡之賊是役功稱最賞花  
翎擢下江營游擊五年閏四月賊渠楊開甲張天倫等趨渭南芳隨遇春倍道扼其東竄並遣兵守商維賊  
議復西竄留張漢潮餘黨三千於後以綴官軍芳扼西河口去路而大軍三路偪攻連破之大小中溪斬首  
一千五百賊合竄溪口伏兵四面蹙之溝水盡赤生擒千餘人張逆餘黨殲焉芳由兩廣督標參將晉廣西  
副將賞誠勇巴魯圖名號八月連敗賊於成縣階州賊渡白水河入老林芳冒雨追賊及之於磨刀石手刃  
十餘賊矛傷足墜馬仍徒步殺賊復傷臂官軍乘之大敗賊射傷伍懷志上聞而嘉之詔問受傷狀下所司  
優敘六年五月張天倫與曾芝秀陳國奉等率衆六千合屯高唐嶺芳及遇春分路擊之擒斬二千賊復分  
爲二芳夜襲天倫於白河浮誠殆盡遇春遂與芳邀擊冉添元於平利克之六月經略偪賊入川爲一舉掃  
蕩計八月遣芳擊張天倫於西鄉俘斬盈千餘賊僅四百賊林適芳所追太平開縣之賊竄至南江經  
略令芳殲東奔之辛斗於通江而自帥遇春追兩京之高見奇魏學盛於廣元擒斬殆盡七年三月遇春移

剿苟文明賊自華陽合而東竄芳分路追截敗之於是楚賊略殄盡其南山遺孽經芳及遇春分兵十餘路  
櫛比排搜亦所餘無幾矣逆渠苟朝久被芳剿急遂與宋應伏合竄漢南爲官兵所殲八年六月芳窮搜至  
老林匿賊百餘突出熱屋洋縣芳追之入山八月有散遣之勇附之合三百人苟文潤領其衆勢復猖獗九  
月通江已散之勇五百人復與合遂戕副將朱槐於山溝詔芳回漢北專防山內餘賊時賊皆百戰之餘忽  
陝忽川忽聚忽散猱騰免脫無定蹤九年正月屢由安康窺漢岸圖竄南山皆爲芳所卻先後擒匪百餘於  
是南山無賊八月芳搜漢北餘匪盡殄之各路皆報肅清芳擅甯陝鎮總兵嘉慶五年特設甯陝鎮節制子  
午華陽黑河諸營汛以從征鄉勇五千充新兵地險兵悍爲漢北第一巖疆九年三省戡定經略參贊先後  
還京師十年七月途有新兵之變時楊遇春以陝西提督入覲芳赴固原署提督事副將楊之震護甯陝總  
兵營卒陳謙順陳先倫以停給鹽米銀事糾衆叛戕副將游擊賊黨蒲大芳等以芳素得士心先護送其家  
屬於興安而後歸從賊遇春行至西安聞變即調兵進剿詔德楞額泰爲欽差大臣討之賊奔驪陽破洋縣虜  
脅數千芳帥固原兵二百人馳抵石泉九月賊攻孝義廳分隊窺子午陷芳馳扼峪口德楞額泰令遇春以兵  
五千自洋縣進剿而自帥兵四千繼之賊攻鄠縣芳復馳救力擊劫營賊盡戰竟夜身受數創黎明賊辨其  
爲芳也自引去時賊黨已增至萬人又選步騎三千爲前鋒改推蒲大芳爲首遇遇春軍於方柴關兵賊隔  
河尚有相揖訊者及戰數合殺傷略相當大芳陷陣力戰伏賊繞出陣後官兵大潰遇春僅率親兵數十登  
山斷後賊追至忽反走乃收潰卒扼方柴關次日芳馳至謂遇春曰叛兵皆百戰之餘驍悍習地利而官兵  
勤勞九載瘡痍未復且與叛兵多同功一體之人以兵攻兵終無鬪志賊兩戰見吾二人皆辟易尚有舊部  
曲誼請公按兵緩攻而某單騎入賊營曉以順逆遇春然之時賊矛林立或叩馬力阻芳曰我與楊公計之  
熟矣天佑蒼生我必不死爲國息兵即死且得所何恨遂策馬前萬衆作愕芳故得新兵心又裨闔善操縱  
見大芳等卽痛哭曰吾與若曹戮力數年同患難生死今對壘如仇敵吾不忍見若曹罹族滅禍請先殺我  
於是衆皆哭逾二日大芳誘縛先倫達順以衆降德楞額泰遂以叛卒窮蹙乞命奏首禍二百二十有四人盡  
釋歸伍上切責其寬縱命戍降卒二百餘人於新疆尋爲伊犁將軍松筠所誅遇春降總兵芳坐馭兵不嚴  
釀變謫戍伊犁德楞額泰既劾芳恐物議不平復密疏申雪芳至伊犁未匝月卽賜環命以守備千總補用十



三年同籍省親補松桃協千總十五年起廣東右翼兵八觀賞還花翎尋調西安鎮總兵十六年丁母憂十八年秋林清謀反既伏誅李文成踞滑縣詔陝督那彥成爲欽差大臣帥師討賊提督楊遇春副之芳呈成遣芳追剿芳伏騎白土岡誘賊出戰佯走伏起大敗之又追擊於南首山殺賊二千有奇是役也賊走山上殊死戰官兵畏賊鋒有退者芳拔佩刀立斫數人衆効死遂大捷進奪司寨文成縱火自燔死乃合力攻滑時滑賊未下而陝函三才峽賊又起滑城堅外磚內土中沙大炮攻之遇沙而止官軍掘地隧皆爲所破芳陽築他柵進攻而潛掘舊隧滿實火藥至期將卒皆甲騎以待十二月十日平明隧中藥燃西南城崩裂十餘丈官軍奮前奪城蟻附入巷戰至夜共殲賊二萬免老幼男婦二萬有奇俘首逆牛亮臣徐安國等檻送京師滑縣平加提督銜賞襲騎尉世職十九年春帥師入陝大破賊擒逆自譚貴等詔優敘調漢中鎮總兵二十年擢甘肅提督道光元年調直隸三年調湖南五年調固原六年回籍張格爾叛楊遇春時署陝甘總督詔授欽差大臣帥師討賊尋以大學士長齡爲揚威將軍楊遇春爲參贊芳請行許之時賊陷西四城距阿克蘇八十里十月大兵集阿克蘇賊扼柯爾坪地險要中隔戈壁將軍令芳襲破之焚其南北莊敗其援師七年二月師至大河拐賊三千來襲營敗之進抵洋河巴特沙漢平曠賊二萬距橫岡五六里芳與將軍參贊分三路進攻賊據岡下壓者再大兵分路奪岡賊披靡擄斬過半盡得牲畜糗糧濟師進抵沙布都爾回城多葦湖樹林賊數萬臨渠列陣決水成沮淤使騎兵不得騁城後林中皆有伏賊雖繞襲芳先令步卒冒險越渠短兵接復麾騎繞左右淺渠橫截陣賊大潰追逾渾水河三十里俘賊萬計復分敗林中伏賊及河橋援應賊越二日賊數萬據阿瓦巴特回城依岡背河我軍距賊十里止營夜遣吉林勁騎千分探左右閒道繞出賊後次日壓賊壘而軍賊佯退誘我兵登岡而反乘之我軍鎗炮迭前籐牌兵虎衣躍入賊馬驚陣亂岡後伏賊起殊死戰而我千騎已繞出回壘後突擊其背賊大敗奔擒斬各半殪安集延二酋目追至洋邊瑪河距喀什噶爾城八十里次日整隊至渾河北岸賊悉其衆十餘萬背城一戰阻河爲陣亘二十餘里築壘蔽之穴壘轟炮鼓角震天勢甚勞遣死士數百夜擾其營謹禦達旦是夜西南風起撼木揚沙大霧晦將軍以賊據形勢且衆寡不敵欲退屯十餘里須霽而進遇春持不可芳意與遇春合乃遣

索倫千騎繞趨下游牽賊勢芳與遇春率親兵驟渡上游據上風瞰勢與風沙勢相搏賊陣亂比曉我兵盡渡風止霧霽乘勢衝入賊陣賊土崩我軍乘勝抵喀城時三月朔日也張格爾先遁襲其甥姪及偽汗並伯克等斬馘數萬十六日芳以兵六千往剿和闐賊破之擒斬逆酋玉努斯遂復和闐加騎都尉世職命在乾清門行走時遇春亦連復英吉沙葉爾羌二城六月芳與將軍參贊帥師八千出塞掩捕遇春屯色勒庫芳屯阿賴阿賴者蔥嶺之脊脊以西水皆西流乃喀城赴浩罕之道也有浩罕賊二千餘誘官軍入伏鏖戰一晝夜衆幾殆芳步步爲營嚴陣出險上責諸將孤軍深入召遇春入關以芳代爲參贊十二月密遣黑回出卡縱反開言官軍全撤喀城虛饋回翹首以望張逆果率步騎五百欲乘除夕不備潛襲喀城芳與長齡嚴兵六千以待二十有七日賊潛至旋折回芳率兵星夜追至喀爾鐵蓋山擊斬殆盡逆僅餘三十賊棄騎登山時值嚴寒堅冰積雪沒脛蹀芳亦步行躡之至絕處逆無所逃爲芳部下副將胡超都司段永福等所擒八年正月擢聞詔封芳三等果勇侯賞戴雙眼花翎賜紫纒黃馬褂加太子太保賜其子承注舉人圖象紫光閣大臣以芳爲首御製贊凱旋命郊勞行受俘禮勒碑大學及喇嘛蓋山上召見數次晉侯爵二等晉太子太傅銜賜紫禁城騎馬復以芳六十年辰御書酬庸錫綬額並福壽字賜之九年秋安集延夷匪復肆掠芳與長齡馳至軍機諭浩罕復許入貢通市十三年四川清溪土千戶總辦高山各夷滋事關四川提督芳至夷已平定乃妥籌善後詔嘉之晉一等侯十四年夷復蠢動降二等侯以總兵往甘肅侯補十六年湖南賊軍兵變迫脅鎮道借銀累萬起芳爲總兵定善後章程五則皆如所請十八年遷廣西提督調湖南二十一年海氛棘詔宗室奔山爲靖逆將軍芳與尙書隆文並爲參贊大臣由江浙至廣東以議款罷兵芳同湖南提督任逾年請告歸詔在籍食俸二十六年薨年七十有七遺疏聞優詔褒恤賚白金五百兩治喪賜祭葬如例謚勤勇芳結髮從戎經百餘戰必躬先士卒所向未嘗挫衄屢荷恩賚所得玉鞞荷囊不可勝紀少受錫遇春之知執從子禮甚謹威望與遇春埒天下稱二楊而芳受侯封且先於遇春八年論者謂二楊勳績高天下而尤以招撫甯陝斬兵稱首何則南山起隴西尾商郎阻與千餘里據川陝湖之腹而甯陝所治五郡形勢要害又據南山秦嶺之腹新兵五千皆百戰之勇習流賊故智使招撫連數日賊已分突秦隴楚蜀殘黎民老幼糜餉曷所紀極然非芳威信眾人奮不顧身入賊穴亦莫能追數千出柙走險之虎兇

使歸就閑勒也孫子曰全軍爲上破軍次之芳雖以此獲咎而功德所被無涯矣芳兼資文武負著述才所著有平平錄等書凡十餘種正平略

按芳松桃人隸籍銅仁縣松桃銅仁兩志皆載之

楊純昌 號樸民郡庠生個儻喜言兵議論風生碩幹偉軀矯矯如雞羣鶴遇事敢爲地方義舉每銳身任之初銅仁院考附錄遠試期嘗在冬夏冰天烈日跋涉維艱且爲程三四百里貧寒者恆資斧不繼生童苦之純昌偕舉人楊勝之童詠春倡議銅仁建修考院三年工畢聞於上臺奏請分考今樂其便純昌以是議敘從九品咸豐三年遵義楊逆喜構亂時巡道楊書魁任勦撫事純昌在投之以功叙六品銜十年乙卯十月府吏周庠因催科激民變叛匪從而煽之城遂陷府治以西沒爲賊窟時鎮遠苗氛方熾附近營汛徵調一空當此倉卒變生官軍勢難兼顧純昌乃捐貲募練並集鄉團爲復城計六年丙辰正月會同鎮軍攻城城乃復由是辦理善後措置得宜純昌贊畫之力爲多事平擢同知歸部銓選純昌素性嫉惡鄉里不肖咸畏之良懦恃以爲安精岐黃術踵門求者無弗應奏效如神所全甚衆純昌沒後季子諸英登拔萃仲子青園暨孫葆善培善相繼入泮並食餼識者謂純昌生平所爲多利濟事故其食報如此云

黃秉珍 號東山幼矢志爲學家貧甚朝擔薪售於市供齋粥夜則掩戶卽燈下讀書以童試失意走赴軍中始嘗淪落兵戈極艱苦之狀咸豐丙辰普鎮軍承堯方以都司轉戰湖北有矯健名秉珍謁之說以兵法相得甚歡承堯招致幕中由是奉檄援江西大小十餘戰悉全勝秉珍實左右之旋以計攻克瑞州高安等城並收復建昌府及所屬各屬承堯授九江總鎮秉珍由俊秀洊擢至候補知府賞花翎以擒獲賊中酋帥解營與巡撫者齡縱談時務甚蒙欣賞卽委令署建昌府事時距入承堯幕未及三年遠以書生綰符大郡遭際亦云奇矣無何甫數月積勞疾沒壽三十六歲曾文正國藩適統師駐節其地見所遺積儲銅器數萬斤將治以鑄砲爲攻勦計者慨然曰是志士也惜不永年

喻 號魯翹歲貢生弱冠有文名翁祖庚督學極賞之與其弟敬侯竹君有三鳳之目兩萍鄉閣不售悉捐棄其帖括業而致力於史學以求識古今興衰治亂之由並旁及太公陰符孫吳祕集與奇門六壬諸書意將儲爲勦亂用者蓋時值咸豐初粵西髮賊方起故也乙卯胡文忠林翼督師湖北肅往投之令募



軍五百名譏糧台髮賊偵爲文弱書生謀規糧燾設奇敗賊數千衆於京口林翼偉之冬十月聞本籍教匪陷城請於林翼得歸乃赴鎮軍乞師於丙辰正月克復郡城丁巳復往湖北至武陵知林翼已丁憂回籍聞江西戰事方殷乃趣之己未佐劉方伯于潯於饒州庚申鄉人黃觀察鳴珂守建昌招以書至則令統黔軍八百名分防屬縣辛酉僞忠王李秀成擾江西率賊六萬圍建昌時僅營兵三百名鳴珂急徵燾所部守城賊圍二十六日鑿七地道分路攻城燾或引城內積水灌之或內築重牆蔽之皆不得逞前後縋城十餘戰悉有斬獲賊計俱窮適外來援師爲賊所敗反逐之圍遂解鳴珂以守城功見重於督師曾文正國藩實燾左右之也丙寅燾丁內艱還李臬司元度方攻荆竹園賊巢不下燾謁之元度以兵單語燾燾慨然請赴長沙乞師歸作駢體書上湖南巡撫劉坤情詞慷慨坤獎以辭藻甚佳機宜洞悉等語並宣示同僚一時諷誦傳抄幾於紙貴元度每與燾談論時務輒歎曰今之陳同父也自全黔肅清燾有老屋數椽在東山麓擬伏處著書有終焉之志巡道陳枚素重燾謂有用世才又以李節相鴻章枚所拔士因爲燾延譽並勸駕燾欣然請行乙亥春正抵保定隨抱病沒猶未及謁見節相也命亦艱哉燾生有異才爲文手不停揮頃刻千言有長江大河之概古今體詩格律沈雄音節蒼涼得力自杜時出入於高岑少作多散失從軍以後所爲半伊涼聲今其集可按也以軍功由歲貢累保江西卽補知府賞花翎駐防建昌時曾代理南城縣事燾性豁達不羈有豪士風恥爲世故周旋故往往爲忌者所擠仕卒不遠時論惜之

胡元壽 字仁山少孤貧事母至孝操舟爲業不足供養贍乃入營充馬戰兵時年已逾三十矣步履矯捷能日行三百餘里銅仁距提標十五驛每有急遞文檄令元壽往約七日返營帥頗倚重之道光三十年粵賊洪秀全倡亂陷永安州桂林戒嚴詔副都統烏蘭泰爲欽差大臣調各省兵討之元壽從征九月師次大黃江進攻武宣東鄉墟咸豐元年四月賊竄象州由馬鞍山進攻六月賊回竄桂平縣大軍隨之復永安州桂林圍解拔荔波營把總一年十二月賊竄全州道州進逼長沙欽差大臣向榮率大軍追之復全州道州長沙圍解賊由洞庭泛舟東下陷岳州武昌繼陷賊竄安徽據金陵建僞號大軍次七橋巒連破賊營元壽斬黃衣賊酋一人賞藍翎四年十月攻鎮江府虎頭山克之拔台拱營千總七年三月攻觀音山賊潰賞花翎補甘肅江慶堡守備調都勻協守備十一年十二月擢定廣協都司同治元年五月隨大軍復蘇州論

功晉游擊連復江陰溧陽嘉定常州等府縣晉參將二年八月復廣德番副將三年六月江南平凱撤回黔時苗教各匪滋擾布政使兆琛令元壽剿之賊犯餘慶與戰於蕉園賊敗走餘慶圍解加總兵銜八年抵定廣任十年六月署水城營游擊十二年九月復回本任十三年全黔肅清論功以總兵記名光緒二年署銅仁協都司未幾病卒無子以從兄子嗣

譚經魁 號殿元風儀秀發言論敏辯遇事善籌畫與人交輒令傾倒頗有座上客滿之概少失怙恃道光三十年粵西亂起兄永亮由營兵出征時經魁年未冠從之未幾永亮以功拔外委於金田村與賊對敵戰歿經魁哭之哀都統烏蘭泰憫焉以永亮職授之由是轉戰桂林永安解長沙圍拔把總賞戴藍翎尋賊陷武昌掠舟東下據金陵經魁隨大軍逼紫雨花台每出戰必有斬獲欽差大臣向榮拔以安義鎮左營千總補歸化營守備賞花翎經魁居金陵行間久熟悉賊情有大敵必身率前鋒所向克捷以功累擢河南河北鎮游擊晉副將加總兵銜同治元年四月赴河南游擊本任二年護理河南河北鎮總兵事五年請假回籍七年任籍經巡撫曾璧光奏留遣用令署平遠協副將旋調署貴陽城守營游擊十年克復都勻奉旨以提督記名簡放隨借補長寨營參將十二年克復青黃復奉旨賞給直勇巴圖魯名號光緒元年署定廣協副將四年調補雲南永北營參將是年請假回籍修墓以舊傷發輾轉年餘卒於家未及五旬識者慨之以為未竟其用云

楊順昌 號靜亭由行伍出身以功保儘先參將賞花翎始拔銅仁協右軍千總歷任思南大塘守備署遵義左軍都司護理協鎮旋補安義鎮標右營分防新城汛守備實缺咸豐初髮賊竄長沙順昌隸錢玉貴部下有驍勇名繼隨軍東下在金陵大營身經百餘戰皆爭先陷陣及凱旋每解衣通體傷斑鱗次肌膚中猶藏有礮子以手撮之隱隱可辨觀者駭然後年四十餘舊傷猝發卒于任

陳九龍 號健鈞于咸豐初從戎江西隸統領靖勇吳錫光部下時錫光有善戰名九龍隨同攻克南康府以功拔外委未幾復饒州府擢把總賞藍翎錫光戰歿改隸林寶彭營充哨官肅清樟樹興隆等處晉千總進軍臨江府力奪礮台圍隘以守備補用准歸江西撫標旋調署吉安永豐都司時大股髮賊竄吉安前隊千餘人將抵永豐縣令早逸去居民擬空城而逃九龍曉之曰無恐有我在爾即怯懼可將室家徙避山中

不難守也。九龍下令四門緊閉，城上復插旗幟，列器械，毋許人有聲。各二十人爲隊，分數隊，屬巡每家，須煎滾水送城上，貯缸待用。稍冷，擲回復熱，毋令烟火聞斷。及賊距城未遠，察城下寂然，旗幟器械，整列鮮明，時見雉堞，閉人影隱約，疑有伏，不敢遽進。有數賊作踰城狀，探虛實，忽滾水潑灑，泡傷立退。復見城中烟火氣蒸結如雲，愈疑伏兵不少，夜遂遁去。取道他縣，居民幸免於難。由是頌九龍爲神明。縣令通誠，冒其功上之九龍，且得罪，劉殿撰方家居聞之，不平，代爲申辨，乃得補撫標左營守備。賞換花翎。在任六年，署中協參將，奉調進京，驗看陳請三代封典，後署建昌守備。有年，光緒初補鹽山營都司，未履任而卒。歷官二十餘載，職雖卑而軍民感戴，有顯秩所不得者，嘻異已。

陳光華 號丹初，少家貧，略讀書，識字性機敏，戎行閱歷二十年，能解文義，自治軍檄奇門六壬及各兵家言，悉參究無遺。始咸豐初投効湖北陸營，累功擢都司同治開入浙，隸水師，克復杭州，並肅清餘杭、海甯、桐鄉、富陽等縣。經浙閩總督左宗棠奏保，奉上諭以游擊留閩補用，賞花翎。嗣統領板礮船隨軍，屢克名城，以首功聞。經左宗棠奏補噶瑪蘭都司，履任四年，請三代封典，以親老乞終養，迨歸而堂上齊眉健在，弟光洪亦候補千總，樂敘天倫，人生幸事，又數年以病卒。郡之從軍者不乏能衣錦還鄉，俾父母身受其榮，落著無幾，光華官雖微，洵無愧子職已。

王金魁 弓馬嫻熟，十六歲入武庠，幼曾讀書，晚好無生，旨每夜誦金剛經，且歿時方宴客，入內更衣，忽稱暈眩，扶之登牀，卽坐化，亦一奇也。始嘗以協營馬兵出師廣西，拔外委，繼隨軍進勦，遵義楊逆攻克，雷台山擢把總，賞藍翎。咸豐五年，本郡教匪據城，以叛，金魁會同楊純昌帶領鄉團與楚軍復之，檄署江口外。委同治六年任存城千總，代理本協中軍都司，屢隨連字營搜勦地方，餘匪拔古州衛千總八年補都司，未幾奉調攻拔興義府肅清上游，並削平各路賊巢，經巡撫曾壁光奏保，奉上諭以游擊儘先補用，賞換花翎。後粵匪竄擾，勦平六洞，授參將，克復下江永，從廳縣城池晉副將，迨六旬退老于家，以壽卒。

姚文廣 由武童于咸豐十一年投入楚軍，年字中營，是年隨隊會剿安徽，大股援賊奮勇衝鋒，蒙給六品軍功，賞戴藍翎。是年七月分勦安慶竄匪，尤爲出力，以千總補用。八月追勦湖北援賊，迭獲勝仗，並克復宿松、黃梅、廣濟等縣。城池在事出力，擢守備，免補千總。同治元年四月隨同大軍攻克廬州府，縣城池晉都司。



免補守備並賞換花翎五月奉調援陝九月回援楚疆屢獲全捷襄河迤北一律肅清擢游擊免補都司十一月復調入陝勦辦狃匪二年二月攻克羌白嶺王閣村等處免補游擊以參將留陝遇缺補用九月帶隊攻高陵縣城並燬十三村等處狃巢涇河迤北一律肅清蒙賞加副將銜三年二月克復熱屋縣城殲除股匪殆盡奉上諭着賞給展勇巴圖魯名號六月回援鄂疆蕪黃一帶竄匪肅清楚境十一月督帶仁勝右營四年三月奉調勦燬宜昌府屬朱栗寨股匪巢穴歷經防堵黃州德安及河南信陽州等處旋奉奏調援豫迭次追勦髮捻攻克南陽府屬之華營宋營等寨及構林關賊巢十二月仍回援楚疆五年正月克復黃陂縣城十月大股髮捻竄鄂帶隊跟勦迭次猛戰克復雲夢應城天門各州縣城池蒙賞加總兵銜以副將儘先補用六月調赴山東運河防勦疊次出力奉上諭以總兵交軍機處記名遇缺請旨簡放六年正月回防楚疆分駐麻城黃陂站廣水驛等處九年四月仍調入陝光緒三年九月勦辦潰勇招降全股奉上諭以提督記名簡放復經移營駐防潼關並署理潼關協事務五年二月以頻年陝防出力蒙賞照尋常加一級十月奉檄統帶廣勝各旗分防漢中要隘九年二月接署漢中鎮總兵印務十一年十二月奉上諭著補陝西陝安總兵實缺前後三次恭逢恩詔每次賜加一級祇承在案節錄履歷按文廣號會亭軀幹偉然豁達大度以百戰積勞擢至封疆功伐所著皖楚為多而在陝威望尤重茲以其人見存未合編傳用節履歷附於武功

唐學發 號爵亭于咸豐四年投効湖南水師營隨同克復岳州保藍翎外委五年攻勦武漢大股髮匪免補把總以千總補用加守備銜六年于大小八十餘戰彙保案內晉儘先守備旋經克復武昌省暨漢陽府城以都司升用七年奉楚肅清順流東下連克湖口彭澤東流各屬以首功擢游擊賞換花翎繼攻破大通驢壘並望江香口各隘以參將儘先補用十年隨同大軍防勦下游收復東流彭澤城池攻破南陵賊圍遷副將十一年克復安徽省城是為東征戰功第一蒙加總兵銜並賞卓勇巴圖魯名號隨克復無為州及掃平漕河賊壘准于軍機處記名遇有總兵缺出請旨簡放同治元年疊次攻克太平蕪湖等城並金柱關東梁山各要隘賞加提督銜二年統領水師新前營恢復杭州省暨餘杭海鹽富陽各城池奉上諭賞給三代從一品封典署浙江定海總兵在任三年請假回籍省墓見履歷不遺而舟為漁具者跡煙波有終焉之

本時高尙亦可風已

楊正清 武宣等咸豐三年授刻大營隨軍克復... 功獲外委五奉調入揚勝軍撤委後哨哨官  
七平克復江西瑞州府擢批總統藍翎旋攻克吉甯府... 于應統補加守備銜十年回籍督親十一年九  
月投効江蘇上海軍營同瀚元福七月入營奉命先有曉諭八月克復嘉定縣城暨新涇四河口兩次血  
戰解圍經江蘇巡撫李鴻章奏保奉上諭以都司儘先補用並賞換花翎二年三四兩月連次克復太倉鎮  
洋岷山無錫吳江無錫福山各州縣奉旨諭賜... 補用三年克復嘉興府首先登城身受洋砲  
重傷雖瀆復起裹創以進繼復攻克湖州府並安慶廣德州等城奉上諭着賞給穎勇巴圖魯名號八月克  
復蘇州省城九月接次攻克江陰無錫金匱等縣... 平潮乍浦海鹽各城奉上諭以副將留湖南即補  
檄令統帶關字五營七年八月在山東... 總督曾國毅伯李鴻章查明歷在皖鄂豫東蘇浙各  
省著有勳勞彙奏保奉上諭以總兵記名... 放實授正二品封典九年三月勦平西捻尤爲出力奉旨  
著交軍機處遇有撥缺儘先補放十年奉旨... 候補用

歐陽華坤 字地山別號棟珊... 十九歲時祖母暨父母皆相繼歿數月

之間三喪相次遺有弟妹悉弱小由是益落拓不偶... 憤慨關雎于武力聞髮賊徧東南從軍者趾踵相  
接因寄弟妹于伯母家而仗劍遂行至湖北投効大營練將軍多隆阿部下多鮑兩軍以善戰鳴皖鄂... 華  
坤則尤其中之健者同治建元華坤甫二十四歲... 戰功擢至儘先副將賞資勇巴圖魯時節相曾公  
圖藩統大軍進規金陵髮賊以死力搏拒... 奮勇欲添募新軍難于將領向多索之多選提督王  
可陞以應命... 從焉華坤督帶左營... 奮勇... 乃稍得自見是年季秋僞忠王率衆二十餘  
萬援金陵以雨花臺賊壘爲官軍所逼且夕將破百計圖救... 五地道攻官軍營轟發時方值申刻萬賊  
集鎗礮如雨至亥刻未退華坤身先士卒率百人直搗中堅其驟若風賊遂披靡大敗是役以首功薦授記  
名簡放應吳二年隨王可陞調防漂水屢被大賊... 爭皆擊卻之十月城內奸民通賊夜半開門  
遞入東北西三面城業已爲賊據獨華坤南... 一隅守斗如常賊不敢逼終藉其力驅賊出城得無恙可陞  
聖其功著記名遇缺簡放提督六年駐紮淮安府... 河塘勦捻匪時賴逆就擒淮徐肅清其黨劉老簡素

換湖棧橋巴圖魯並給三代一品封典明年同鄉會館建碑三十有四惟是華坤自結髮履戎行閱十餘年而功成各就衣錦還鄉井父老子弟相迎于路十里外有人給五金爲贖于是絡繹不絕道旁觀者咸噴噴稱羨抵家後其久經析居之伯母審母暨從兄弟輩收恤之同處一堂資其衣食各贈百金爲私財許其居積爲後日計此外戚族比隣食其澤者尤衆家居不與外事暇則臨池澆墨喜作學策書其所書虎字約有五六尺許筆力勁絕今猶有藏之者光緒二十二年華坤年方強任由籍諭咨入覲夏四月十八日兵部帶領引見恭奉溫諭殿股垂詢多隆阿職事蓋詳奏請補授華坤年方富強發往甘肅軍營調遣並允暫食提督半俸亦曠典也至甘復見器于爾相左公衆獎勸華坤有願備嘗焉旋檄令往解軍裝赴新疆之南八城所經萬里戈壁眠食于雪窖冰天絕漠風沙無極華坤往者往往多所遺失無一得免贖責惟華坤往返六閱月竟囊萑全以歸一日左空呼至前因近會考華坤出獨金塔協缺尙虛吾欲以汝承之暫資一臂行當大受矣華坤道于八年冬渡金塔塔至西關俄道地要衝秋高馬肥關外狃夷與內民互市率取道于斯稍不戢輒有意外虞華坤謹斥埃塵守節嚴明號令操演隊伍不啻屹然一重鎮未幾陝甘總督譚公以靖遠營制廢弛華坤爲增設五營一以爲金塔塔者治之期年壁壘一新譚公保列軍政二等十四年仍回金塔本任是秋舊傷復發醫治罔效遂卒于署壽終五十四歲季弟華秀由籍往迎喪爰將華坤歷年血戰屢受重傷卒以傷發殞命各情稟請譚公奉聞獲照軍營積勞病故例賜卹華坤天性甚篤與季弟華秀最相友愛爲近今罕觀兩妹所適皆貧寒之輩華稱小廉焉與人訂交一言終身不易外雖威重而出語惟恐傷人生平詩句頗多有悲感者其詩一、二端與夫功業所昭略爲書之以表其梗概云

按松桃係割銅仁地廣產糧動勇公秀來松桃人而華坤仁縣故銅仁松桃兩志皆載之劉之仁田勳貴兩軍門本銅仁人而亦採入松桃志者未艾公秀爲松桃人而華坤後兩地爭有之可見士生宇宙能自樹立則地以人傳往往爲世所鑒稱此不可不察也



銅仁府志卷之十二

人物

列傳

忠烈

明

忠烈 孝友 義行 隱逸 著稱 清高 方俊

楊 癘 萬歷己酉舉人官直隸灤州知州崇禎五年大清兵攻灤州癘督民固守未幾糧盡援絕城陷死

之贈光祿寺少卿賜葬廐一子詳治行

皮 熊 初姓羅名聯芳崇禎官貴州總兵順治四年正月流賊張獻忠餘黨孫可望自蜀竄黔陷遵義

入據貴陽三月我大清兵西征至遵義可望聞風屠貴陽城遁去留偽總兵柏永馥巡道董顯忠守之熊與

前撫范鑛復貴陽城時黔省未頒正朔苗蠻蠢動熊撫戡之十月綦江人王祥率眾數萬據遵義五年七月

祥與熊構兵圍貴陽八月平茶司人楊光謙援熊敗祥眾圍始解六年正月張先壁擁兵由楚窺黔至偏橋

熊遣光謙敗之先故明桂王自立肇慶建號永歷至是封熊匡國公祥忠國公使守貴州七年四月李定國

至白滇與熊及范鑛通糧而去八月孫可望由雲南襲據貴陽熊走清浪追執之奪其兵柄康熙三年熊與

水西宣慰司安坤謀興復事敗被擒熊不食十五日而死熊起於行伍值明祚既絕之會備極播遷心不忘

國迨其萬無可為一死以報愚忠惓惓亦可悲矣舊志失載茲補書之以表其烈云

國朝

羅雨春 幼讀書稍長不喜為章句備棄之軀材短小精悍目光有神自其先世軍銅以拳勇技擊相傳雨

春始嘗習之繼自訟曰持此與人角勝負可矣然終非萬人敵咸豐五年聞粵賊竄湖北投入軍中屢以功

擢都司賞花翎十一平隨隊由皖進勦下游克復廬江無為州直隸東關同治元年攻克巢縣和州含山各

州縣以游擊補用是秋入軍渡江隨同取金柱關復太平府晉參將時浙江巡撫曾國荃全師直逼金陵部

下統領長勝營朱鴻章有善戰名國荃令雨春別募煥字營為之副俾紮雨花臺前敵未幾偽忠王李秀成

率賊援金陵稱十萬獨雨春營當其衝每臨敵雨春輒奮力迎勦疊有新獲秀成於濠外暗鑿地道積火

銅仁府志卷之十二

忠烈

藥攻兩營宮製其半羣賊乘之勢甚危雨春於煙焰中左右衝突所向披靡自申至亥賊始退經三莖題  
奏奉上諭免補副將著交軍機處記名遇有總兵缺出請旨簡放三年六月克復金陵國荃所統百餘營推  
雨春首功捷聞雨春奉旨以提督遇缺簡放並賞一品封典給予捷勇巴圖魯名號四年遇江防剿叛勇及  
粵閩餘逆五手於嘉應州勦平全數粵匪大功告竣回籍省墓六年直隸總督官文調赴行營命統親軍十  
二月帶領圍隊五十人往探擒匪距營過遠忽與賊值雨春戰歿於陣餘皆死鬪無一生還者久之始得耗  
官文以其事聞上念雨春功深悼惜之交部照提督陣亡例從優議卹加贈太子少保銜遣官致祭入祀京  
師昭宗祠並本籍及陣亡地方城昭宗祠並給騎都尉兼一雲騎尉世職襲次完時予恩騎尉罔替令將  
雨春事蹟交翰林院立傳卹銀如例

王國珍 號春波長身有力猿臂善射精悍之色溢于眉宇道光三十年廣西賊滋事國珍以銅仁協右軍

馬兵從征旋奉調攻勦遵義府桐梓縣逆匪楊鴻隨同大軍克復雷臺山國珍所部勝勇功爲最拔補左軍

副將及勦平郎岱廳屬夷匪以千總拔補並賞戴藍翎未幾補安義鎮標左營外委克復思南石阡銅仁等

處免補十總以守備補用咸豐六年署銅仁協左軍千總事七年十二月帶練三百名勦辦苗匪解黎平圍

免陞守備以都司補用石軍守備十年六月出帥石阡解印江圍克復甕安轎頂山免補都司以游擊陞

用賞換花翎嗣復調遵義堵勦苗教兩匪領西路營務處事立解綏陽圍並通入省驛道十一年粵匪竄擾

黔西州國珍帶兵練三千名跟蹤追勦巡撫韓超以屢次戰功卓著奏免補游擊以參將儘先加副將銜同

治一年帶兵練八百名赴遵義貓山紮營堵勦大股苗教因糧盡援絕被圍七晝夜飢疲不堪猶督隊抵禦

二月十七日與賊血戰力竭陣亡事聞詔贈總兵銜照總兵例賞卹銀七百兩並給騎都尉世職襲次完時

予恩騎尉世襲罔替國珍少慷慨喜談兵嘗曰吾儕身列營伍死當以爲革裹屍乃爲丈夫已果歿於戰陣

亦其素志然歟

譚永亮 道光三十年九月由本協營兵奉調出征廣西時髮賊初起其鋒甚銳永亮疊次打仗不避矢石

蒙廣州副都統烏蘭泰拔補外委嗣在金田村地方全軍敗績力竭陣亡同治九年題奏咨部議卹准襲雲

騎尉世職恩騎尉世襲罔替

亦其素志然歟

譚永魁 道光三十年九月由本協營兵奉調出征廣西轉戰湖南湖北暨江南等省疊次出力蒙荊州將軍都隆阿擢至把總儘先補用賞戴藍翎金陵克復後遣撤回籍同治五年清江苗氛逼境永魁帶領客寨獲答兩鄉團練堵賊在朝陽壘接仗陣亡同治十三年題奏咨部議卹給予雲騎尉世職以恩騎尉罔替子必超承襲

李招發 協標右軍大興汛外委於道光二十八年奉調出師廣西咸豐二年九月十八日於永安大廟坪與賊接仗立時陣亡事聞賜卹銀如例予襲雲騎尉三世騎尉罔替時子鳳岐甫五歲妻王氏守節撫孤及歲承襲歷拔大興汛把總

田天祥 郡之萬山人善騎射勢力過人能挽三石弓由行伍補川洞汛外委道光三十年粵西亂起徵兵各省時以太平日久聞者色沮天祥獨慨然請行卽至隸幫辦軍務廣州都統烏蘭泰部下嗣隨大隊敗賊於潯州大黃武宜東鄉等處復於郴州株木山首先陷陣賊壘數座蘭泰特賞之歷擢鎮遠中營把總旋隨向忠武營率軍東下復以功晉右營都司咸豐十年閏三月十五日列陳三叉河賊衆數萬炮聲如雷甫接仗我軍稍却天祥激厲士卒奮不顧身率敢死士百人及其二子鼓噪直前再接再厲斬級無算無如衆寡不敵遍體鱗傷力竭死之百人悉遇害二子皆以身殉嗚乎何忠孝萃於一門而百人者亦甘與偕亡知函濡於天祥非朝夕矣事聞賜卹銀如例給予雲騎尉世襲恩騎尉罔替二子一名開進一名開達

艾延暉

國興附

延暉號小謝郡庠生軀幹偉然可日行二百里能舉百斤重器豐頤方口論辯不窮性豁達人

樂爲之用其祖以都司官錮遂占銅籍昆弟皆隸營伍故延暉雖書生擅騎射識者以文武才許之咸豐三年江忠烈忠源以楚軍勦賊江西延暉仲兄國興時爲部下哨長延暉往省兄值國興奉命分隊攻賊延暉從之是日賊甚衆國興幾不支延暉乃令十餘旗伏林莽以疑賊而身率壯士出賊後鳴金鼓驚之賊隊大亂國興與延暉奮力夾擊竟全勝以歸初忠源偵知是路賊衆料國興必敗及凱旋大異之繼聞爲延暉指揮所致急召見相與縱談遽握延暉手曰自吾起事未有得人如艾生者時劉制軍長佑以訓導贊幕小忠源挈延暉往造謂長佑曰爲君尋一高子弟來矣宜善視之忠源旋有撫皖之命廷議以安徽舊改置廬州詔忠源駐紮其地欲防賊北竄也楚軍僅三千餘人江西湖北各留千人駐防其隨忠源入廬州者僅千



餘人未幾金陵賊大舉攻廬州百餘日圍不解時延暉隨長佑由楚募勇二千名來援賊甚衆無從得至城下全軍相顧莫敢前延暉以忠義開布涕泗交頤軍中感奮得壯士百人延暉帕首靴刀率衆乘夜衝入忠源見而歎曰今日始恨知艾生未盡也忠源慮城廣分守爲難令廬州知府募本境勇守北城竟以通賊至城陷忠源赴水死延暉先一日縋城出戰負重創賊入城得之逼令降延暉不屈遇害事聞賜鑾儀衛經歷職卹世襲雲騎尉忠源本籍及廬州立專祠有殉難六人從祀延暉其一長佑於光緒間總制滇黔猶專使存問其家深憫之也

國興武庠以功授都司賞花翎留防江西於義甯州戰歿世襲雲騎尉

蔡永蘭 永蘭風儀秀鬢貌若書生眉宇間有英氣上憲見輒器之素善射邊演武校藝未有不首列者咸豐四年遵義楊濬喜滋事由正大汛把總奉調出征至則屢立戰功往往伏要隘陰射著名賊發無不中爲賊所憚或軍敗永蘭獨單騎殿後彎弓向賊賊不敢逼所全甚衆帥倚爲左右手尋擢千總賞藍翎加五品銜時有雷臺山者稱天險賊據之久不下十月初四日永蘭率驍卒往攻賊中素識永蘭箭法銜之甚僞以賊誘於前而設伏斷後由是力竭被擒賦支解之死最慘凶耗至營全軍震悼咸爲泣下事聞賜卹銀如例並予世襲雲騎尉襲次完時給恩騎尉罔替子長青及歲承襲

孫世佩

世依世傳別

世佩號象環邑庠生濃眉巨口

喜縱談至快意處輒自鼓掌拘拘繩墨不屑也家素貧力學

不倦應童試爲知府王成璐所賞拔置長案入泮咸豐五年教匪藉糧陷城世佩所居江口爲匪衆往來之衝世佩結團自固取名忠義蓋所以激勵人心也遠近聞風景從匪勢日孤六年城復五洞地猶有餘匪嘯

聚四門糾集數千人圖舉事先期知府王敬烈聞之帶勇駐防江口二十四日匪悉衆來撲敬烈令世佩率團練往禦許以督隊接應乃世佩方赴前敵其季弟世依中槍死而敬烈後隊已相率倉皇返城矣世佩知事無濟急思越河據岸以守爭渡不獲溺死河中仲弟世傳以侍父母不離死於家幸其父母素以盛德稱聞衆有感平日厚待恩者出死力衛之始獲免匪悉燬世佩所居家資蕩盡是役也昆仲三人同時殉難覆巢幾無完卵尋敬烈爲當道所糾無以世佩事上聞者至今未邀卹典惟一父老時爲追歎以咨嗟於無盡而已可悲也夫

劉有輔

號健臣郡庠生之仁孫以將門裔復承其父如瑛義方之訓少有大志思樹立自見辛亥鄉薦不

售時值粵西亂起有黼悉取乃祖所儲兵家言熟讀之咸豐三年聞兩湖戰事方殷慨然曰吾家受國恩深吾雖書生然同仇偕作之詩亦嘗三復敢以文弱自棄也由是投筆從戎及抵長沙知賊竄江西有參將吳錫光者爲黔人以驍勇稱方統軍千餘人進攻義甯州有黼往投之不合聞江家軍以善戰鳴岳鄂間統軍爲觀察江忠濟諡壯節有黼爲書說以兵事令人往投蒙給札俾招二百人赴岳州大營調遣有黼招募成軍自義甯啓行取道平江初平江有勇與錫光軍齟齬彼此爭鬪殺斃平江勇百名傷者甚衆錫光軍皆黔人因銜黔人刺骨迨有黼假道於斯知軍多黔人鄉關遇之不許行有黼出札相示並婉言以訕團首給之曰必交軍器當派團護送俟出境乃給還有黼所部皆不欲從獨有黼過持重期曲意求全勉應之迨將行時又僅許十人一隊先赴團局點名始放之行餘以次點即以次行至此有黼亦疑有詐然已無如何矣孰知引十人去則殺十人引百人去則殺百人後者未及知也軍只三百人從行不少無一得脫者黔人十居其九吾錫又分其半焉遲之久始有傳其事者有黼子甚幼無力往雪忠濟旋以傷歿於岳州有黼未經立軍無以爲言者嗟乎有黼雖非死於賊而念切從王無辜殞命上不邀褒錫之榮下未卹協賞之例慘罹殺身賁志以歿其沈痛有較勝於馬革裹屍者且相從數百衆同時捐生乃皆泯泯無聞不意地厚天高內有此奇冤茲聊敘梗概編入忠烈雖曰所以慰之亦欲不沒其事以見遭逢亂世之艱而並爲踐土食毛游優太平者發其感也有黼風儀美秀言詞敏辯沒時年僅三十六云

楊正昭

明政

正昭翊政弟翊政爲郡增生性果決有膽識好談論古今得意處輒笑聲振屋瓦始以家寒讀

陶朱祕集解治生中作致產數千金牆宇完整過者不知爲酸子居也咸豐五年教匪據城郡人楊純昌倡團謀復城時紮營桐梓巷南門阻水難渡賊恆由西門越大江坪從鷓鴣巖淺處渡河求戰疊次皆翊政帶團遏擊十二月初九日賊大隊來撲正昭慮賊登岸親身據守中槍死翊政率衆竭力堵禦賊始退其後純昌歿三元團李丕基意存不軌窺六龍山險峻欲與純昌團聯合圖據爲砦而中阻翊政團不得達屢遣人說之翊政悉斥絕同治三年清江苗下竄丕基囑賊破其家復撫他事陷翊政於獄良久罰贖銀四百金禍乃解猶是鬱鬱以終人多傷之

陳汝霖

原名常郡庠生身不滿五尺性極機警咸豐五年教匪陷城各鄉多結團自固小江李丕基雷洲

倡騷三元團附者甚衆時有一游士王姓者多口辯以策說丕基丕基意動由是招集亡命肉懷不軌勢甚張斬殺自由遠近莫敢抗汝霖窺其意叵測以大義曉村人獨所居村不入團丕基方欲示威俾團中無敢梗命者今汝霖顯與爲難銜之甚乃遣同黨傅大武入其家刺之家人以力難遠徙如鳴冤恐盡室無噍類強隱忍之後知府周夔過其村有父老述之夔曰富頹波茫茫時獨能輕生死明去就作砥柱中流始得膺寸柄以臨患難不誠烈丈夫哉乃恤其寡並親爲文祭墓而去

梅慶雲 號文山郡庠生咸豐六年貴東道楊書魁奉檄督辦軍務自遵義來郡經閱家場遇賊嚴占紫等截奪輜重軍械阻其前進書魁退走官墳壩賊悉衆追之勢甚危慶雲率團衆往救弗勝爲賊所擒逼令降慶雲不屈罵賊以殉

劉步麒 國學生同治元年二月二十四日荆竹園賊出擾步麒被執索金逼降至死不屈時年六旬有餘步麒素行剛直爲鄉里敬服至是不爲賊奪遲暮餘生未肯忍辱求活其氣節可想見已

柳宗儒 衛千總銜同治三年四月帶團堵賊力戰被擒賊逼降不從受炮烙諸極刑肌膚焦灼至死罵不絕口慘狀殆不忍言賊退收屍葬之見者咸泣下

楊政梅 耆民老成重望鄉里所推連年帶團地方倚爲磐石同治三年孟冬土匪繼喜老陳滋事政梅率團堵禦敗績賊執殺之

曾富臣 監生同治三年仲春二日荆竹園賊下竄富臣爲賊所執不屈遇害

唐家光 武童同治三年三月內帶團堵賊陣亡

廖席珍 郡庠生同治四年三月帶團助勦首先衝敵立時陣亡團丁感席珍忠義併力死戰奪屍以歸

石連科 連科於咸豐初從軍湖南北暨金陵大營以功授游擊東南底定偕其兄連升弟連貴回籍省墓連

升連貴皆軍功未詳何職適值郡有逆苗之警其來飄忽驟若風雨遠近走避不及坡頭鄉有土山名小空向擬築砦未成者周圍短垣高數尺舉足可踰倉皇間各村男婦避此者二百餘人連科兄弟咸在焉時舉人李楨囑連科等守此勿移而身往各團號召團久不至賊已麇集連科兄弟扼壘門戰至時許血濺汚身皆赤力盡被殺獨連貴負重創欲往催團行未遠殞於道旁是日至中二百餘人無一脫者破望之慘惟此



爲最時同治五年十月二十六日也連科兄弟斃賊不少傷者尤多倭有自賊逃回述職中相爲語曰使團衆皆若三人吾屬無噍類矣連科兄弟素有善戰名所惜者未能建旗鼓秉節旄而獨張空拳向賊未盡其施雖驍勇足嘉究不獲裨補時艱庶庶可慨也夫

王樹人 號蓋臣郡庠生原名宗培初困於府縣試乙卯之變樹人以文童帶團助勦著有微勞當事未上其功同治五年孟冬月二十五日清江苗下竄來甚速官軍防堵不及樹人率其族人禦於村外衆寡不敵同時殉難者閤族近百人樹人兄弟三人皆與焉屋宇悉焚燬家資蕩盡此次遭賊殺掠之慘遐邇惟王氏爲最

楊日新 郡庠生同治五年新正廿五日帶團堵賊力盡陣亡

楊潤通 司前洞民屢帶團禦賊爲一方保障咸豐八年三月爲賊所執潤通知不免極口罵賊期速死賊憤甚斷其舌次分裂其屍散棄於野慘亦甚矣

楊再新 業儒性剛正以考試久停故未售同治五年逆苗竄救寨嗣獲之罵賊不屈死

雷雨萊 年九十六歲生平好養生術耳目總明齒髮不衰同治五年爲逆苗所執不屈死之然使不遇賊壽未可量也

楊再鈞 救寨嗣新寨團首同治五年聞苗氛逼境率團往禦衆寡不敵死焉

胡其烜 號午亭又號樞北以功授六品藍翎少讀書能觀大意有膽識遇事敢爲郡人徐榮素自負少所許可獨其烜以少年後進與縱談竟日能使心折烜嘗恨不得操寸柄盡其才居恆鬱鬱寡本楚產銅仁爲其寄籍有簿業乃悉售之由原籍援列得分發貴州從九治裝晉省爲需次計未幾贊罄時李斌爲普安同知與有舊懷刺往投冀有合焉斌方卸篆待之甚薄其烜不平訴於新丞牟謙篤謙篤一見相投留置幕中

適典史某病故卽令其烜署之並爲達於上台得如請旋有賊逼近州城軍書旁午咸資其烜爲左右手有解糧將至縣者道經賊境亟須迎護無人敢往其烜請行及夜宿馬鞍山古寺楹爲賊劫且縛其烜迫令降

其烜睡之遂遇害時同治八年十月二十五日也丞以事聞蒙巡撫曾璧光題奏邀恩賜卹世襲雲騎尉卹銀如例

梅玉林 號羣譜己酉科選拔長生玉立雙目炯炯有神識見深沈不喜以議論馳騁同治五六年間黔疆漸就肅清有悍賊數十皆百戰之餘逸入梵淨山時出劫殺附近居民畏其焚掠或有輸金帛求免者獨玉林與其內兄弟唐仁溥仁沛結山砦與抗賊無所得銜之深戊辰冬值天雨雪乘其不備攻砦立破仁溥仁沛幸脫走玉林被執賊知係玉林羣相謂曰吾等紛攘終無成子肯爲首乎願相下玉林罵不屈賊怒支解之死狀甚慘友人喻勳哭以詩云聊因避寇築山城豈道書生遽解兵力盡可憐身被執臨亡猶自罵聲聲刀光閃處劍光寒自古從容赴義難一死拚教伸士氣英雄風端不愧儒冠形雲黯黯暮天昏景色淒涼慘莫言刺骨寒風吹不息何人翦紙爲招魂七字吟成永訣情須知握手待他生灑將千點重泉淚爲報鍾期舊日盟

忠烈補遺

張效銘 庠生咸豐六年隨同湖南官兵剿辦效匪出力蒙湖南巡撫駱保以歸部選候訓導同治元年三月督團攻剿苗匪賊衆數萬力竭陣亡於巖腦坡同時死難者七十餘人

楊作霖 武庠初在湖北撫標營充隊目以戰功歷保儘先遊擊賞戴花翎咸豐六年聞銅仁數匪滋事請假旋里適逆首鄔黑虎趙子濬正率衆復攻郡城鎮遠鎮慶督兵迎擊檄作霖帶團助剿遇賊於江口賊力渡河霖於山後突出攻其不備賊落水者不計其數賊酋在後見前隊敗挫分股由上流僻靜處涉淺而過暗襲作霖後霖丁不過數百人被賊前後夾攻坐馬被傷驚逸霖乃棄馬步戰賊衆圍殺手刃數賊力竭而亡屍被賊寸磔置之河干時同敗者至今猶涕泣能道其事云

楊春早 郡庠生咸豐七年鎮守道翟銅仁府王委以團務令其相機剿辦殺賊不少旋以衆寡不敵爲賊所獲慘被炮烙寸磔而死

廖鳳彩 年二十餘胆力過人隨父避難客寨湖南官軍進攻五洞教匪派人下鄉督辦船隻備造浮橋概被賊擒時賊數不多彩聞之即馳往救不勝爲賊所獲賊首以彩袒護官軍剖腹剜心與羣賊烹食之

吳轉應 屢次帶團勦賊擒斬不少賊銜之刺骨於咸豐七年九月黑夜入其家將男女五人一并殺死

胡賢彰 同治二年二月賊至賢彰負母出逃力盡被執母子同時遇害

蔡永興 同治三年爲賊所獲問地方富戶避居何處言即免死永興祕弗告且罵不絕口賊怒殺之

喻宗騏 同治二年十月聞賊至已逃脫矣私念胞叔瑞廷在後未至回身往救因被賊鎗擊死

何景春 文童楚軍充當隨員解運糧餉至郭水地方爲賊所害

李允魁 年五十餘陷賊圍既潰圍出復思老母尚在圍中奮身殺入欲負母出奈賊層層密裹母子俱被害

楊化通 武庠生同治五年十二月初四日方出外聞賊猝至即馳回比抵家賊跟蹤入宅生負母出後門登山賊追至欲殺母生以身障復跪求代死賊索銀贖命生以倉卒回家未攜銀錢在身賊怒殺之卒捨其母



蔣啓良 同治五年十一月賊至抵敵多時手刃十九賊力盡陣亡賊剖其腹而斃割之

黃 錠 同治五年十月賊猝至計無所之與其女二姑投於河已沉水底被賊拽起殺之

楊吐秀 縣庠生性醇謹家貧好讀書不干外事同治五年入泮適清江苗竄入郡境秀應試未回聞警念

家有老父星夜馳歸屋宇已成灰燼舉家不知所向宅後有山高數百丈秀登山尋覓不料山谷中藏有賊

數十人遂被執衣履剝盡乃釋之時值嚴冬雪深尺餘秀繞山呼父者三日不得遇他賊終為所殺

王開元 候選從九為坡頭鄉團首同治五年十月大股苗匪犯境開元帶團堵禦在譚家坳與賊對敵手

刃二賊身受數十傷而死

陳作霖 郡庠生交泰子世居大家洞時值荒亂棄儒業農壬戌夏賊營至父久病廢霖棄妻女負父出逃

疾走不餘里抵堂叔所居之木匠溝方叩門賊躡其後認為宅主奪其父索銀物霖再三求免賊遂捨父而

縛霖迄無所得竟被斃割以死

向化永 同治六年十月苗匪攻壘奮力抵敵中數十傷體無完膚其妻田氏捨身救夫同時被害

向述愷 同治六年十月賊破壘與妻安氏罵賊不屈均被賊殺

李春芳 武生同治八年十月清江大股苗匪突至村人呼曰曷逃乎曰徧地皆賊吾將安逃即持刀出門

與賊遇於深巷中短兵相接戰移時身受重創然猶手刃四賊力竭而仆時年八十一歲

黃 彤 文童同治八年十月清江苗黑夜突至其叔被殺其父避居室內彤聞是夜至為賊破急奔往救

與其父俱為賊殺

張能松 銅仁協慶瑞札委入賊巢探訪情形事露被賊斃割死甚慘

湯 烈 庠生鎮遠慶瑞派入賊營為內應事露被賊慘殺

楊擗芳 邑庠生同治丙寅正月清江逆苗下窰逼近龍魚鄉擗芳素任團務聞賊虜過殘酷不忍鄉人遭

其塗炭帶團往督無如賊勢甚張眾寡弗敵被擒不屈而死時第三子鵬昌相隨見父遇害奮然不顧赴敵捐軀族人同亡者有宇光富昌勝國勝考勝才月照諸人忠義親睦之風洵足激厲人心已

王文定 武生木抱鄉團首素有胆略辦團認真所練團丁皆能實在出力賊屢為所窘每欲復仇同治八

年十一月夜未及準備爲賊所殺

曾紀嵩 監生實心辦團賊深銜之同治四年十一月被賊捕捉遇害

萬才高 監生秉公辦團與賊爲仇同治四年十一月被賊捉殺之

萬學高 監生同治四年十月賊衆破壘被執不屈遇害

楊政祺 年二十四歲襄答鄉人同治五年十二月賊至攔頭迎擊先斃賊一大旂旋中鎗而死

楊通經 平茶鄉團首同治九年十一月帶團堵賊爲賊所殺

張成瑞 六家洞人青谿縣庠生賊至被執派令引路不屈被殺

蔡作霖 號雨蒼幼讀書應童試屢抑于有司乃棄儒入營伍以功授儘先千總保五品翎頂同治二年出

師遵義在報國寺被賊圍攻營壘六晝夜糧盡援絕隨統帶官王國珍謀突圍而出國珍當歿于陣作霖手

刃救賊亦力竭捐軀作霖卽永蘭從弟一門忠義殊可嘉已

楊烈光 武庠生咸豐四年粵西賊陷廬州與艾延暉同日殉難

黃永清 咸豐間投効江西軍營以功擢把總十年六月粵賊竄新城縣永清充建武軍哨長力戰身亡

羅桂元 于咸豐間投入金陵大營以功授廣西右營游擊雨花臺打仗陣亡

楊深秀 客寨人郡庠生賊至齊團不及逢遇害

羅允祿 六品軍功咸豐五年教匪陷城在桐梓巷打仗陣亡

張瑞光平茶堰人訓蒙于外聞逆苗入境擬回家齊團堵禦行至高橋適與賊值途遇害徧體重傷其死最

慘

梅燦春 庠生同治三年九月賊衆入境春率團丁堵禦打仗陣亡

姜應璜 庠生同治元年賊衆攻卡力戰陣亡

余瓊芳 六家洞人庠生余作標父作標因護母受傷身殉瓊芳爲賊所執問同村富翁下毒絕口不言賊

怒殺之

唐尙元 年六十四歲同治六年十月苗匪亂壘首先禦賊受鎗斃命

軍興位 年八十四歲馬賊不屈被殺

韓定秀 從九銜年六十歲帶團擊賊陣亡

向述川 同治六年十月賊破邑率妻韓氏起火自焚

羅光清 續職身先團來屢取首級因衆寡不敵陣亡

...

...

...

...

...

...

...

...

...

...

...

...

...

...

...

...



孝友

明

諭國選 祀孝弟祠名載舊志事實無考

楊通

杰照

監察御史楊如皋之族人也其母周氏臥疾兄弟爭拜禱求以身代閱三年不入內室萬歷三十

六年羣苗流劫至其家母被執去二人追鬪數十里被傷不顧至鬼空溪見賊繫母大罵聲震山谷橫擊萬

衆中爲賊所磔死通照年二十五通杰年二十二泰昌元年巡撫李樞巡按史永安上其事旌曰雙孝之門

見明史孝義傳通志舊志皆失載

國朝

王士偉 號子先郡庠生家貧性至孝時值吳三桂之亂奉親山中力耕盡養甘旨未嘗稍缺出爲衣食謀

與親約歸期必先時至以慰倚閭卽遇人款留不忍從也母高年多疾士偉身侍湯藥夜嘗數起聞呻吟聲

輒竟夕不寐一日爲母覓藥路遇虎呼天禱告虎卒帖耳去又過獨木橋有毒蛇盤其上視之掉尾相讓人

謂爲孝感所致母疾篤思梨不得俛士偉終身不食梨二親歿士偉廬墓二年荒山風雨每與號泣相間路

人聞之皆涕下所結廬恆有白鳥來翔塚上徧生朱草人咸異之遇親誕辰忌日不茹暈酒守以終身伯兄

早殞遠殯異地閱四十年極拮据力終得還葬祖塋仲兄乏嗣遵母遺命以長子永年承繼中康熙戊子科

本省鄉試第三名舉人後任岢嵐州知州士偉生平尤樂爲善事散藥施棺力行不怠兩拾遺金悉還本主

郡守邑令聞其賢造廬請見乃以庶人義不敢見辭之皆歎息而去督學張大受旌其門曰人稱孝友老人

張斌贊之云昔有子騫今則子先孝哉二子千古稱賢評隲允當卒之日閩郡罷市爲文公祭並述其大節

無愧古人云

楊炯通

世居西關外小江龍魚鄉地名池塘爲庠生楊政岐子政岐苦苗變避於六轉山隨衆紮卡堵禦

適出卡值苗逆追及鎗抵其背將發火政岐驚墮深澗忽有羣羊突起苗舍而逐羊因得脫焉政岐旣獲生

當鎗抵處長一癰醫之罔效伏枕哀號謂藥皆喫徧但未喫人肉耳豈愈此必待人肉耶是殆痛極昏瞶無

可奈何語也炯通憫父情切立剗左股以進政岐知之大驚父子卒相繼亡其行雖非正道然出諸至性之

人哀迫於中急無能擇事即無濟而心實可悲人謂愚孝正惟至愚是以至孝苟非愚何能孝也舊志

李之華 郡人少穎悟貧不能就塾因廢學析薪擔水賣以養親稍長廂名營伍所得月糧奉菽水外咸備

甘旨已則日食蔬粥母病之華求醫罔效割股以進母尋愈舊志

梅同春 號友蘭郡庠生性純篤事母至孝母有沉疴發則終宵痰喘絕難寐倚枕呻吟其狀甚苦百方醫

之皆罔效同春以家貧訓蒙於外恆隱憂母疾聞有割股愈親者欲爲之未得間未幾值秋祭薦新將歸省

先一夜於塾館中率館童早寢更靜私起焚香竭誠告天地以口嚙左臂用匕首取肉一片裹以油紙傷痕

撮香灰撲之無所痛楚然不料館童已伏暗處微窺也次日還家雜豬肉臠切爲餅蒸湯食母食已謂同春

曰吾食此神爽是何湯乃如此耶由是母疾若失同春私喜方祕弗言詎館童已徧述鄉閭咸嘖嘖稱之並

上其事於官請旌焉同春子玉林已酉選拔瑤林珍林珠林即小崗皆郡庠生

韓永亨 號禮堂歲貢生篤於孝友選授威甯州教諭辭不赴任戚友勸駕賦詩見志云琴書養得寸心春

菽水歎承白髮親不羨爲官眞富貴終身願作孩提人易簪時年七十有九前一夕用前韻訣其兄云兄弟

同居八十春少相式好老相親從今忍淚分離去再世仍爲友愛人至情悱惻流露于語言者如此其孫輔

唐亦歲貢生憲淵憲章皆庠生其曾孫也

陳開校 郡庠生年甫冠其母寢疾開校晝夜不眠親侍湯藥妻林氏亦賢能盡婦職迨母疾篤開校廢飲

食無以爲計宵深沐浴焚香割左股以進母食之數日尋愈家人有洩其事於外者由是遐邇咸稱後生子

五人列庠者三長子聞詩癸酉舉於鄉授定番州學正開校享年七十有奇人謂孝行之報云

孫傳文 號煥亭性敦樸語言爽直庭闈侍奉曲體親心兄弟三人析爨各居傳文獨力供養膳父母安之

初以小經紀營生甘旨未嘗稍缺晚歲漸裕仲弟坐食不治生產傳文以時周恤父母復私取傳文所積

貲與之傳文弗較且故予其便有以爲言者亟止之曰非不知此恐傷老親意也妻喻氏極賢能佐傳文盡

孝養傳文好施與值年荒糶米平市價糶粥以救飢者每清明凡同鄉暨戚族客歿于銅無子孫祭掃者親

往省墓中元作盂蘭會爲焚楮財冥鑑曲至周詳數十年無間自奉甚約賓至款留殷勤飲饌豐潔門外多

長者車轍年五旬始生子家璠後家璠十五歲舉癸酉鄉試第三傳文親享其榮優游十載乃歿人謂孝友

忠厚之報云

唐正習 世居東關外家甚貧作小貿易日荷一擔徧走村墟暮始得歸事母甚孝每歸必為母市肉少許  
供晚膳擔有未售果餌取住者置母枕畔已與妻日噉粗糲僅不飢而已有仲兄析居既久喜浪遊出輒忘  
歸母時懇切正習勸兄無出游願為備餐兄復嗜煙又節日用為兄備煙凡所委曲周旋皆以紓母慮也  
至性悱惻得之賈販尤難子宗瀛郡庠生唐氏聚族而居康熙間有名蘭者官教諭今子孫猶列庠序然與  
正習疏稍正習一支其入泮自宗瀛始其亦學德所勸歎

文大棟 貴貢生祖天奇父致光世有善行詳義行大棟幼即穎悟讀書目數行下十五歲入泮第一同治  
丙寅學使黎培敬按郡補行歲科八屆屢拔優等所為試牘中校士歸時文振采兩章羅文集戲皆採入  
選以母老不忍離左右未嘗一赴秋闈每謂所親曰朝夕承歡依依孺慕萬戶侯不以易此何有於一第哉  
嘗創建觀音閣並刊有正修必進八字覺原觀音經生平以濟人愛物為心自其曾祖以下三世僅一錢相  
延至大棟生子七女三孝友一輩近今罕觀

舒坤勳 扣答鄉人祖安輔父開先喜行善事詳義行坤勳母病久不愈自藥醫之罔效因割股以進母病  
尋愈人謂至孝所為云

楊桂林 教寨廟人父早歿母改適人桂林稍長作苦自食朝出為傭暮歸必織草履二雙出售所得資悉  
諸之居恆極儉冬祇單衣齒積有年約得三四百金乃迎其母歸孝養無缺有所餘以濟鄉里之貧困者生  
平信善好佛母歿後入鐘鳴山為僧

朱名 伯仲三人為政榮子政榮治家甚嚴義方訓子高行碩德鄉里所推名顯少業儒政榮令操家政

遂廢學名芳恩貢生名楊增生怡怡一堂恆以教品力學相砥礪事親先意承志必得歡心乃已郡處偏隅  
喪葬多從俗惟朱氏伯仲獨遵文公家禮不建道場不作佛事門庭整肅見稱鄉里後三人壽皆至八十以  
上出則白頭扶杖次第而行居則推梨讓棗不啻孩提人謂友愛為近世所無足為厲行楷模云

陳紹恩 為邑庠生瑞之次子乙酉經魁書培之仲父也同治五年十月清江苗逆下窺其來飄忽紹恩聞  
警倉皇值母臥病負之亟走行未遠為苗所及剝取衣裳母與撐拒苗舉矛直刺紹恩以手格之遂遇害母



受重創暈絕于地苗退幸未死今七十餘尚存感亦紹恩孝行之所致賊人至今稱之

黃培 字滋圃國學生父早逝母柳氏守節培上事孀母下親紀家政延名師讀書弟以孝友稱於鄉

同治丙寅冬清江苗匪竄擾郡境以母病初愈不忍離左右方負母登舟賊突至母揮之去培不可移舟對

岸扶母逃避賊追至持刀欲刺母培以身蔽賊怒砍之培竟斃舍其母而去然非培亦奚能全母也

黃松齡 字鶴齋幼讀書值亂世未能卒業然頗通曉大義同治丙寅苗突至松齡以父病初愈扶父出

逃賊將追及父叱松齡去不可再三促之終不忍父以足踢之怒曰癡兒不聽父言俱死何益爾不去予立

死於此以絕爾念松齡不得已遂涉河抵岸回視見父步履維艱復回護父父怒叱之松齡終不肯遠離瀕

行猶時時顧父賊猝持刀追父松齡仍趨回以身蔽父賊怒抽刀劈其十指復連刺數十矛而殞殉難之慘

無過松齡鄉人至今述之猶有為悲哽者

楊應震 武庠生事母至孝鮮昆季有姊妹五人知母鐘愛諸女以家資分給之不稍吝同治五年冬清江

苗下窺來甚速應震聞警駭甚亟奉母出避與姊左右扶之甫越闕而賊已至舉刃加母應震以身蔽之詳

視賊識為近里無賴某久出游未歸者叱之曰爾亦若此耶賊初擬應震不識至是失色大怒立殺應震並

及其姊時母八十餘痛子女遇害暈絕於地倏一賊至呵之曰胡為殺孝子乃舍其母而去後其母壽至九

十五歲始歿

余作樑 號雲浦郡庠生性恂謹同治七年春苗氛漸逼聞警倉卒走避不及作樑父遇賊村外賊聞里中

有馬姓富翁疑即其人索重贖不得以火灼之至死作樑扶其母出稍遲至門遇賊賊欲加刃作樑左右蔽

母連受刃傷二旁有賊以木椎橫擊其頰頤骨為脫撲於地賊謂已死併其母舍之是夜賊宿他村家人潛

回聞有微息負至山砦夜分始甦次日官軍至戰於山砦之麓賊大創作樑覺傷處無苦倚砦牆觀之稱快  
忽暈眩欲撲家人扶之氣絕人謂傷重若此而竟從容以歿其亦天感其孝而默為呵護歟  
喻宗 宗聖文章宗壽少業儒壯廢讀而耕同治五年冬清江苗竄郡境聞警倉卒宗壽背負幼子扶母  
出避至村外遙見賊旗乃棄子負母急走有數賊將追及宗壽令兄宗聖護母且行回身返鬪流血被體猶  
大呼殺賊賊斷其右臂並舉矛叢刺之遂遇害收葬時驗其體得九十三傷蓋知有母不知有身故其奮鬪

如此宗聖護母行未遠顧宗壽圖弗勝計己與母恐終難脫乃擇叢莽深處伏母捕短刃回救宗壽中賊矛洞胸而死嘻洵無愧於孝友者矣兄弟之死亦烈矣哉其母竟免於難人謂爲孝行所致云

萬才高 監生同治四年仲冬月二十三日賊竄閩家場時才高方扶母柩出葬聞賊逼近令弟學高與子姪輩守護母柩自鳴金集鄰率衆抵禦孤軍無援力戰不勝兄弟並及於難賊退子姪收其屍斂以棺與母合葬之

楊筱生 文童同治七年二月苗匪下竄執其母與兄將殺之筱生請以身代不聽揮之以刃筱生撲地將次及母兄忽一賊至急止之曰是不可殺母與兄竟免於難然非筱生孝友至性亦烏能全天倫於患難也張長檢 字坦原宋越國公十九世孫父曉坪母翁氏兄弟六人長檢居幼長兄長欽邑增生與諸兄皆早世惟長檢獨存長檢最樸誠性善記喜述古忠孝節烈事尤敏於詩同治丙寅冬苗氛逼近其父聞之謂長檢曰賊至矣我二老年邁艱於他往爾其率家人遠避無以我二老爲念長檢泣曰二老在何敢逃侵晨賊果至長檢負母牽父倉皇出走未里許爲賊所及賊以鎗右擊其父長檢挺身蔽之傷右臂賊左擊又蔽之傷左臂賊劈面擊之長檢復前護傷腦入寸許賊益怒直刃其父長檢觸之以頭傷頂流血如注污身盡赤撲地而絕賊以長檢死舍之去父母環泣于旁逾時方甦父裂袖裏創得不死後父八十二母八十四皆以壽終長檢世居星寨自號安遇居士著有桃花源詩稿待梓

楊得秀 郡處士客寨孟受人性澹于嗜慾娶妻淑而無子踰年妻卒遂不娶初兄嫂俱歿遺一子甫三歲一女甫五歲得秀以養以教及長成爲婚配季弟夫婦亦相繼歿遺四子皆無依得秀以己分田產與之令其同力合作與人言未嘗齒及諸姪亦事之如父焉

楊湛秀 得秀弟爲人循謹老成篤於孝友以歲飢米涌覓見季弟所遺四子食指漸繁非仲兄所能獨任屢欲共相維持奈匱乏無力居恆鬱鬱向人輒垂涕道之羣爲感動

梅調鼎 歲貢生號翹楚晚號六橋性長厚純任天真立品端潔生平隱惡揚善不欲聞人過失聞則曲爲解說或以他詞亂之若有蹙然不安者喜誘掖後進見有片長輒津津道之不去口以是皆親愛之學父母最孝父扶元邑增生有隱德年逾花甲以無疾終初仲子濟鼎于道先己酉舉于鄉未幾值咸豐乙卯教匪

滋事變起倉卒濟鼎竟及于難調鼎奉母及家人遠避皇皇逃窟中未嘗跬步離母已恆終日不得食而蓄甘旨進母前後兩娶名族女皆能守婦道佐調鼎盡孝養母病思洞菌不得及母卒調鼎遂不食菌亂平歸葬其母日夕必至墓前省視撫孤姪古香成立與子繼香同入泮先爲古香完婚愛之篤于己子晚生二子頗敏皆業儒調鼎年逾古稀每鄉試必往嘗謂子姪曰吾非豔浮名也特恐爾輩或稍經挫折遽墮志青雲耳聞者壯之

楊同生 兄弟三人伯兄再贊晚年乏嗣照與生衣之食之備極體恤始終不衰以悌道聞

羅福春 號友士福海其兄武庠玉枝其弟也福春性寬和養觀盡誠未嘗疾言遽色友愛兄弟親睦宗族鄉黨稱之歲丙寅前逆竄境福海奉親率二家人走避山岩福春及玉枝分匿舍後松林賊搜山及玉枝執之福春亟出竟以計脫玉枝可謂臨難不避無愧厲行者矣

楊政敦 敖寨洞人昆季五人父歿析居其母甘旨無缺養膳皆政敦獨任以孝聞於鄉

補諭國選事實 舊志第存其名並無事實茲有太學生曹廷榜喜藏書于市上售突籜者買得一帙上題存志補遺共節如三十七人貞女二人孝子二人陣亡兵丁二人其載國選則喻尙猷之子年四十七歲品潔行端忠厚淳樸父故遺僅

六齡家貧如洗母李氏紡績故育及長人營光字識救水奉母起敬起孝晨昏定省悅色和容妻劉氏雅教婦道能體選意盡孝養母七十一歲猶存選日侍左右依依有老萊風焉



孝友補遺

張廷榮 郡布衣居家孝友處世和平生平喜讀陰騭文每日繕寫果報錄多張凡裱貼寺觀字跡端楷無一苟筆者皆廷榮手鈔也家甚貧嘗節日用買物放生違人卽資問善書談因果孜孜無倦容居恆不妄取亦不妄與殆古所謂狷介者與只一子歿于軍遺孤孫甫壯而殂晚年耳聾貧益甚然猶言語不苟守禮甚嚴壽終七十餘歲歿後于書篋中得遺稿一紙係某年月日母病久不愈廷榮齋戒禱神割股求愈祝文然終其身無一知者亦足徵其純孝矣雖貧甚黔婁悲同伯道幾疑彼蒼夢夢然人稱善士壽享高年溯風徽于既邈不愧完人種富貴之來因可期再世此中果敢豈乏權衡人亦各盡所當爲而已他何疑焉

徐福佑 邑屬有徐仰興者家素封樂善好施妻吳氏生五子友愛敦睦人言無間次福佑尤以孝聞年甫冠其父仰興患血症臥牀不起福佑衣不解帶日夕侍奉湯藥未嘗稍離未幾父病愈篤奄存一息福佑無計靜夜潛入園中焚香默祝剖左股縱橫約寸許拭去血痕敷藥束縛神色如常毫無痛楚因雜藥以進仰興飲之數日尋愈莫知其故後見福佑袖上有跡嚴詰之始得其故由是傳播又數年隨父客武陵父病暴發福佑思惟蒼方可療復剖右股進之父仍獲痊以壽考終未一年福佑病卒妻醮子天聞者悼歎不已胞弟錦香念兄仁孝無後私擬再生一子以嗣兄又慮伯仲皆析居如明言過繼恐疑已圖業有滋物議因循未決及妻臨產甚艱錦香暗祝重申前約已而果產一男取名玉麟夫妻辛勤鞠育長爲婚娶分己業一半給之今已弱冠鄉里咸嘖嘖旣以歎福佑之孝絕無僅有而錦香之友愛同胞曲全骨肉亦可謂處置盡善矣以之勸世簿俗其有瘳乎

義行

王蘭 郡人捐貲置造銅爵一百一十七隻呈詳學以供祭祀之用

陳珊 郡人倡修尊經閣以爲藏書之地

國朝

英 桂洋溪人乾隆三十五年議修協署爲書院英首倡樂輸最豐

李泰和 郡值飢歲後時疫流行死亡不可勝紀泰和施棺木數百具以資殮埋

萬 洪 號露汀乾隆乙卯舉人部選施乘縣教諭尋遷都勻府教授同郡有洪勳者爲戊午舉人與洪會

試入都四次偕行勳在京染病洪日調湯藥無倦容迨坐危勳謂洪曰家山千里君爲異鄉骨肉脫不測無

令殘骸淪落洪泣曰謹如命次日勳殞洪本寒士踐言頗細於力籌思乏策時聞郡某先澤任京秩欲延西

席洪往訴不惜毛遂自薦且爲請曰儻相援則所得修金匪惟勳柩搬運有資餘可恤其家室兩全計也先

達難之洪憤甚轉告於他同鄉貴筑遵義某兩君者皆以翰林留京聞之義形於色奮然各贈五十金時有

銅仁羅曾在京供職復贈五十金沿途備極艱辛柩次襄陽川費已罄適聞襄陽守爲洪乙卯薦卷房師亟

趨謁之並以情告守贈白金生死各半始得還喪故里營葬所餘洪悉交勳家度活里人咸高其義至今猶

嘖嘖衆口焉嗚乎澆俗漸靡交道日薄如洪者可以風矣

羅允忠 歲貢生官黔西州學正性敦厚純固生平喜行善事救荒恤隣惟力是視家有蓄儲輒周人之急

或弗濟雖典衣質產不稍吝諸子成立僅給衣食資令各爲門戶餘以賑貧窮贍戚族嘗謂人曰厚殖以貽

子孫皆禍本耳昔人謂賢則損其志不賢則益其過洵名言哉生四子伯名繡歲貢生叔名綸協營右軍千

總仲季皆業儒孫曾列文武庠者不少至今宗支甚繁皆允忠積累所致也

黃智油 號心培國學生沛蒼仲子性仁慈幼矢志爲學以家政乏人綜理遂廢讀道光十八年建修考棚

心培捐錢三千緡相助當道嘉之以其事聞讖敘鹽運通判心培生平多義行戚族有爭訟者必多方排解

所費不貲亦弗惜每臘盡爲貧窮謀度歲資鄉里咸賴焉俗多溺女心培視力不能育者周以米一石錢一

金仁月元

卷一

義行

一

緡循以爲常所全甚衆其餘創橋修路見善必爲未嘗吝力先其父沛蒼捐錢千緡立宗祠置祭田心培復捐田入祠中設塾以訓族之貧寒子弟其所造就者尤不少已

曾佐文 號懷孔性敦厚澹泊動止以禮無論識與不識皆翕然稱爲長者歿後數十年無異議少業儒稍畏累於家慨然曰毛錐子覓生活恐難濟吾急也昔人謂不能爲良相當爲良醫吾其爲醫可耳由是究心岐黃業日益精然時以濟人爲念有教請者其往也不論富貧其出也無阻風雨雖炎天酷暑冬夜嚴寒聞招必至其切於痼癘嘗若弗及生平多義行有難殫述一日以巨筐曝丸藥各以紙籤標名忽風起吹籤去莫可辨識其藥可值百金衆皆束手僉謂徐試之當可識佐文曰脫有誤則害人非淺吾嘗失此百金舉棄之事雖微亦可見其輕利而重仁矣子貢一丁卯優貢孫書祺壬午優貢朝考一等授知縣戊子復舉於鄉次孫昌祺廩膳生人謂盛德之報云

文天奇 郡庠生生平樂善好施捐田五斗爲設場盤義渡又捐百餘金爲禹王宮香燈之費賑荒恤隣多所保全鄉里寒士不惜多方成就捐地一區爲義塚凡客死及貧無葬地者胥賴之所謂好行其得者歟文致光 郡增生天奇子幼守庭訓性尤好善方娶妻納采行至掛扣度溪橋甫半橋忽折傷及從人致光矢願修橋私捐四百餘金橋成遐邇感之爲碑以紀其事

楊勝剛 武庠生冷水深人生平端方果決見義必爲道光戊戌建修孝院勝剛敦匠事司出入用約萬金絲毫無染咸豐乙卯教匪陷郡城湖南辰沅道覆誥命深入賊巢諭以禍福匪衆執迷不悟然素耳勝剛名不忍害之及楚師臨境勝剛詣軍門說以勦撫兼行由是境內安堵其不至玉石俱焚勝剛力也同治間逆苗窳境勝剛經理副務地方隱受其福

舒安輔 扣答鄉人生性好善喜佈施樂濟人之急貧氏負債不能還輒焚其券約近千緡輸千金關一寺稱小梵淨山今香火甚盛焉

舒開先 國學生安輔子因父創建小梵淨山復捐數百金爲寺僧衣食香燈之費嘗率團堵賊以靖地方園內有構訟者恆不惜出貲和息巡撫岑毓英閱兵至郡勒碑定糧章開先於小梵淨山建報恩祠祀之楊百勝 號策勳郡庠生配室蔣氏夫婦皆樂善好施道光元年歲大飢貴於珠百勝出粟減值平市價



並贈鄉里日用油鹽所濟甚衆每歲終族中有貧難度者遣人餽酒肉及米長子秀俊優廩生季子秀熙貴  
貢孫世襄選拔冠芳武庠曾孫口誼廩生其留貽有自來矣

楊孝昌 鄂庠生爲人忠厚生平不喜便宜嘗有木商買孝昌木一山價值議定登簿約百餘金凡商買交  
易以登簿爲信是夕溪水暴發所伐木悉漂去商不勝懊惱孝昌謂買賣雖定價然未出境終是我物爾勿  
憂卽以前金還之商感激而去又一油商買桐子五十石旣成議人忽大跌商悔之孝昌亦不與較他事類  
是木以此稱焉

楊泰昌 孟父人孝昌從弟也性慷慨家貧樂善尤喜排難解紛值青黃未接時隣有母喪不能葬者適泰  
昌自戚屬貸糴歸聞之卽入弔概以穀助自食藜藿待秋成族鄰有構訟者往往勸釋之雖農忙不以廢己  
事爲嫌閒遇橫暴者惡言相忤毫不與較曰吾以行吾所不忍也子東勝歲貢生孫肇秀辛亥舉人曾孫作  
楫庠生

張經官 江宗門人素循謹一日行至考院側見遺有小袱啓之得票錢三十緡婚券一紙駭然曰是娶妻  
者失此事不諳矣且恐有他虞坐候之少頃有婦號泣至問何故婦曰家貧難活夫欲嫁我度日已成議矣  
旣知之以子幼難離哭訴於夫夫爲感動令往退婚書及錢不料心愈遺失今若此惟有死耳經官細詢咸  
符舉祿與之婦視兩物咸在喜謝不遑旋呼夫來願以錢二緡相贖經官曰吾受此何必以還爾耶夫婦不  
敢強又一日晚行城上於雉堞間得夾袋內票錢四緡賬簿一冊未幾有人倉皇來詢之答曰吾失夾袋錢  
猶細事簿據不得則所欠付烏有矣言已欲泣經官出袋與之其人以錢作謝資惟取簿還經官弗願徜徉  
而去人咸義焉

郭芝軒 國學生性忠厚喜行好事地方有義舉輒以身肩壘盤創建禹王宮起工於光緒十一年落成於  
十二年共費五千餘金皆芝軒偕一二同志竭力募化所集

張鳳書 號梧岡性爽直喜行好事修橋梁治道路恆竭力從事戚鄰有構訟者必令得息乃已爲人排難  
解紛雖出重賞調停不稍吝舉孝廉方正未果行

賈德榮 號茂軒郡庠生援例候訓導曾任思州府學教授青谿縣學教諭生平重氣敦友誼性豁達不

羈同治丁卯軍務肅清本省舉行鄉試德榮與附生楊通乾楊茂春貢生楊煥章同赴秋闈時鎮遠道梗迂途四川跋涉數十日未及抵省通乾茂春皆病歿于途煥章復染時疫德榮欲徑往鄉試則兩樞及病者無託因以川費餘賞運兩樞並扶持病者回銅里人感高其義煥章至家調理彌月始愈

徐 棻 國學生棻自幼出繼世父如溥爲子世母楊氏少居孀棻事之以孝聞棻家素封凡戚族閭里以緩急商者必有以應佃戶貧不能耕貸以牛粒聽其償不逼索或婚葬無出棻嘗代爲謀措至今鄉隣猶稱頌焉

郭振基  
朱祖富

二人皆以貴殖起家居心忠厚同治己巳夏郡大饑米價至二千四五百文一斗乞丐壟極貧者幾無以活二人乃約同街孫傳文相與三家每日煮粥以濟饑者所全甚衆初啓富艱于嗣尋連生三子振基自謂其家百年來不鬱秀未幾子考列前茅兩姪相繼入泮傳文子家璠于癸酉以第三名舉于鄉修德無不獲報卽此愈足徵已

傳文詳列  
傳孝友

段俊才 字萃三世居塘頭村性耿直居心忠厚幼失怙事母以孝聞力學讀書以世亂廢業生平篤于風義戚友族隣以空乏告者必多方應之己巳庚午間米價昂貴近村多不舉火俊才悉以穀假之秋成照原數歸楚不責息或有貧不能還悉置弗問人以是賢之

劉文燦 國學生樂善不倦凶年賑粟殘臘施衣以急難告者必有以應江口建修豫章會館首先捐輸復倡修文昌閣捐田五十畝招僧住持後享壽九十三而終



隱逸

明

李標 郡人性耿介子身居寺觀中日彈琴自娛能詩尤工古名家各種山水

國朝

劉如瑛 號五橋固原提督之仁子之仁軍中積勞病故得旨優卹如瑛以文章引見奏明業儒蒙賜六品廕生准予南北鄉試初往扶親柩時年甫十五歸過洞庭遇風覆舟輜重悉失以身匍匐柩上漁人救之得不死柩亦獲全由是名利念灰至家營葬後厭城中囂塵築別業於鷺鶯巖栽花種竹藉以自娛暇則博極羣書凡書畫方伎暨象緯河洛及青鳥黃石之言靡不涉獵生平諸藝皆精獨丹青岐黃尤有心得詩抒寫性靈以淵明爲宗善清談修眉秀髯望若神仙中人所居林木幽深江流映帶過客訪之不啻身履桃源別有人間七十四歲始沒易簣時口占一律云不肖無如我虛生七十年但求遺議少敢道守身全吠畝聊安素詩書未結緣庭前棺一蓋真是樂陶然並手書算個山林間處士究他塵世老漁夫二語令其子勝之靈右亦達人哉

楊人理 號一哉郡庠生舉孝廉方正辭不赴試性耿介有學行不取與不苟布衣疏食淡泊自甘嗜飲茶視虛全七碗猶爲過之居恆剛蒙爲生不與外事郡之人無論賢不肖皆知人理爲端士善學竅大字富商巨賈凡戶勝楹書非得之人理不爲書然其爲實險雀舌龍團不敢相洩也知府王成壽慕其賢思有以濟之恐弗納乃謬爲乞書者然久始餽以米炭且必俟齋餘假半賞爲德莫受之有辭其操守見信于人者如此嘗有傳其軼事者謂某店延書學聯因留晚膳歸後店櫃失銀一小猷計十兩尋之不獲羣相糾責幾至涉訟有私叩人理者笑曰適度歲無資暫相假容當掃還人以言歸報羣爭乃釋主人素知人理終疑不應爲是未幾檢櫃下字箋焚化得銀猷於篋中對視宛然主人翌日備筵肅衣冠請人理至匍匐謝罪人理曰曷不爲是虛有他虞甯任咎毋啓禍萌亦真不得已事然不料其白之速也由此觀之人理固盛德長者僅曰清澹猶爲未盡

徐植 號培之郡庠生如樹學子生長閩閩刻厲過於寒素家值中落以訓蒙資生性嚴正砥礪廉隅無

曠者輕受雖獨處室中衣冠必飭生平不苟笑言人或憚之從游生徒凡諸經授自植者悉背誦如流疑義必析甚終身不忘一字有不率教者屏弗納其幼或受句讀於植後易他業雖相距多年偶過於道未嘗不垂手側立勃如色變學規之嚴時推植爲最子元鼎十一歲入泮植以龜起有人絕意進取歲科試皆弗應數十年不出庭戶孫敬增於癸酉科以第八名舉於鄉人謂德之報知府王成璐任郡時悉知植賢欲有以餽之復恐其深拒聞植善畫因以篋面爲請而賞從其重植辭之勿獲乃受之嗟夫世迄於今處士固難得而尊賢植困如昔之良有司亦烏能再觀若植與成璐兩足重已

敖夢仙 號醒吾淡泊甯靜士也不慕榮利喜游覽山水能爲詩古文詞工畫善八分書無事輒焚香煮茗抱膝長吟數十年不履城市蕭然一室晏如也髫髻失怙恃依兄嫂以長及兄嫂先後歿思無以報遂終身不飲酒茹葷迄今年六十未嘗變易居心甚厚與人約必踐毀乃已爲鄉鄰排解紛恆至再至三遇義舉竭力資助教子孫以耕讀爲務家素不豐藉硯田資生尤多成就如夢仙者殆亦獨行之流歟節楊並裏所採

本

張潛光補 號薊門生數歲神姿秀澈讀書過目不忘其父官餘公字之曰小農蓋不欲其卿相富貴而望以

帶經掛角相隨于東阡南陌間也同時汪退谷周相野繆湘芷諸公曾賦小農詩以贈年十七官諭卒遺書數萬卷潛光下帷自勵甫數年誦覽已徧與武陵楊孟班輩作竹林游往往以議論傾座客學既博氣益豪遇事慷慨間託之詩歌阮嗣宗劉公幹殆所心追而力摹者也好堪輿卜之術星學尤精不計生產不願婚娶不習舉子業嘗慨然有慕于司馬子曼欲縱覽名山大川以充拓其胸抱乃歷湘衡過洞庭浮江而東未幾以母太宜人病遂旬歸居嘗快快忽析置湖田數頃自駕扁舟往來湖上販魚爲業或有以非辭言者潛光曰若真謂我學陶朱作販豎耶吾特愛浮家泛宅如家志和綠簑青笠放跡于煙波耳是時年二十有奇太宜人亟謀娶婦潛光固沮之曰兒與世相違者且壽短無富貴子女相徒瑣瑣何爲待過三十四娶未晚也後竟卒于是年著有遠游草未梓採張氏家乘

者書

圖朝

徐世垓 號楊菴壽八十一歲生平喜爲詩工草書父聞以文學重一時世垓得趨庭之訓爲多方弱冠值郡多事遂棄舉子業躬耕力作菽水奉親五旬以子貴就養蜀中爲父刻澹園紀年詩草後歸老于寧優游以歿

孫昇 字如升先世居江蘇昇爲江甯縣人性長厚待人以公交友以信嘗謂生平無他長不作一欺心事由吏員考授正九品分發廣西無力措資赴粵于康熙間游銅聘熊九鼎女爲室遂家于是先後就新城分縣正大巡檢之幕約二十年繼復應江西新昌縣王廣燁之聘及倦游歸銅已逾古稀自是頤養于家乾隆五十年奉上諭行查各省壽民壽婦經銅仁縣費承助詳報蒙恩賜絹肉有加時年八十有五身體尙健耳目聰明壽至九十一卒任興義府學訓導承惠安南縣學教諭承芳乙酉拔貢承霖其元孫也

朱政榮 壽七十八歲性方正家訓甚嚴居母喪廬墓三年遇有善舉輒獨力行之不屑因人成事郡城對岸名桐梓巷上下兩渡碼頭傾圮不便行人政榮一已捐修至今賴之每款歲出粟以賑貧窮生生子名顯名芳名揚皆八十餘歲孫曾多列膠庠人謂一家壽考累葉書香其政榮盛德之所貽歟

陳巨川 壽八十二歲其先爲江西臨川人商於銅途家焉生平好善憫孤恤貧施棺槨修橋路惟力是視道光己酉歲大歉饑饉相望巨川出所儲倉穀賑之不足復於戚好處貸錢五百緡糶米接濟至秋成始罷六十八歲時病卒一晝夜有使引至一府上坐者命左右呈簿檢善惡覽之霽色曰是固好善者以筆於簿上加二點命使引回巨川問二點云何使對曰爲延壽二紀矣後果以八十二歲歿至光緒乙酉曾孫書培以經魁舉於鄉距乙酉三十年人謂爲賑饑之報云

馮若灝 我本瀾郡庠生壽八十四歲事母以孝聞方五旬時已抱孫若灝依依膝下猶不啻孺子慕焉或以事怒責家人聞母聲卽屏息花甲後始游泮若灝之名則應試時所自易也晚舉兩子及見成立旣髦精力不衰日扶杖游市上遇羣兒游戲非禮輒擊以杖故見有鬚髮皓然者往往疑爲若灝來咸趨避之家之父若兄嘗深感焉



羅允敦 號小松見年七十八歲郡鳳生性爽邁遇事能以身肩地方美舉嘗竭力贊之不以難自阻道光間創建考棚逮及咸豐辦理軍務靡弗資其學畫當道重之巡撫

流寓

明

徐宰六 字北樓江西臨川諸生嘉靖初游銅喜其山水佳勝乃遷居焉生平善青鳥術于劍得吉壤二一葬陳行人珊之父四世科甲蟬聯爲一郡冠一自葬後以孫傳曾贈按察使累代簪纓較陳氏尤繇遠郡學宮官署皆宰六所酌定著有詩集未梓行黔詩紀略錄其二章今讀其詩殆亦高士之流歟

許子偉 廣東瓊州人吏科給事中論論寺人張棟于萬歷二十九年謫銅仁經歷

陳維春 里居失考刑科給事中同郭如星論楚璫陳奉謫銅仁典史

國朝

張顯棟 字潛山陝西盩厔人十餘齡時經明末冠亂備極播遷弱冠後脫歸鄉里葬其父母乃更仗劍從軍委身兵戈二十載所爲多義俠事且騎射拳勇冠一時主帥頗倚重之然所事有幾微違理輒犯顏諫諍必得聽乃止同輩稍行不義目之靡弗斂手退無待口斥也故顯棟雖未操寸柄而成全匡救者不少識者謂其有隱德焉晚成銅仁遂家于是自以棄書早恆引爲恨教子弟慎于擇師脩脯豐渥尊禮有加孫元臣康熙丁丑進士翰林院檢討殿臣癸未武進士三等侍衛今張氏爲郡世族其發祥蓋始自顯棟云

謝國棟 自號天台逸人于明末以薄宦來銅棄官後遂隱于是康熙間續修郡志爲國棟所纂

方翊雲 東粵布衣事實無考

吳文世 浙江淳安人品高行潔學問淹貫于乾隆間以詩案流銅仁授徒自給士之游其門者多所成就生平尤擅書法得者寶之時有某太守欲延主講書院令役傳之既以罪人服待命轅外太守遣人問故答曰吾謂差役傳喚當是閱囚故衣此來耳太守謝過爲具關聘盛其禮貌焉

方伎

宋

靈蕙道人 郡靈蓬若于開寶間楊再從崇尙修煉一日有道人攜草蕙一雙詣再從求售索金五兩再從欲與之其妻阻焉道人擲蕙于地化雙鶴冲天而去道人不知何往門桂上留有詩云新打芒鞋巧又半黃金五兩價非高楊君不聽妻兒話隨我蓬萊走一遭与跡深入以水洗之不去刀刮之愈顯柱至明洪武十四年方圮

國朝

張鳳池 梵門坡道士爲劉姓建道場其家持齋甚謹越數日劉姓問鳳池何不見佛來未幾一乞丐甚藍縷抱小兒入門將直上齋堂臭穢不可近齋堂人衆急揮手喝令躲開劉仁土語謂避去也隨引至馬棚施以齋飯不受止索豆一握鍋一具衆人惡其臭穢與以豆及破鐵一片丐者取土塊支片置豆數粒于上燃火炒之移時不住手觀者初如堵牆繼見了無他異先後散去丐亦莫知所之主人至馬棚見壁上有一子曰日朝朝望佛來佛到來時教躲開鍋內炒的菩提子手中抱的真如來始知丐卽是佛然已交臂失之悔無及已爲乾隆十年間事

麻瘋漢 道士張鳳池精于法錄能上章表奏頗著靈應在銅仁道侶中最有名一日于東山建清醮亦如常時之舉行法事也忽有麻瘋大漢到山化齋衆齋之食飽索法參拜上清衆曰此主壇者法衣也不許鳳池許之大漢披法衣入經堂禮拜伏地不起衆趨視之惟法衣在書有呂祖監齋四字大漢不知所之爲乾隆十八年事

募油道人 小竹山高始以白蓮教倡亂事平江口衆性發願建道場設清醮亦消災祈福意也家家茹素惟某家私自用董忽一道入至其家稱募化豬油主人答以修齋無從覓此道人謂別家眞無獨爾家有之見藏某處其家駭然迫人下階忽不見全家懼甚取所藏豬油盡傾之一時紛傳事在嘉慶十年

楊道公 住城內道場上不知其名羣以道公呼之公無家室年九十九歲健如少壯嘗游浦市遇劉仁故舊劉章約公同問公曰諸君有急請先打我當踵至及衆歸問公已死問同之左右隣云公歸有口也可公



歸日卽衆相約也公居恆衣服藍縷人勸新之笑曰身邊無愛物煩惱不相侵後游歷名山不知所終  
王和尚 寓城中南門嘗游常德浦市貌似瘋顛一日在常德擔糞水沿街撥灑居民爭詬詈之甚有舉竹  
竿木石相毆逐者方以爲瘋顛故態也不謂是夜遭火風狂燄虐燒燬房屋無算惟和尚糞水過處災所不  
及人咸異之後不知所終以上數人舊志列仙釋今改併方伎

無相 明逸老遁跡爲僧郡東南有六龍山者多重巒疊嶂無相于絕壁闢一徑得石洞建刹名蓮池菴  
最爲幽勝前輩名流輒喜臨眺其地無相工吟詠與爲唱和哀然成集其自著詩集名龍山草未梓行後有  
僧補松亦能詩

心碧 亦蓮池僧性好潔喜栽花養魚住持蓮池四十年徧山松柏于道光季以木商盜竄搆訟數日間  
樹皆生蟲不久立枯及心碧卓錫後補種數千株今所遺者皆是山門外有峯曰三味塔矗立百仞心碧于  
絕壁鑿一徑級僅容趾引以鐵絙峯半有洞若天門由右轉左始登絕頂上建一刹縱目而觀千里風煙有  
若指掌詢勝概哉然皆心碧所經營也

李老 軼其名少爲木商泊筏武昌登黃鶴樓遇喬道人授以書一編所言皆吐納引導之術歸而習之  
久漸喻其精微八十餘歲時棲東關觀音閣朝夕擔水歷石砌數百級呼吸如常室只一木板牀無片席夜  
惟靜坐達旦鶴髮童顏望而知爲善養生者後無疾終

雷鼓匠 里居未悉以擊鼓爲業人遂呼爲鼓匠居恆參究吐納之術初無知者一日有故好某以傷寒久  
不愈漸成尪弱鼓匠盤膝坐袒衣露背令某亦解衣以背就之凝神閉目約時許某忽覺背心一縷熱氣上  
蒸于頂俟散四肢久則周身靡所不到汗從毛孔微出鼓匠謂某曰可矣由是某病若失人始異之繼有求  
者輒笑謝曰伊病應愈偶相值耳奚能再後不知所終

雙先 不知何處人少以膂力自雄曾遇人傳祕方雖受重創敷藥可立愈時有江西人徐提游于銅以  
拳勇稱師承得自少林先屢往索鬪提厭之陰中其要害計口當殞然竟無恙後提知其故爰與先約願以  
技易方由是先埒于提時並推焉一日有獵者逐虎適與先值虎直撲先先翻身擊虎斷其腰虎立斃同時  
以武勇技擊名者尙有羅騰兩家羅以氣勝騰以力勝蟲蠟溪喻某稍爲晚出云



銅仁府志卷之十三

人物

列女 節孝 貞烈 賢明 才藝

志之爲書首天文次地理亦見天道成於上地道輔於下乾健坤貞未可偏廢故扶輿磅礴之氣種於男子爲偉人爲傑士固嘗緯地經天轟烈宇宙其爲女子亦或爲節婦爲賢媛磊磊落落增光巾幗甚且稱爲女中丈夫然則列女之編何不可與列傳並垂也銅仁前明有劉氏三烈標冰霜之峻節荷

綸綍之殊榮立懦震頑有裨名教繼此興起尤多未容軒輊緬其堅貞罔渝金石其他賢孝秉自內則才藝衍其餘芬均不可沒急待表章自昔關雎麟趾化始闈門晝荻丸熊費由母訓良非誣已志列女

節孝

楊 淳妻蕭氏 烏羅司人年二十二歲夫歿撫遺腹子誓不他適事翁姑孝養備至數十年如一日旌曰

婦居苦節

黃 偉妻明氏 烏羅司人夫故氏年二十七歲矢志守節苦孀四十餘載冰玉無瑕曲盡孝養巡按御史

邨光先旌之

國朝

何一鳳妻孫氏 一鳳維揚人官把總以辦理軍務卒於洞庭孫年二十六止一女遺腹又生一女家極貧賴鍼黹度日閨範極嚴動必以禮及女長慎于擇配後二女皆以夫貴封恭人冰操五十七年享壽八十三

歲

劉世泰妻沈氏 夫故氏年二十一歲家極貧撫孤艱苦矢志靡他孀姑在堂生事死葬皆克盡禮堅節三十餘年如一日雍正六年旌表

邑庠黃承恆妻沈氏 邑人年十九歸承恆爲妻逾年承恆故時遭兵火流離拮据萬狀氏茹荼飲蘖孝事翁姑義訓弱子極盡艱辛六十四歲壽終學使郡守屢有褒揚巡撫元展成題旌



楊爲光妻薛氏 郡人年二十三歲爲光病卒氏學事翁姑鞠育幼子始終無二志苦節四十四年雍正八年巡撫張廣泗題旌

張全舉妻郝氏 夫故氏年二十六歲遺三男一女家窘甚氏竭力事姑辛苦育子飲藥茹冰苦節五十四載享壽八旬乾隆三十年旌表

張立功妻袁氏 歲貢袁先聲女夫故氏年二十六歲柏舟自矢苦節彌堅三十年無間惜未及花甲遽卒乾隆二十八年旌表

徐 爽妻劉氏

氏爲諸生劉兆亨女年十七歸爽爲配爽郡庠生穎悟好學能文章頗事著作不理生產

氏亦不欲其擾于外務家政無巨細悉力肩之井臼紡織下至浣濯灑掃日親其役怡怡如也無何爽病且歿氏痛不欲生以孀姑在堂勉視舍歛葬事畢甘荼蓼具菽水以婦道兼子職備極孝養訓兒則機杼夜鳴

一燈課讀撫女則內則親授形影相依遇本宗子姪必教以敦品立行講孝友睦嫺之誼由是德化鄉閭譽隆戚族古之賢媛不是過也守節六十二年壽至八十四歲乾隆三十七年旌表節邑侯敬文撰傳

萬 阜妻楊氏

氏爲邑梅司楊再績之女十八歸阜爲室阜生有異徵方數歲有游僧自峨嵋來求見阜

阜匿不出僧言懇切父母強之出見僧卽下拜阜泣走避家人咸以爲異阜素性靜默及長旣婚數年無所出康熙二十三年忽出游莫知所之或云爲僧或云身故時氏年二十三矢志守貞孝養翁姑以婦代子家

道中落僅給饗餐氏書操井臼夜勤紡績艱苦備嘗每歲時祭享悲哀涕泣慟感鄉閭繼謀爲夫立後取姪名中仁者撫之年甫三週教育辛勤慈嚴兼至稍長入塾受書束傷膏火之資悉取辦於十指中仁幼秉謙

方芸窗勵志弱齡補弟子員旋食餼事親至孝氏嘗自慰曰萬氏有後吾無憾矣氏仰事俯畜垂五十載乾隆元年年七十五無疾而逝三十四年始邀旌表六十年乙卯科中仁少子湛舉于鄉製氏木主備鼓吹恭

送節孝祠親隣皆衣冠以從一時榮之中仁終明經生數子咸早卒惟湛克承先志云採劉朝劉朝祚贊曰

德無隱而不彰名無微而不顯方阜之出游生死未可必也稍知禮義鮮不有以自持而况孺人之秉性幽貞者哉獨其孝事翁姑義方訓子茹苦食貧歷數十年卒使家聲振起全節以終是爲難耳子明經孫孝廉朝廷褒之鄉閭頌之隱德之報顯名之加赫赫隆隆正未有艾嘻亦可風矣

王永祚妻汪氏 實生汪元璋之女夫故氏年二十二歲潔清自矢堅節苦貞歷五十一年壽至七十三歲乾隆三十八年旌表

張宏圖妻楊氏 邑庠生楊昌梅之女夫故氏年二十二歲孝事翁姑婦代子職青年勵節皓首完貞歷四十一年至六十三歲壽終嘉慶二年旌表

何孫氏 楊盧氏 楊王氏 舊志事蹟失載

以上均經旌表

楊勝矩妻向氏 本邑凱奔人年十九夫故其弟婦黃氏年二十二夫亦故娣姒守貞翁姑在堂極盡孝養

遠近稱之皆年及八旬外猶康健不衰洵為節壽兼全云

王 璜妻熊氏 氏為歲貢生熊璜之女年十六歸璜為室二十一歲璜故時尙無子堅貞勵志守節三十年五十二歲卒繼姪日昇為嗣

萬志純妻楊氏 為孟溪楊玉參之女幼字志純為妻生而聰慧柔嘉維則于歸逮事翁姑以孝聞未幾翁

姑相繼見背氏佐志純當大事喪葬奠祭皆如儀無何志純又歿氏年甫二十二歲柏舟自矢繼姪魁為嗣

由是摒擋家務備極辛勤有利其貲財者嗾族人以析產構訟案久懸未結幸值縣令許灝歸安人部選銅

仁有神明頌廉得其情秉公埋斷事遂寢時嗣子魁方稚弱養之教之積二十餘年乃得列名膠庠以慰氏

意氏親生一女慎于擇婿許子徐氏子如涵俊如涵膺選拔令譽噪一時人以是服氏有識也享壽七十有

三卒時孫曾已繞膝焉 徐如涵撰傳

盧士相妻滿氏 年二十一于歸二十八歲士相故矢志靡他守節四十五年家徒壁立氏親操井臼上奉

翁姑下撫孤子飲冰茹蘗備極艱辛子萬銘孫年開曾孫宗泰元孫品文五世一堂享壽七十三歲卒

張先華妻李氏 年二十一歲于歸三十歲先華故守節四十二年井臼親操勤于紡織孝事翁姑里黨稱

其賢子希序孫榮光氏享壽七十四歲

楊氏女 本郡瓊會人楊昌仕季女年十九適瓊橋羅朝琚子竣甫數月竣故守節三十餘年孝事翁姑繼

伯兄次子克注為嗣

彭氏女 彭大用之女幼字紗羅寨田姓子未適而夫故其家欲另擇配女不可衣孝服奔喪遂居田室守其前配之子茹素諷經寂居靜處村人罕得見之

楊勝妻萬氏 年十九于歸二十七歲勝故守節五十六年矢志靡他事翁姑撫幼子井臼浣濯之役無弗躬親婦職克修母儀足式子二秀珊秀琥珊生子再技技生銓政琥生子再本本生政品四世一堂享年八十三歲

楊勝中妻黃氏 年二十一歸勝中為室二十九歲勝中故門衰祚薄子秀珍甫五歲辛苦將維繼及弱冠又復早逝氏柏舟矢志之死靡他孝事翁姑克修婦職守節五十二年珍生子再齊再治齊生子喜政治生子政位位生子亨通五世一堂親見其盛享年八十一歲

武庠楊昌語妻滿氏 于歸時年二十二歲二十八昌語病歿氏冰霜勵志家極寒微孝事翁姑無缺甘旨之奉不辭井臼之勞始終如一守節四十六年子勝萃孫太秀曾孫再健再邢四世同居享年七十六歲

庠生萬中智妻范氏 中智少失怙恃食貧守約氏脫簪珥助學生子諶未及過而中智病歿時氏年十八子諶復得瘋疾氏紡績度日相依為命者五十餘年乾隆乙卯苗變諶遇難死氏刃怛摧心尋以慟卒享年七十八歲

楊再諭妻劉氏 年十五歲適再諭生子政瀚甫三週而再諭卒氏時十八冰霜自矢家祇旱田三畝躬親耕種擔水負薪以供日用艱辛之至政瀚既長為之娶婦迨後孫曾繞膝歿時六十有七歲

楊蔣氏 諶萬氏舊志事蹟失載

以上未經旌表舊志所載止此

庠生徐如溥妻楊氏 貢生楊茂章之女二十歲于歸甫六年如溥病歿氏欲以身殉念翁姑在堂乃矢志堅貞勤持家計晝夜紡績以供堂上甘旨氏僅生一女因繼姪菜為副俾勵志為學後雖讀書無成然以孝謹聞翁姑下世氏盡禮盡哀備極周摯鄉人稱之見年六十三歲

陳希瑤妻丁氏 丁首強女年十七歸希瑤為室甫五載而希瑤病歿生子僅四月翁早逝叔方八齡姑年老復患目疾舉動皆須扶持氏矢志守節養親教子兼撫弱叔家又極貧拮据萬狀終歲夜食之資氏佐以

老復患目疾舉動皆須扶持氏矢志守節養親教子兼撫弱叔家又極貧拮据萬狀終歲夜食之資氏佐以

老復患目疾舉動皆須扶持氏矢志守節養親教子兼撫弱叔家又極貧拮据萬狀終歲夜食之資氏佐以



鍼黹縫紉鄉隣咸爲感動厥後叔既成立子亦聰慧能讀蜚聲庠序至今五世同居孝友一堂諸孫亦多成名者享年八十餘歲人謂節孝之報云

田宗源妻翁氏 翁世爵之女于歸時年甫十九翁姑夙染痼疾常臥牀褥兩老湯藥資氏一身越五載翁歿氏事翁益謹未幾值苗變時姑病篤夫亦抱恙未愈氏內外經理以安其心又三載姑與夫相繼下世既無伯叔終鮮兄弟慘况殆不忍言乃苗匪出沒不常氏竭盡心力始克營葬此後撫六月孤子逃難于外復業之日田土荒蕪房屋焚燬氏子立草創重立室家延師課孤子讀書獲入膠庠鄉里稱之謂天所以報苦節也計歷二十九年見年五十八歲

萬澄妻楊氏 楊時勉之女未字時已喪父弟復幼稚母衰老多疾侍奉湯藥夜常不寐族以孝稱年二十歸澄爲室雅敦和好翁姑極鍾愛之結褵八年生一子一女澄遂歿子未及一週氏痛哭欲以身殉轉思堂上白髮懷中黃口煢煢何依且家計素寒書籍外無長物不爲經紀笑以爲生由是井臼親操杼杼聲恆且不息乙卯苗變有從叔祖母被難無歸氏衣食之未幾卒于其家殯殮一切皆氏質典支持羣以爲難後其子能繼書香人謂母德所致守節三十七年享壽六十五歲

劉松友妻蓬氏 年十八適松友爲室生二子越五年松友出游數載不歸氏奉其翁姑暨二子相尋來嗣詎松友已先一日病卒于斯氏典簪珥從新營葬由是無力還鄉遂寄籍焉乃以家徒壁立親老子幼方慮無以爲生未幾姑復失明艱苦萬狀有不堪堪氏朝躬浣濯夜勤紡績以事二老甘旨未嘗稍缺翁姑皆八十餘始卒殯殮盡禮鄉里賢之二子成立呈請入籍其孫皆列縣庠蓋所以報氏也氏守節五十二年享壽八十一歲

單代文妻朱氏 本郡朱彬文之女十六歲適代文爲妻因家計蕭條晝則提甕灌園夜則刺繡紡績易粟資生佐代文無何代文病卒時年二十二歲子興旺方一週氏矢志撫孤百折不移適遭苗變負子遠避及歸房屋灰燼重爲草創備極拮据後教子成立爲擇淑配家聲得弗墜焉守節二十三年享壽四十五歲

范廷弼妻孫氏 孫子敬之女年二十適廷弼爲室結褵八年廷弼身故子甫四歲伶仃孤苦鞠育艱辛及子成立氏以原籍舊隸江西命其回里修墓祭祀宗祠報本追遠深明大義守節三十六年享年六十五歲

楊聲昌妻石氏 石祥玉之女年十七歸聲昌為妻生子歲餘聲昌即故翁姑衰老氏侍奉維謹養生送死一身肩之撫育孤子訓以義方讓底成立家有薄田屢遭水患竭力修治備極艱難鄉里憐之守節十五享年四十歲

吳方涵妻申氏 二十三歲于歸甫三年而方涵病歿氏矢志守節紡績資生以奉堂上二老翁晚年納妾生子未幾妾故子僅數歲氏撫弱叔底于成立宗祧有歸人稱其賢卒時六十七歲

向萬鍾妻雷氏 年十八適萬鍾為妻二十八歲萬鍾故生子四皆幼小無知氏下撫稚弱上事翁姑茹苦含辛歷四十年有奇享年七十餘歲

黃毓芳妻何氏 何靈章之女年十八歸毓芳為妻逾年生一子又六年毓芳以家貧客游歿于外氏攜幼子倫扶柩還葬矢志守節時翁姑年老艱于動履未嘗稍離左右家計甚窘恃紡績以資堂上供養未幾子又夭亡氏不欲生者屢矣然以翁姑尚在雖極慘惻不敢幾微形顏色恐傷親意也迨繼姪為嗣復不永年氏終不易心翁姑命繼姪孫應梅以承宗祧時甫二週迄今尚未成童氏教督甚嚴晚自塾歸親于燈下課讀人謂節婦賢母兼而有之見年五十五歲

陳宏綸妻楊氏 監生楊容光之女年十八歸宏綸為室甫三年宏綸病篤氏傷痛欲絕幸翁姑泣慰氏體親心矢志侍養繼姪恩泮為嗣辛勤教誨底於成立翁姑棄世塋祭盡禮戚戚之情久而不渝且日操紡績絲粟不致浪費後恩泮得列膠庠皆氏訓也見年五十三歲

楊秀星妻萬氏 萬志芳之女年二十適秀星為妻克嫻婦道事翁姑先意承志娣姒之間怡怡如也結褵七載秀星以疾故生子僅二遞痛哭欲以身殉因翁姑慰之而止由是矢志守節朝勤鍼滌夜操紡織雖家計寒微而翁姑甘旨未嘗匱乏迨其去世喪盡禮盡哀撫育孤子教養婚配備閱艱辛至今鄉隣稱之計歷四十七年見年七十四歲

邢庠黃樹妻劉氏 氏為三列侯裔劉體乾之女年二十歸樹為妻甫生子肇榮樹即明奄臥一室氏朝夕侍起居飲食毫無違意又八年樹以病歿氏痛不欲生念翁姑皆逾六旬不忍重貽二老憂乃節哀矢志茹苦含辛上事翁姑養生送死畢瘁心力幸其子肇榮成立得列膠庠氏懷稍慰復以艱于抱孫多行善事其

後芝蘭繞膝羣報施不爽享年七十一歲

王璜妻熊氏 貢生熊璜之女子歸時年未及笄結褵甫三年而璜病氏朝夕侍湯藥左右不離璜歿之日氏痛不欲生哭泣呼號聞者淚下居未久父憐其少欲更擇壻嫁之氏誓死不移翁姑愛如拱璧氏晨昏定省勤勤不懈有古孀婦之風後繼姪口昇爲嗣教育成材以延宗祀守節三十一見年五十二歲

張鈞妻黃氏 黃肇伯之女子年二十歲適鈞爲妻甫二載值苗變氏扶姑避難於郡治之六轉山時夫兄鑑以武舉帶鄉勇堵禦鈞左右行間得染疫症歸臥山砦日夕侍湯藥每夜禱天願以身代及鈞故氏有遺腹期生子以承宗祧逾三月果生子瑞枝目是節哀順變辛苦將雛上學衰姑益加孝謹及瑞枝稍長延師課讀屬望尤殷並不以孤子溺愛迨瑞枝列名膠庠氏年不待未及目覩爲可悲耳計守節十一年享年四十一歲

庠生張純妻范氏 范國珍之女子歸時甫十六歲純德家甚寒訓蒙糊口氏紡績縫紉勤儉佐之未嘗匱乏無何純德病歿僅遺一孤氏年二十九歲矢志不二賣女紅以奉衰姑曲盡孝養姑八十壽終殯葬一切惟氏是賴後孤子漸長教以義方克承先志守節四十八年見年七十七歲

劉浩妻聶氏 爲郡庠聶允乾之次女年二十歲歸浩爲妻浩初業儒未就棄而爲商僅堪度日甫生一子浩染瘋疾臥牀不起家益落翁姑繼逝惟祖姑在堂氏以鍼黹供甘旨及浩湯藥咸無缺備歷諸艱始終無怨容迨浩故氏年二十九立志守節晝夜紡績課子尤嚴今其子永慶已入縣庠秉母訓也氏見年五十歲

覃代珍妻劉氏 庠生劉宗明之女子年十七歲歸代珍爲室家計寒微日食不足氏勤女紅以濟之生一子未幾代珍病卒氏守貞不二鞠育藐孤乃子復多病夜常一燈熒熒藥爐相對深恐調護不周夫嗣誰託時爲飲泣迨子長成授室方喜舍飴子又身亡氏一息奄奄重撫雛孫艱難倍昔至今孫已婚配宗祀可延氏懷慰矣守節三十年見年五十九歲

劉枝楠妻李氏 郡人李榮基之女子年十六歲適枝楠爲妻家甚寒朝則鋤圃灌園夜則孤燈刺繡藉此資生以相其夫食貧居賤毫無怨尤不意夫遭疾不起歿時年二十五遺孤二子次甫兩週姑又六旬多病其性頗急氏仰事俯畜無幾微憾未幾伯叔繼亡遺一孤姪少不更事氏弗辭艱苦內外經營後兩孤咸得成



立氏心血盡矣鄉人稱之見年四十七歲

黃肇張妻楊氏 楊承元之女年十九歲適肇張為室性沈靜寡言克敦婦道翁姑高年多病氏侍湯藥日

夜不懈越半年姑歿孝翁尤篤生子錦甫五齡肇張不祿氏念煢煢孤何以成立矢志守節事衰翁則婦

盡兒職撫弱子則母兼父教後錦學成名列入膠庠鄉里賢之謂氏所貽也見年四十四歲

楊永昌妻田氏 田祥符之女年十九歲適永昌為妻生子歲餘永昌病故翁姑衰老妯娌各居堂上甘旨

氏竭力奉之撫育孤子訓以義方家有薄產屢遭衝場堰堤修治拮据萬狀苦節十六年享年四十歲鄉里

素推重之

羅允清妻余氏 為余士遊之女年二十歲歸允清為室事翁姑克敦婦道生子福錢甫二週允清身故氏

不欲生因念親老子幼誰寄仔肩由是一力支持翁姑繼殯喪葬盡體力撫孤子成立至今孫曾繞膝守節

五十三年見年八十三歲

游宗武妻楊氏 楊際紫之女年二十一歲適宗武為妻家計寒微以紡織縫紉資生生子兆明兆純結褵

九載而宗武身故氏守節撫孤含辛茹苦為兩子擇配俾立家室今孫枝秀茁方與未艾閱歷冰霜六十一

年見九十一歲

向士彬妻雷氏 即向節婦雷氏之媳年十九歲歸士彬二十一歲彬故身有遺腹越五月生子海蘭氏勵

志冰霜上事孀姑下撫孤兒辛勤勞瘁積三十一年今五十二歲甫甯二孫而海蘭又歿媳詹氏年三十歲

亦柏舟自矢一門三節洵世所希云

楊其昌妻王氏 康熙戊子舉人官山西知州王永年之孫女十七歲于歸其昌病故氏年二十三歲止生

一女立憲守節事翁極孝繼母曾氏朱氏感其誠敬從無間言夫弟繼昌甫二週姑即歿氏茹苦含辛獨力

乳養俾至成立後補博士弟子員奉養也

羅允年妻胡氏 貴陽人允年在京曾任北城兵馬司指揮氏歸允年甫十八歲未幾允年病垂危時謂氏

曰汝年少艾且無子吾死可速嫁毋自誤青春也氏含淚慰之允年既歿氏矢志靡他迄今二十餘年玉潔

冰清無瑕可憐弗愧堅節者矣

鄒庠徐梅妻劉氏 國原梅劉之仁次女年十六歲于歸梅故時氏年二十五歲生二子辛勤撫育訓以  
方居恆足不出戶嫻族罕見其面見年四十三歲

鄒庠徐廷柱妻白氏 十六歲于歸二十三歲廷柱病歿守節四十餘年人言無間繼一子有孫五人見六  
十七歲

楊劉氏 大家洞官舟聖人爲鄒庠楊勸鏞武生楊通銓之祖母年二十三歲夫故家貧如洗撫三歲孤子  
勤儉支持事翁姑曲承歡意甘旨無缺壽至八十餘歲始卒

曾洪氏 十九歲于歸曾姓二十六歲夫故家甚貧以鍼黹度日持以勤儉僅濟饘餐教孤子讀書未嘗姑  
患子弱冠入泮方自欣慰未幾子又繼亡重撫稚孫情尤悲慘見年六十五歲

向秀士妻劉氏 爲思州府進士劉有平次女年十八適秀士爲妻結褵五載秀士以疾逝矢志守節孝事  
翁姑生子甚幼辛勤鞠育翁姑相繼臥病氏日進湯藥夜則哭禱願以身代及翁姑既歿喪葬盡禮族隣稱  
之茹苦四十一年享壽六十四歲

陳廷章妻楊氏 楊進禎之女二十三歲歸廷章爲室克嫻婦道勤儉持家倡隨愛敬宛若主賓生子一境  
遇日艱雜野蔬爲食賴氏以紡績佐之迨廷章出師川省以傷遣回未幾身故所遺六旬老母五歲孤兒仰  
事俯畜悉氏經理教子成立爲擇淑配無何子甫生孫而子又繼亡孫復夭折人生不幸萃諸一身然猶以  
毫姑在堂時時忍痛承歡此情此景愴惻極矣鄉里無不憐之守節二十三年見年五十一歲

曾承堯妻陳氏 平茶人于歸時年二十三歲承堯卒後苦節四十餘年生子一艱劬萬端撫以成立見年  
七十餘歲

按以上舊志未載從府志補遺探入  
知縣鄒先魯妻敖氏 妾楊氏 孝廉敖應徵之女年十六適先魯爲室先魯艱于嗣任祁陽令復娶廣陵楊氏及  
同邑李氏爲妾先魯以計典調任送家累歸里赴京禮選舟抵境爲苗所劫溺死敖氏與兩妾年皆少縣子  
女聞計之日即與兩妾長齋禮佛同志守節終年坐臥一室雖至親罕得見時演給送經寇訂丁亥秋兵猝  
至剽掠敖氏聞之商兩妾誓必死即裂素帛三人各懷其一亂兵用不易奪只掠財帛去竟無犯者然三婦

益貧落僮僕逃亡略盡則緝績自給備鄰婦代薪汲戊子己丑間斗粟數千錢人相食三婦至食糠粃苦益甚而節操愈勵鄉中人無敢以非禮語相及者後爲有平糶土官慕楊氏色以先營曾通彼債未償欲轉之楊氏號哭三晝夜勺水不入口事遂寢其後送媒者屢楊氏兩次自縊皆以救解有僞參軍以威脅至縛縲之楊氏仰藥死逾日復甦由是毀容自絕兼以教氏嚴氣正性人不敢輕犯遠近高其義遂無敢再覲覩者然楊氏曰哀痛求死展轉毀瘠且病未幾遂卒教氏李氏殯殮盡哀既葬復閉戶自守至乙未九月教氏以病終李氏號哭過毀遂得疾臥牀不起相繼而亡聞者多爲泣下錢邦芭曰苦節不常有乃一時得三人焉又萃于一門奇哉要之三婦處此有極難者無子一也苦貧二也遭亂離遇強暴三也嗟乎士窮乃覓節義非百折以成之三婦節烈何由而著哉或曰教生于禮義之家其貞操宜也楊氏卑微而志尤苦應別爲傳夫二妾之烈非教氏僅率不成述之以待後之尙論者（探通志錢邦芭三節婦傳）

處士陳炳政妻甘氏 氏于歸五載而炳政逝氏年甫二十遺子廷章僅四歲上事衰姑下撫幼子宗族鄉黨無間言廷章既冠娶婦楊氏亦純孝性成次年生孫時霖氏意竊喜承祧有人何意天道靡常廷章復歿迨爲孫完婚孫又繼亡僅留呱呱者未週歲而天嗟乎天豈欲彰陳門之節陳門之孝故姑媳伉儷之偕合皆不及數年同以未亡見稱而兩代貌孤均擢短折其可悲者愈甚斯其可傳者愈久歟後氏歿時八十六歲惟餘孀媳子存朝深暮積以延殘息無力墜坊乃刊石道左略存梗概千秋萬世鑒茲苦衷發微闡幽俟諸來者（探碑文碑在北關外）

監生徐樞妻甘氏 徐通政如澍之次子婦也年十八適樞爲室樞故多病氏調護不離左右迨疾篤禱天願以身代翁姑見氏憂甚反好言慰之無何樞竟卒氏不欲生者已屢然以翁姑在堂忍痛承歎冰霜自勵幼嘗知書喜吟詠自是與其妯許氏掩戶唱酬積稿盈篋至親罕見其面許氏刻有聽春樓草氏雅不欲以才見以所重在節故也道光間已邀旌表

監生徐桔妻糜氏 前貴州布政使護巡撫糜奇瑜之女也初桔以試京兆不售歸途遭疾至家氏日侍湯藥久而不懈未幾桔竟不起時氏甫二十二歲後八十一歲卒中閱六十年自其翁通政公棄世家以中落一貧如洗而氏柏舟勵志愈窮愈堅其母族欲迎歸養之氏辭曰我爲徐氏守自當老于徐氏宅雖餓死何



恤聞者服其識且憐其遇氏嘗好獨居斗室精潔日惟噉粥牛飽怡然也子姪過問起居氏必勉以持身廉隅立品端謹諄諄者皆格言正論洵不愧女中君子同治丙子請旌列名總坊壬午秋一日早起沐浴更衣焚香祀祖先學無疾坐化至今里人尤盛稱之云

楊勝儒妻盧氏 初于歸後勝儒臥病三年氏每日悲泣祈天願以身代及見醫藥罔效勝儒病篤子秀文甫六歲恐難成立婉言勸夫繼姪秀弼爲長加意撫育尤過於親生勝儒歿後秀弼撐持門戶秀文始得肄業至今兄弟一居國學一居縣庠皆氏教訓所致方孀姑在堂時一切養膳之需氏百計經營不以貧乏有缺姑又多病氏侍疾二十年不稍懈督學晏以節孝卓著四字旌之

庠生廖雲藻妻楊氏 處士楊再蒙之女于歸時年甫十九三年而嬰藻歿遺腹生一女家不中貲翁姑憐其少命之嫁氏不從柏舟自誓養老撫孤恆以鍼黹佐甘旨翁逝事姑尤孝諷姑病逾年侍湯藥寢食俱廢姑臨終立其姪子松之子瓊仙爲氏嗣氏復紡績佐贖厥後獲貢明經咸豐初子松以諸生從戎江西病歿軍中眷口伶仃氏爲顧恤鄉黨頌之卒年五十三歲光緒初元旌表在案附祭節孝祠

廩生張燦然繼妻楊氏 年二十夫故矢志守節前室蔣氏祇一女時氏有遺腹猶冀生子承祧後復產一女氏時時飲泣屢不欲生然以兩女無依而止由是勤儉持家女工度活後兩女皆適儒門繼夫弟浩然子愿生爲嗣守節二十年壽終五十歲

文童伍景雲妻游氏 年十八適景雲爲室事翁姑以孝聞未幾夫歿生子甫週氏矢志撫孤備極艱苦自翁喪終與伯叔析居勤儉治生送子入塾讀書每年束修皆鍼黹所積子年及冠學不成爲授室楊氏命之曰爾旣長宜思自立日從母噉飯安知鬻憤爲人也分微賞令子習買而自與姑同居時伯氏次潢以明經授徒館谷所入不豐且素性難偶生計甚蹙氏請於姑曰媳幸不以子累猶堪爲老人備膳饒自今往請與伯氏分養姑無重苦伯氏姑憫其意誠許之氏與其妯黃氏甚相得妯嘗臥病氏侍湯藥始終不懈日爲洗浣視婢子女若己出入皆贊之相與歎曰今之養親以丈夫子而猶兄推弟諉者比比皆然聞氏食當亦恧然愧矣其激勵薄俗豈淺鮮哉

羅廷彥妻楊氏 郡庠楊煥通之女年十八適廷彥爲室克敦婦道嘗得翁姑歡心居三年生一子未週廷

彥出外從軍久竟杳然傳者謂其已死氏以翁姑皆及暮齒家又壁立兩叔尙未授室因立志守節婦代子職艱難拮据所不待言後撫子成立助襄兩叔完婚獨其貧無可療人皆憐之見八十歲茹苦三十八年亦足悲已

周芳源妻楊氏 貢生楊懋惠之女二十一歲歸芳源為室甫二年芳源病故氏柏舟自矢侍奉翁姑不倦

未幾翁復棄世家運中衰門庭岑寂竊匪往往乘隙覬覦氏與姑夜嘗不眠抱柱待旦事姑二十五年姑歿

喪葬盡禮俾子之德出就外傳歸而課督甚嚴後之德獲列膠庠氏六十五歲壽終咸豐六年曾孫作恭呈

請旌表蒙督學翁閱書獎以嚙云忍死奉威姑最憐抱柱無眠風雨一燈焚漆室承家傳令子還喜肯堂相

繼靈霞百尺蔚梧枝

庠生萬世甲妻楊氏 氏年十八歸世甲為妻克全婦道孝事翁姑二十四歲世甲病故氏矢志撫孤堅貞

不二守節五十八年八十二歲壽終子凌鴻齋書成立博列膠庠孫文宗郡增生文琳邑庠生人謂氏節孝

之報曾經旌表

增生萬人杰妻張氏 氏年十七適人杰為室二十五歲人杰病卒氏矢志守節生子二長法文早夭次希

文甫三週時祚薄門衰自祖迄父兩世單傳族有豪強欲奪產設謀陷害邑令尹思敬以神明稱燭其奸為

懲族人並給額旌氏苦節後希文援列分發湖南縣丞長孫時華郡優廩生同治十一年為氏呈請旌表

劉源泰妻傅氏 氏年十九歸源泰為室甫五載而泰病卒氏二十四歲茹苦守貞堅節不移夫弟秉權敬

其賢復憫其苦以次子國棟繼氏為嗣後國棟讀書有成獲膺選拔皆氏義方之訓方選拔時適值氏七旬

初度督學楊文瑩褒之以文鄉里榮之

杜士彬妻熊氏 恩貢生熊飛敏之孫女從九熊光祖之女十五歲歸士彬為室二十三歲而翁逝明年士

彬又歿惟餘孀姑在堂氏奉養維謹所遺二子長學樑方兩週次學詩方一週氏以長以教底于成立門戶

賴以不墜皆氏力也年屆花甲始卒

儒士徐元耀妻舒氏 年十七歸元耀為室孝事翁姑克敦婦道一十六歲元耀棄世家苦鬻貧凡養親撫孤皆仰給於氏氏紡績操作備歷艱辛及子成立能體母教家以漸裕長孫錦童年聰慧試輒前茅次孫錫

四歲通字義辨音韻屢試母訛見者知其後之必昌也光緒十年棄旌總坊見年六十三歲

楊鳳樓妻王氏 歲生王國鄰之女國鄰宿儒艱於子生二女氏尤所鍾愛幼在閨中教以識字口授句

讀華為講解內則及列女傳氏由是頗知大義十七歲歸鳳樓為室未幾鳳樓病氏侍湯藥不忍稍離明年

鳳樓歿氏以身殉翁姑止之曰有我在不得為此因取玉樓次子繼之氏上事二老下撫藐孤苦節數十

卒能義方子家迨日隆人咸稱之且性嚴重出言有體為族鄰所服歎孤凌寡人情類然自氏處之由

青年以迄暮齒本聞有外侮之乘嘻殆巾幗而丈夫者已

武生楊烈光妻艾氏 贈鑾儀高經歷郡庠生艾延暉姪女也十九歲適烈光甫數年烈光從軍于外隨氏

季父延暉殉難廬州氏矢志守節既無翁姑尤鮮伯叔煢煢朝夕孤影相弔且值兵燹飢疫多難疊經艱窘

之况所不忍言然始終一致金石同堅晚繼從姪為嗣三十餘年見五十九歲

從九鄭策勳妻王氏 氏幼秉閨訓靜默端莊十八歲適策勳為室孝事翁姑家無閒言甫四年策勳病歿

遺子崇矩呱呱在抱氏潔淨自矢端極艱難崇矩稍長出就外傳束脩膏火皆氏縫紉鍼黹所積守節二十

七年見四十九歲

郡庠王誠齋妻羅氏 羅煦堂之女十六歲適誠齋為室生子女各一 同治丙寅冬苗逆入境竄逼清水塘

誠齋帶團往堵衆寡不敵遇害氏矢志苦守孀居二十四年見年五十歲

李隆道妻滕氏 滕家國之女咸豐二年隆道由銅仁協營營職隨軍出征時氏年二十三歲生一子一女

未幾夫病卒年間氏聞耗痛不欲生日夜號泣轉念姑齒已暮子甫二齡只得勉力支持然哀思歷久弗忘

往往痛哭血隨淚下甚至四十竟以喪引人感憫之見年五十八歲

儒士匡家傳妻黃氏 拔貢黃國賓之女咸豐四年家傳從軍歿於外時氏年二十六歲家無應門之童煢

煢子立儉約自持雖飲冰茹蘗愈勵堅貞卒年五十六歲

毛仁芳妻黃氏 貢生黃國賓之女同治八年仁芳由銅仁協營兵出隊大江在瓦寨攻破賊營石擊腦破

立時身殞時氏年二十九歲食貧守節鍼黹為活見年五十一歲

巫光隆妻羅氏 氏年十八歸光隆為室同治二年光隆出外久無音耗閱二載聞訃始知已歿時氏二十



八歲矢志守節歷久彌堅見年五十二歲

千總黃永清妻丁氏 年一十四適永清為室結褵未期永清奉調出征以功授千總賞藍翎在江西贛昌府地方戰歿氏苦孀勵志孝養翁姑婦兼子職德性尤純粹戚族咸稱之後以夫兄鼎甲次子鳳岡為嗣見年五十八歲守節三十四年

黃嘉猷妻伍氏 伍長慶之女年二十歸嘉猷為室生女甫過嘉猷遽亡時氏年二十二矢志靡他初值順境未幾家中落雖所歷不同而心如匪石始終一致見年五十歲守節二十八年

郡庠朱耀堃妻唐氏 二十三歲夫故守節三十七年事親教子備極勤勞後子恆釗長成矢志力學復入郡庠守氏訓也見有孫維藩維淋皆蒙儒

儒士朱耀基妻張氏 二十二歲夫故守節四十二年氏德性純粹沈靜寡言撫姪恆釗以承雙祧愛之有如己出恆釗事氏維謹家政無鉅細必稟承而行尋恆釗病卒撫孤孫維翰未幾維翰又歿惟存曾孫祖業儒氏享年六十四歲

儒士向士勳妻朱氏 恩貢生朱名芳之女適郡庠向萬春之子士勳為室時十九歲次年士勳病歿氏勵志冰孀事姑以孝數年姑復下世氏支持喪葬無缺禮守節四十年嗣姪為子兒年六十歲已抱孫矣

楊翹秀妻王氏 氏年十九歸翹秀時翹秀已病藉花燭街喜從俗例也入門後侍翹秀湯藥經年無情容翹秀歿氏痛不欲生以翁姑垂老在堂且有遺腹未卜男女強忍之未幾生女翁姑名以歆姑蓋勉氏順變承歡也氏窺翁姑意乃請繼冀安親心命以夫弟子再厚嗣之氏為易名再昶蓋又日永之義祝其翁姑及翁姑相繼下世喪葬一切皆氏內外支持又為再昶娶妻劉氏復以舊居燬于兵燹重營華構家事拮据心力俱瘁晚有兩孫政鼎政楫氏令入塾讀書方與未艾皆氏力也光緒三年再昶為請建坊

熊鳳翠妻向氏 拔貢向陽春之姑幼字鳳翠為妻繼因鳳翠遺疾沿俗例冲喜之說娶氏過門閱九月夫故時氏年二十有五繼姪為嗣完配後生男孫三本年七十歲守節四十五年

胡元潤妻何氏 年二十適元潤為室閱九載而元潤亡氏始有薄產遭亂破家垂老喪子孤影梵梵見年七十有二殊可憫已

故時氏年二十有五繼姪為嗣完配後生男孫三本年七十歲守節四十五年

胡元少妻雷氏 年十八歸元少爲妻生子未一週夫以疾卒堅貞自守撫育幼勞卒至子能成立歿年六十餘歲

向占魁妻喻氏 太學生喻啓智之女年十六于歸二十一占魁歿子方二週爾極艱難乃克爲子完婚逾年子又卒媳改適他姓氏茹苦含辛始終一致族議以姪海晏承繼不果壽至七十三歲  
喻德高妻蔣氏 年二十八夫故子學海方四歲苦節三十二載門戶支持家聲賴以不墜歿時六十一歲見孫曾十餘人

廩生翁肇明妻毛氏 郡庠生毛秀廷孫女自幼授以女經輒記不忘年二十一歸肇明前室張氏遺一子甫三齡愛如己出未幾天殞肇明旋亦下世適氏產一女棄於褥一號而絕跡時方蘇水漿不入口者五日翁姑慰之曰爾無自苦善撫爾女當爲爾謀承繼氏嗚咽曰薄命媳重爲二老憂矣自是曲盡孝道待翁姑左右未嘗露戚容巖丙寅請江逆苗倡境氏攜女從翁姑避居十字巖三載烽火頻驚舉若惶恐氏事翁姑一如平時姪壽增幼慧氏鍾愛之每自塾歸必叩所讀書熟則色喜否則愀然曰姪無嬉書香之繼當在姪因勉勵再三時壽增父見氏意良殷欲以壽增爲之嗣請於堂上轉以商氏氏曰叔只一子何必以承兩祧且姪猶子也奚彼此之分翁姑終不忍謀諸族爲別繼一子名承培性樸誠事氏維謹氏見年六十有三猶康強無衰老態羣以爲厚德所致云

張興衢妻胡氏 年二十夫從軍死有遺腹子一家貧無依邑庠生胡某乃其祖父迎之歸分舍居之氏紡績度日撫孤成立見年五十有六子名恩業農自食以孝謹聞

唐發妻翁氏 二十一歲夫故矢志守節育一子甫冠卽天媳改適他姓遺二孫家益落氏艱難萬狀不改其操撫孫成立爲鄉里所稱

郭士科妻萬氏 二十九歲夫故守節六十七年享壽九十八歲節壽兼全詢罕見已

伍長祿妻溫氏 年十八適長祿爲室未三年值咸豐乙卯之變長祿遇害氏聞耗哀痛欲絕族黨多方勸慰乃決志撫孤時年甫二十素性莊重寡笑言家僅中產持家井井有條視前室兒女一如己出婚嫁不失其時間里重之見年五十三歲守節三十四載

黃肇珮妻楊氏 處士楊虛谷之女歸肇珮後生子一女二未幾夫歿時氏年二十有七甘貧守志誓死靡

他性耐勞苦日督耕稼夜課女紅辛勤積累家以稍裕及晚年被賊焚掠子又遇害易蔗甘為茶苦辛賴兩

孫終養卒年九十三歲歷節六十六載旌表已列城坊

伍榮山妻楊氏 楊致富之女年十八適榮山為室生子二同治三年夫病卒時氏二十七歲矢志守節食

貧撫孤見年五十二歲歷節二十五年

廖鳳彩妻胡氏 年十八適鳳彩為妻咸豐乙卯鳳彩禦賊陣亡時氏二十八歲 如洗茹蕪飲冰堅志

不移見年六十二歲歷節三十四載

廖生何定瀾妻楊氏 武庠楊應震之女年十九適定瀾為室夙承家訓能循婦道 得翁姑歡心夫疾歿

時氏年二十有六生子甫三歲矢志撫孤繼此翁姑見背家計益窘遺孤甫弱冠又復天亡氏子然一身不

渝初志見年四十九歲守節二十三年

沈光祿妻伍氏 伍光澤之女甫及笄于歸光祿為室生二女一子二十八歲夫歿遺財無多子甫週歲女

俱幼小氏績紡縫紉以資撫鞠見年五十歲守節二十二載

黃啓昌妻王氏 年十八適啓昌為室生子一二十三歲啓昌卒僅遺薄產氏勤儉積累家以小康歷節五

十五載卒年七十八歲

黃家俊妻郭氏 郭致相之女年十六歸家俊為室結褵二載家俊往金陵投軍次年戰歿於陣氏矢志守

節事孀姑婦職加謹持家儉樸柔順寡言恆閉門績紡度日見年五十二歲歷節三十四載

張家楷妻毛氏 二十歲于歸夫妻伉儷甚篤生二子家楷從戎江西未幾接計知病歿于軍氏以二子尙

幼忍活撫孤同治戊辰苗逆入境家人逃散氏避山岩繼聞翁自蒙館歸遇賊于途被害時賊甫退無人敢

往氏奮不顧身躬自收殮脫簪珥易賞立備衣棺以葬盡禮盡哀里人稱之苦節三十餘年見已六旬曩子

學會次子學舜皆成立有孫六人一庭和順氏所遺也

唐可翊妻梅氏 年二十適可翊為室生子尙鏞甫四齡可翊病歿氏矢志撫孤紡績度日苦節三十年其

孫仁海恩貢生仁沛乙酉舉人督學胡家玉旌其門曰貞松遠廡



徐唐氏 氏爲廩生徐凝春曾祖母年十九適徐氏次年夫病卒遺腹生子璠氏堅貞自矢貧賤撫孤盡六十一歲苦孀四十餘載

李秀美妻譚氏 年十八歸秀美伉儷甚篤事翁姑以孝聞二十一歲生子學蘭未及一週而秀美遇賊殞命時翁姑暨兒嫂皆先後去世嫂遺一子學元甫六歲氏攜子姪避賊氣東西逃竄艱苦備嘗流離瑣尾中以禮自持亂平始歸故里整屋宇復舊業令子姪出就外傅子既長爲授室今皆有孫矣氏年五十二歲

楊昌傑妻陶氏 夫歿時氏年二十三矢志靡他堅貞自持居恆不出庭戶數十年如一日嘗登八旬乃終

楊勝鼎妻金氏 選進士金兆升之女即楊陶氏媳也年十七頓失所天事孀姑孝養備至茹苦五十年兩世曾以節著

優廩生楊秀俊妻陳氏 國學生陳恩澤之女年十九適秀俊甫六年夫故時孀姑在堂氏力全夫志孀兼子職姑憫其孝令繼少子秀熙子世襲爲嗣氏夙以義方夜當紡績課讀茹苦四十三載歿後世襲膺乙酉

選拔孫日暄於是年入泮隨食餼同治十年經知府袁開第題旌崇節孝嗣光緒十三年督學楊文瑩表其門曰玉潔冰堅

楊秀偉妻萬氏 年十八爲秀偉室未幾秀偉病歿無子氏奉孀姑以孝聞鄉里無間言夫弟孝熙以仲子冠芳繼之後獲列膠庠同治十年與嫂陳氏俱蒙題旌崇節孝祠時稱一門雙節

舉人楊肇秀妻徐氏 肇秀歿氏年三十歲未幾翁姑相繼棄世喪葬大事氏獨力支持無缺禮課子作楨讀書甚嚴稍廢學卽泣下曰爾父書香何寄後作楨以長案入泮人謂氏訓誨之力云

楊爾昌妻曾氏 夫卒無嗣氏矢志柏舟始終如一苦節六十載壽終八十六歲

楊秀條妻劉氏 夫歿氏年二十九事衰翁及繼姑極盡孝道撫二子教養成立次子流芳游武庠孫卓庭亦入泮堅節五十年壽至八旬始卒

楊秀春妻蔣氏 年十九適秀春數年秀春歿家計窘迫遺二子甚幼日食藜藿以鍼黹度活事翁姑以孝謹聞鄉里無間言守節四十一年壽逾六十而卒

從九王光廷妻黃氏 年二十二適光廷三年生子化行甫一週光廷即出幕游隨得耗言已卒於外氏聞訃痛不欲生奈上有翁姑下有幼子只得勵志苦守家又最貧以鍼帶度日艱難萬狀迨翁姑去世子漸成立娶媳楊氏生子二長蔭芳次蔭槐家道漸裕不意化行三十六歲先氏卒媳楊氏亦矢志不二與姑相依備極孝養楊氏至五十四歲壽終守節二十年氏守節五十八年八十六歲無病而卒

儒士張宏忠妻楊氏 庠生楊勝智之女年二十一歸宏忠結縭三載宏忠以疾歿時尙乏嗣以夫從弟子繼之氏訓以義方無慚畫荻守節五十年七十餘歲始歿曾經題旌

監生曾紀嵩妻揭氏 儒士揭悅全之女二十四歲于歸紀嵩旋遇賊被害家亦漸落有勸其改嫁為終身計者氏含淚對曰昔在閨中聽尊長言古列女心竊慕之今所遭如此何忍有負初志且翁姑早逝夫又乏嗣僅餘夫弟幼無知妾若他適脫夫弟無成會氏一脈將誰屬也由是日勤女紅紡績代耕使夫弟習小貿易長為擇配後夫弟以次子承繼氏慨然曰今而後吾事畢矣卒年五十六歲家亦小康

廩生張學溶妻楊氏 年二十四歲學溶死無嗣家赤貧翁姑年邁饑膳無出氏矢志守節日勤女紅奉養二老未嘗告匱且靜默寡言族隣姻黨奉為壺則卒年五十七歲守節三十三年

滕國鎮妻胡氏 十五歲歸鎮為室甫及十月而鎮鎮奉調出師旋接凶耗知其歿於廣西軍中時有翁姑在堂氏冰霜勵志曲盡孝養後繼夫弟國柱子為嗣壽五十六歲守節四十年

戴先達妻熊氏 熊承烈之女十九歲于歸生二子一女長朝松次玉松女芙秀遺腹生後適邑庠楊節堅初先達病歿時氏年甫二十七矢志無他守節三十年鄉里咸稱其賢五十七歲壽終孫象賢齊豐統賢皆列膠庠

呂庠萬平洪妻蕭氏 外委蕭占魁之女年十六歸年洪為室生子女各一未幾年洪病卒氏年二十六歲鞠育子女極盡艱辛女甫出閣子于咸豐六年出師江口陣亡氏莞孑一身守節二十九年享年六十五歲已蒙旌表

楊政育妻張氏 年二十適政育為妻未幾政育病歿氏矢志守節繼姪通曉為嗣幼入塾長為娶妻不數年子媳復相繼身殞遺雛孫二人氏艱難教育以儉以勤卒能昌大門戶長孫葆光祿郡庠以軍功授知

縣分發湖南次孫奎光城守把總署濠頭汛千總三孫連光以隨軍勦賊歿于陣氏壽至八十三歲

張光宗妻謝氏 氏年十七適光宗爲室未幾光宗出師老縣次年老縣告陷未悉光宗下藩久竟杳然氏

李事翁姑持家勤苦繼夫弟少子爲嗣守節三十六年見年六十歲

楊承光妻許氏 太學生許鴻達之女年十八適承光爲妻時翁姑在堂事畢維謹未幾翁病垂危氏割股

愈之咸豐丁戊間翁姑相繼下世承光亦遇賊被害年甫二十有大無夫無子遭逢亂世脫非堅志不移

烏龍終全大節夫兄玉麟以子繼之氏命名定昌屬望深矣守節三十三載見年六十歲

黃智泐妻劉氏 智泐卒時氏二十六歲孝事翁姑義方訓子家本素封富智泐存時凡賑飢恤隣拯育溺

嬰諸善事氏嘗贊之守節五十六年壽終八十二歲子仁煦歲貢生孫文恪郡廩生氏所貽也

黃仁芝妻楊氏 仁芝舉孝廉方正以長厚聞于鄉卒時氏年二十八歲立志撫孤嘗好行善事凡修治

橋樑道路及施衣製寒刻勸世不惜重貲子希楠以援例得五品州同銜氏見年六十五歲耳目猶聰強

李秀英妻譚氏 氏年十八適秀英伉儷甚篤事翁姑以孝稱二十二歲生子學蘭未週秀英遇賊殞命時

翁姑及兄嫂皆先後下世嫂遺一子學元甫六歲氏見賊勢日熾攜子暨姪東西竄逃備嘗艱苦流離轉徙

中而行止以禮爲人所敬亂既靖歸故里修整屋宇重理家業使子姪出就外傳嘗謂謀生固急書亦何可

一日廢也氏見年五十一歲已抱孫矣

儒童楊旋勝妻沈氏 氏十九歲于歸甫二年生子映堂方呱呱在抱而旋勝病卒氏矢志守孀上事二老

下撫孤兒終始不渝子稍長俾之就學獲底成立與姊姪同居數十載雍睦無間隣里賢之見年六十有六

歲

祝秀興妻羅氏 氏自適秀興于二十五歲時以家計貧甚秀興往滇貿易二十餘載音信杳然二女一子

皆氏辛苦鞠育藉鍼黹紡績度活同治五年忽聞秀興隨新選鎮遠縣林由京來黔赴任行至玉屏以苗匪

陷城主僕同時遇害氏親往搬柩回銅安葬子昇平入營亦于金陵陣亡氏苦孀數十年竟獨以終人皆

憐之曾經旌表總坊



羅克弟妻沈氏 二十四歲夫卒遺一子名允金甫三歲家故貧無立錫地父母兄弟俱無存者氏矢志不

二為人浣濯縫紉諸役以度日及長成始不為傭見年七十四歲苦節五十載  
毛品文妻彭氏 品文歿時氏年二十餘家貧如洗立志守貞上奉衰翁下撫孤子百折不渝合族交稱見  
年七十二歲苦節五十二載

羅亨復妻翁氏 年二十七夫死守節今五十有五矣子一女二氏支持門戶代夫養親弱叔享基年二十  
餘夫婦俱亡遺一子一女尚在襁褓氏皆撫之成人族黨咸稱其賢云

陳泰豫妻熊氏 年十九歸泰豫為室甫成禮之次日值苗逆竄擾氏偕翁姑避于嫻家月餘泰豫遽病氏  
侍湯藥日夜掩泣既而泰豫竟不起翁姑痛子情切至廢寢食氏忍淚百端慰解翁姑稍安未幾姑復下世  
氏哭之盡哀翁繼娶姑楊氏氏事如前姑追翁歿氏與翁姑相供無間言守節三十餘年今五旬外矣

向恩龍妻盧氏 盧南助大女十七歲歸恩龍為室思龍于咸豐間從戎陣亡于南京大營氏守節二十三  
年壽終四十歲

贖國興妻吳氏 年十六歸國興為妻次年國興亡氏尙無子立志守貞繼夫弟子為嗣養老撫孤持家勤  
儉茹苦四十年無疾而終

從九向玉霖妻劉氏 年二十五歸玉霖越四年生一女未幾復生一子名冬生甫二週而玉霖病卒又五  
年翁亦卒氏艱難撫孤子長成乃為娶婦生孫子與姑復相繼而亡天之厄氏者亦至矣氏見年五十八歲  
孫僅三齡人咸憫之

李口口妻陳氏 凱德旁人夫逝時氏年二十九歲遺一子家僅中人盛遭屢喪亂氏負子以逃避山谷間  
經十餘年子始成立歿時壽六十守節三十一年

鄭紹勳妻周氏 周起興之女見年五十二歲于十八歲歸紹勳為室守節三十二年

楊文禮妻吳氏 吳通浩之女見年五十四歲于二十一歲適文禮守節三十三年

譚必燦妻陳氏 陳世賢之女適必燦為室必燦故時氏年二十六今五十二歲膝下子女各一撫育成立  
翁姑早逝事兄嫂不啻姑鄉鄰重之

陳克登妻周氏 十九歲于歸生二子二十九歲夫故氏見年六十三歲守節三十四年

金大珩妻甘氏 年十九夫故守節四十九年壽至六十八歲而終

金必鑑妻周氏 二十一歲夫故守節六十七載享壽八十八歲

金品題妻楊氏 年十八夫故見年五十四歲守節三十六年

李再棟妻鄧氏 夫故時年三十于二十七歲適再棟守節四十年

李政桐妻楊氏 夫故時年二十五于十九歲適政桐守節三十年

吳尙武妻段氏 夫故時年二二七于十八歲適尙武守節四十年

楊俊圖妻田氏 田宗池之女于十五歲適圖俊守節十一年已故

吳再科妻楊氏 于二十六歲適再科守節二十年

吳秀忻妻衛氏 于二十九歲適秀忻守節三十年

楊政文妻張氏 張華瑤之女守節二十五年

胡紹康妻梅氏 梅扶元之女守節二十三年

楊郭氏 郭啓皓之女于十八歲夫故守節三十二年見年五十歲

楊再熙妻羅氏 見年五十一歲守節二十三年

楊秀蘭妻劉氏 見年五十歲守節二十八年

涂宏喜妻張氏 于十九歲適宏喜守節三十二年

梅國杰妻張氏 守節四十一年

梅廷俊妻戴氏 守節二十八年

梅慶雲妻湯氏 湯士杰之女守節三十四年

儒童蕭世琳妻吳氏 耆民吳金萬之女年十七于歸世琳琴瑟甚調善持家俾世琳得肆力于讀弱歲知名應郡縣試皆冠軍以攻苦致疾未及院試而卒女三週于朝佐猶襁褓也氏悲號欲絕翁姑指朝佐謂氏

曰吾兒身後祇此爾能撫育成立吾兒不死矣氏乃節哀順變矢志守貞事翁姑先意承志曲得歡心夫弟

有五時皆幼穉教育婚娶氏悉佐之娣姒偶有勃谿得氏一言仍敦睦居翁姑喪哀毀骨立鄉里式之子朝佐八九歲時遭惡疾兩目失明四肢不舉百藥罔效氏旦夕禱天求愈以冀延夫似續逾年果瘳人謂苦節之報繼使朝佐入塾讀書姓頗慧兩試不售讀益苦氏諭之曰兒父以勤學死功名為身外物祖宗一脈可念也朝佐由是絕意進取閉門養母娶婦楊氏亦以賢孝聞氏晚年有孫三次孫芝歲貢生曾孫四悉業儒六十二歲始卒守節三十八年經郡守袁開第題旌

增生蕭世璣妻向氏 向如嶽之女年二十適世璣為室結褵六載而世璣病卒遺孤朝柱甚幼氏養姑撫子操守彌堅姑歿喪葬盡禮朝柱稍長不違訓戒喜從博徒游日用漸乏有勸氏改適謂守此無益氏曰兒不肯吾既無以對亡夫乃復為此狗彘不如矣因憤甚不食求速死子歸見母若是泣請改行氏始進食後朝柱果務本業以謹飭亦氏有以成之也氏卒于六十八歲守節四十三年已經總坊旌表

蕭朝湘妻樊氏 氏幼字朝湘及長夫家中薰母有悔婚意氏矢志從一年二十歸朝湘時典釵環以供堂上甘旨朝湘性拙氏敬事之無失禮越年生子廷祥未過歲朝湘從征江左未幾戰歿計至氏寬慰翁姑惟以撫孤為念時值飢饉遭翁喪日食漸不繼有豪家聞氏賢餌姑多金勸改適氏跪堂前血誓以明不二姑感泣相助操作謀生計無何姑復下世氏哭之慟蓋傷十餘年之均勞共苦而竟一旦捐棄也子長娶婦萬氏多疾不育又為娶楊氏生子梅林兩婦相繼卒廷祥游蕩不歸今與處者子然孤孫而已氏見年七十守節四十八年蒙前府袁題旌以上三名均經崇祀節孝祠

蕭廷茅妻龍氏 氏年十七適廷茅為室旬日廷茅即從戎江右未幾戰歿于軍時翁姑早喪惟叔翁姑在堂接計後叔姑以氏年過少成婚數日夫即遠離今若此情殊可憫勸令擇人改醮氏作色曰叔翁垂老病風痰叔姑又無兒我雖無知何忍相舍去况從一而終婦人之義今後能容當相助操作以養二老不然有死而已叔姑曰汝志誠佳然家貧如洗又無健男何以為生氏曰是在人耳由是夜勤女工晝則種瓜藝菽田家作苦悉以躬親久之衣食粗足叔翁姑憫其無出為擇族中子洪藻繼之既婚生三孫叔翁六十餘卒臨終謂氏曰吾家死喪之餘復能立家有後者汝再造力也氏見年五十歲守節三十二年  
儒童龍作霖妻楊氏 氏年十九于歸作霖伉儷甚篤日勤女工夜佐夫讀恆以三更為限作霖應郡縣試



皆列前茅旋以攻苦致疾未院試而卒遺孤長庚甫半週稍長聰異善讀氏課養嚴方謂書香克紹無何婚期將近而長庚夭折氏夫昆季凡九久已析居姑垂老病足不良于行惟樂與氏處湯藥之奉非經氏手不食姑卒遺命以四房孫嗣柱爲氏後氏撫若親生初令人塾讀書不成乃命力耕後家亦漸裕爲嗣柱完婚兒女近已成行皆自氏作苦中來也見五十七歲守節三十九年前守汪炳墩門施

醫學生陳允信妻羅氏 爲貴陽府庠生羅有大女年十八歸允信爲室未幾允信從戎于外邀獎縣承久不歸繼探知病歿聞訃時氏甫二十八歲由是上舉孀姑下撫孤子以鍼醫度日孝慈兼盡見年五十八歲守節三十年鄉里敬之

毛仁忠妻陳氏 祖應龍爲浙江舉人父啓高亦諸生氏十七歲適仁忠生一子兩女子名賢仁忠既有嗣旋復從戎福臨戰歿于陣氏自念育于世族稍明大義雖一身落落魄無懼無人終不敢以貧窮易志由是鍼醫度活撫子女成人見五十歲自二十三歲喪夫守節已閱二十七載

儒童顏邦相妻田氏 氏及笄後卽適邦相二十歲而邦相病卒氏苦孀四十年前郡守嚴詳請旌表劉應第妻陳氏 應第業儒氏歸未久應第二十八歲卽病卒氏孀居至今見六十有三玉潔冰清始終如一鄉人咸欽佩焉

儒童錫承澍妻張氏 年十五歸承澍爲室二十八歲承澍病卒生四子皆幼家甚窘氏艱難撫育終致成立次第爲四子授室後孫曾繞膝享年八十有九始歿孫汝漢樹勳咸列膠庠亦苦節之報云蔡之龍妻梁氏 係監生梁泰女年十九于歸逾週生一子又明年生一女計結褵五載而夫卒氏年二十有四時子女幼穉氏矢志不二端正儉勤操家政不辭勞瘁上奉翁姑下育子女及子女長成拮据婚配晚年孫曾濟濟壽至九十無疾而終守節六十有五年前已邀旌總坊

把總蔡永蘭妻鄒氏 年甫及笄適永蘭爲室咸豐四年冬永蘭攻肇遠義府雷臺山賊巢陣亡時氏年二十四歲堅志守節爲翁姑養生送死子女婚嫁皆氏支持艱辛備歷氏卒于五十二歲守節二十八載樂旌列入總坊

張開科妻蔡氏 年甫及笄歸開科爲室結褵歲餘生一女開科遠出軍營繼聞病歿氏矢志守貞善事翁

姑鞠育孤子不幸孤又夭折家計極貧氏惟勤操女紅以供菽水數十年不改至光緒乙酉病卒享年七十有奇守節四十餘年

樊宗和妻張氏 武庠張祖龍女年十七適宗和爲室生子女各一二十三歲宗和出外旋聞入湖北軍歿

于陣家貧貧氏夜勤女紅日課農事甚至田野耘耨躬親不恤匍伏竟以膝行異常艱苦見者憐之撫成子女皆以時婚嫁惟早歲未亡見解雙淚長縈致令晚年失明洵足悲已壽終六十五歲守節四十三年

蕭汝勸妻郭氏 守備郭致剛女汝勸卒時氏二十七歲遺孤樹倫甫週歲教育成立獲入邑庠氏猶及見之歿于四十八歲守節二十一年

郭致剛妻蔡氏 致剛病歿時氏二十三歲生子國瑞方三週矢志不移守節二十二年四十五歲壽終

數生仲妻龍氏 年二十四歲生仲病卒氏矢志柏舟生子天翔甫兩月艱難撫育底于成立氏終于五十

一守節二十七年

處士文大年妻詹氏 庠生詹德科女大年卒時氏二十四歲生子二應用應唐皆幼小由是矢志撫孤堅

貞不二享壽五十四歲守節三十年

劉思斌妻文氏 思斌卒時氏二十九歲見年五十六守節二十八年

庠生劉思昶妻羅氏 二十五歲夫故氏見年五十八守節三十三年

楊再拔妻徐氏 爲廩生萃道祖母年二十二歲再拔卒氏撫孤守節四十餘載年近古稀始歿已旌總坊

盡生胡延春妻劉氏 氏爲監生劉春靈女延春本籍新化道光三年回籍就婚與氏秉齡事舅姑以孝聞

明年舉一女又逾年舉一子皆殤時祖姑楊氏春秋高望曾孫切又二年生子其俊舉家皆喜十年春延春

赴飲醉歸臥吉貝子上得潮溼病醫者誤投藥餌未數日卒氏時年二十有四舅姑初慮青年難守繼察其

志堅心竊慰之其俊稍長出就外傳晚歸氏燈下課讀甚嚴遂爲諸生道光二十九年正月鄰不戒於火延

燒居宅祖姑楊氏姑伍氏尚在室氏扶掖出避時火已及門少遲則無救矣火滅諸娣姒篋笥皆移出惟氏

所有悉付一炬里黨咸嘖嘖歎之咸豐五年殺匪陷城時姑伍氏已故祖姑楊氏年九十餘氏護持登舟貨

財悉置不顧後氏卒年五十七歲守節三十三年孫長松癸酉拔貢十三年巡撫曾壁光上其事奉旌表如

財悉置不顧後氏卒年五十七歲守節三十三年孫長松癸酉拔貢十三年巡撫曾壁光上其事奉旌表如

儒童胡延盛妻黃氏 氏爲郡人實學元女道光十八年六月延盛客鳳凰廳會豐浦中毒死氏時有年  
月餘謂姑孫氏曰若女也當從夫地下幸獲男必撫以承夫統姑曰汝能守吾家之幸明年二月生子其玲  
延盛有兩兒不善治生家落伯買沉陵卒於遠仲游新化久不歸姑思二子成心疾醫藥無資氏潛質  
銀珥待用病久不愈禱天願以身代病既瘳而家益貧矣甘旨仰給十指姑嘗曰吾子不能養而汝養之  
微汝吾何能有今日又數年姑卒仲猶未歸喪葬大事氏一身任之光緒二年十一月氏卒年六十有二守  
節三十八年子其玲五品藍翎同治十三年巡撫曾壁光上其事旌表如例

庠生黃璣妻盧氏 舉人盧煒之女弟于二十七歲夫故族人覬覦家資聞牆時起氏飲冰茹雪斬指誓天  
守節四十五年卒能教子成立獲入武庠孫寶華黃藻一諸生一明經至今猶爲銅仁世族云

劉朝棟妻萬氏 庠生萬文宗女年十九于歸朝棟生一子二女夫歿氏年三十歲時家計中落子女尙幼  
氏決志苦守爲子女完婚配拮据萬狀備歷艱辛貞潔一致見年六十歲守節三十載

黃關棟妻匡氏 氏年二十歲歸國棟爲室生子二人夫故氏年三十後此二子相繼歿氏堅志苦守歷四  
十年一日勤儉操作家以日裕繼從孫以承夫祀卒年七十歲

孫輔相妻李氏 氏于歸輔相結褵數載生子承恩夫旋故時氏年未三十矢志守節撫孤成立爲娶婦生  
孫閱數載承恩出歸大江陣亡氏與媳同撫孤孫孫年弱冠復出外音信渺然家貧如洗粗糲或不得飽茹  
苦嚼糠糗此爲最見年八十四歲

何景... 黃生... 元勳女年十九適景行爲室生子一夫遺亡時氏年二十九矢志守節撫孤長歲  
見年二十九歲歷節三十一載

伍光... 妻劉氏 氏年十五于歸光澤生子三女二成豐六年氏二十八歲夫在江西進賢縣防勒髮經因  
殞於軍兵聞耗痛哭幾絕誓不欲生族戚咸以事相勸勉氏乃矢志苦守家業貧仰事俯畜萬分

拮据... 勤儉自持得以養生送死見年五十歲旌表載總坊

龔先... 妻楊氏 武庠楊政傑女年十六歸先義爲室生希舉未三歲先義故家無擔石嗚嗚一息以鍼帶



為生暇則督子讀書粗糲不給晏知也子成立氏為選賢配得劉錫仁女為婦生孫二其子旋亡氏復與媳  
劉氏撫育二孫成立守節五十三年享壽七十有五孫孫太學生錫琳光次孫旭光呈請旌表題准建坊  
張壽華妻劉氏 恩州府學庠生劉錫仁女年二十婚壽華為室生子二看舉旋亡錫仁在堂矢志靡  
他冀壽華養姑姓嚴切氏執婦道維謹頗得歡心終能撫子成立姑歿喪葬一切氏竭力摒擋無人體其憂  
者壽六十歲以子琳光旭光餘情請旌題准建坊

國學堂陳允在妻羅氏 為貴陽府廩生羅有章女年十六適允在為室未幾允在從戎于外以功授縣丞  
久不歸羅探知病歿開計時氏甫二十六歲由是上舉羅姑下撫孤子以饋養度日孝慈兼盡見五十六歲  
守節三十年鄉里教之

羅振鏞妻牛氏 牛氏為貴陽廩生牛啓元女十歲適振鏞為妻生二子長傳植次傳桂咸豐末振鏞從  
戎兩蜀以功保留川補用知縣花翎五品銜未幾遭戕于川時牛氏二十八歲家素貧賴鏞蓄以奉孀翁事  
費無缺適戕子權成立守節二十七年見年五十四歲其氏為千慮其從志女與牛氏茹苦含辛共堅厥志  
守節二十七年見五十歲

楊柳芳妻劉氏 夫故年二十歲貧食守節勤儉持家教子成立歷四十年以終

庠生楊勝炳妻黃氏 夫卒年二十四歲錫子以夫弟子勝煜子承繼矢志守節三十級如一日焉

莫萬慶妻陳氏 陳水仁女十八歲于歸甫二載夫故守節五十八年氏全孝賢貞子孫成立

覃代基妻劉氏 劉應龍女二十一歲于歸結褵六載夫故守節五十一年氏善養翁姑樂贈貧苦

張仕妻楊氏 楊勝華女年十八于歸二十六歲夫故守節五十二年氏親取資紡績

徐鏞妻楊氏 賈生錫再淋女十八歲于歸二十九歲夫故守節四十六年氏青年矢志皓首完貞

徐斌妻劉氏 劉仁恩女二十歲于歸甫三載夫故守節四十四年青年白首不二厥心

郭啓曙妻章氏 章上枝女二十一歲于歸結褵一載夫故守節三十八年孝事翁姑鄉鄰欽敬

徐元環妻聶氏 聶金魁女二十一歲于歸甫三載夫故守節三十七年松筠勵志歷久彌堅

陳龍茂妻姚氏 姚登魁女二十一歲能為室三載夫故守節三十三年誠蓄自活窮不改操

庠生羅廷楠妻王氏 王續清女二十歲于歸甫六載廷楠從戎歿于軍氏守節三十七年家貧矢志備歷艱辛

向茅妻張氏 張大升女歲二十于歸方二載夫病卒守節三十年孀姑耄老奉養竭誠

張聯魁妻胡氏 胡大新女歲十七于歸結褵三載夫故氏守節三十年家貧勵志遠腹有成

徐爾昌妻蔡氏 蔡殿邦女歲二十于歸甫二載夫歿見五十歲守節二十八年聞訃矢志撫孤成立

蕭第先妻楊氏 楊得蛟女歲十九于歸僅三載夫故見五十歲氏守節二十七年養親教子慈孝全貞

國學生劉應武妻楊氏 楊再發女年十八于歸三載夫故氏守節四十三年盡孝撫孤無忝婦職

武庠羅縉妻伍氏 伍之珍女歲七十于歸十九歲夫故守節四十八年氏盡孝撫孤飲冰茹苦

陳開瑞妻劉氏 劉魁嶽女年十七于歸二十五歲夫故守節四十九年氏盡孝撫孤孫曾昌熾

庠生陳邦棟妻萬氏 年二十于歸甫二載夫故守節三十二年茹藥飲冰教子成名

陳開冀妻羅氏 羅雲秋女年二十于歸結褵二載夫故守節四十六年氏矢志堅貞初終一致

曹廷仁妻王氏 王國相女十八歲于歸閱八載夫故守節三十二年氏冰雪完貞撫孤成立

陳亨昌妻楊氏 楊再昭女十八歲于歸三載夫故守節二十五年而歿氏天年有別完貞則一

陳驊昌妻楊氏 楊蓮蓮女十六歲于歸二載夫歿守節三十二年見五十歲

毛大同妻劉氏 劉懷信女二十三歲夫故見五十五歲守節三十二年

何景維妻洪氏 年二十八夫故見五十七歲守節二十九年

石宗文妻黃氏 年二十七夫故見七十八歲守節五十一年

增生徐元點妻劉氏 年十七于歸二十四歲夫赴秋闈卒于省垣氏撫孤成立艱苦備嘗守節二十六年見存

庠生楊書江妻陳氏 年十九于歸次年一盞雙離不育年二十一夫故氏守節二十九年見五十歲

陳朝緒妻朱氏 年十八于歸生三子二十九歲夫從戎病歿氏撫育諸孤孝事衰翁壽八十餘歲至喪事

皆氏支持守節二十八年五十九歲卒

李獻廷妻王氏 年二十于歸二十四歲夫故守節三十年見五十餘歲

儒士姚邦吉妻張氏 氏于歸未幾邦吉病歿矢志不貳艱苦全貞經儒學可以氏三載失夫終身守節奉

翁姑而媳可代子撫幼稚而母實兼師具詳題請旌表建坊從祀節孝祠

庠生姚霖邦妻張氏 年十七于歸二十一歲夫歿撫孤成立守節四十二年壽至六十四歲

儒士姚德隆妻張氏 年十六于歸二十五歲夫歿茹荼飲冰撫育二子至於成立見年六十一歲

儒士楊心珠妻吳氏 心珠弱冠得痿疾時氏年方及笄心珠父母向氏家密商曰吾子疾既不治恐弗永

年爾女不知另字氏聞而悲曰此身已屬楊姓有何異譴疾即難瘳擇繼立後非無可也請誓死自明兩家

知不能奪爲之感不數歲心珠果弗起翁姑以親支子名珊亭者繼之後娶媳連生五子珊亭甫三十復

夫婦相繼歿氏撫育諸孤孫教養婚配次第成立亦艱劬哉壽至九十歲始卒長孫德重繼敘八品次孫德

粹以名諸生屢膺鸞薦貢成均四孫日新保訓導加捐分發廣東縣丞五孫再標及德重子凌霄均由軍功

保藍翎把總三孫德沛早歿其配舒氏矢志守節課子義方壽至六十長子凌漢以府長案入泮第一已卯

貢成均就職教諭次子凌池年二十二故妻舒氏亦立繼守節見年五十有五人無聞言故鄉人有楊氏三

節之稱後凌漢子世勳世燕同時入泮食餼燕復中壬午副榜由此觀之天之所以報苦節者洵不爽矣

孟許氏 太學生許宏遠女適孟敬唯子爲室數年夫故氏撫孤成立翁姑喪葬皆氏一身經理鄉里稱焉

龔煥氏 處士龔傑充女適龔光獻子爲室同治間隨夫貿易洪江生一子夫即故氏艱難扶柩還里葬于

先塋矢志守節備極苦辛撫子以及成立

楊彬秀妻張氏 郡庠張掄元女于歸甫三載生一子彬秀即故時氏年二十五歲守貞不二延師教子後

入泮食餼屢膺鸞薦氏壽至七十五而終

儒士楊再發妻張氏 年廿一歲適再發爲室生一子德政甫四齡再發即故氏上事翁姑下撫孤子後繼

此列名廖庠孫植三相繼入泮皆氏義方所訓見氏壽近八旬猶若五六十許人殆天之所以默佑苦節歟

余魁位妻易氏 易世杰女十八歲歸魁位爲室未幾魁位身故遺腹生子成績矢志撫孤事舅姑盡孝盡

養族黨無閒言子稍長教之讀書佐以紡織見已能應試矣

養族黨無閒言子稍長教之讀書佐以紡織見已能應試矣

養族黨無閒言子稍長教之讀書佐以紡織見已能應試矣



銅仁府志卷之十四

貞烈明

劉仁女辰秀妻郭氏張氏 辰秀仁之次女年十六隨父赴任廣西梧州仁卒于官女扶襯還至昭平莞藤灘值獠搖劫舟辰秀慮被辱挽父二妾郭氏張氏同時赴水巡按御史蕭端蒙上其事旌曰清流三烈建祠

崇祀(事詳劉時舉傳)

徐盧氏偽志存名未詳事實

盧徐氏偽志存名未詳事實

國朝

鄧舒氏 氏為大江坪鄧姓婦江宗門舒氏女也夫佚其名方議婚期時夫已病矣因俗有新婦入室喜可

禳災之說故氏乘夫病來歸于鄧入門無幾微見顏色孝以事親侍夫湯藥日諱未幾夫病益劇繻氏曰我

病不能瘥矣我死女必再適人當亦如事我時母念我以自苦也氏曰脫不幸自有所以為計者慎勿為意

言已而泣是夕夫歿氏哀號窺舍歛昇棺出氏哭送之返身入室雉經而亡家人未及知也有時夫棺尚未

葬即以氏合葬于某山之陽採鄧吉上撰傳

張大姑 為郡人張體濂之女大姑年二十五歲適思南朗溪司田茂奔二姑年二十二歲未適人康熙十

七年與三桂變亂兵過境搜山劫掠二女懼受辱相攜投崖死乾隆七年旌表

楊氏女 鄧楊姓移居龍頭營值逆苗出肆焚掠鄉人皆逃匿有女失父母所在惟祖母臥病在牀因見火

燄逼室苗呼噪乘之恐被污辱又不忍棄祖母乃背負祖母思他避至宅門力竭不能行未幾火及其宅女

負祖母竟坐化門限上顏色如生衣裳無損若有為之呵護者苗退聚觀甚眾咸以為奇云

盧龍鼎妻徐何氏 二氏俱郡人值亂兵逼城勢甚張風傳他處多被辱者二氏懼污俱自經死康熙九年旌

表

龍氏女 本郡甕坑龍姓有二女逆苗入村強欲污辱姊妹以計給之引至懸崖處相攜赴水死苗銜甚以

巨石覆壓而去

儒童鄧玉書妻舒氏 氏于歸甫一載玉書染沈疴不起顧謂氏曰我決無活理汝年極少且無子女我家又貧我死汝其擇善而嫁勿以我爲念氏泣曰君自珍重調養或當痊愈萬一不幸決不更適十月十九日玉書卒氏親爲裝殮毫不假人翁姑恐其過哀三日卽謀安厝氏送柩出反器入室尋自縊時年十五歲翁方視葬聞而嘆曰不意吾家貞婦出于童年何德堪此乘未掩土卽命具棺合葬之觀者無不歎駭泣下夫以弱齡女子未嘗學問乃能守從一而終之義從容暇豫視死如歸可不謂賢歟姑紀之以俟採風者擇焉

(錄劉朝祚撰傳)

張侯氏 舊志存名 未詳事實

秦氏女 郡人秦姓寓盤朶有女許字楊姓子家貧目瞽女之父欲退婚女聞大驚自謂既受楊聘卽係楊姓人何得爲此不義堅志弗允父撻之女惟順受一夕伺父母既寢遂自縊母親而救之其父旋將女改字劉姓女未之知也及劉親迎到門父逼令上與女乃剪髮毀容並引翦自刺入頸寸許血流不止俄頃卽卒然毫無痛楚態觀者嗟異此乾隆四十三年戊戌仲秋事

金氏女 郡人父母在日以女許字楊氏及父母相繼歿遺孤弟尙幼女矢志不嫁冀撫弟成立以承宗祧未幾弟又夭折女憤恨傷感痛不欲生族人勸之終不釋一夕自經死人咸稱其孝云

按以上舊志所載

庠生蕭炯妻艾氏 十七歲適炯翁年古稀姑四十餘炯恆從學於外氏孝養備至偶以小故失姑歡姑性卞急呼炯至命出之炯伉儷頗篤然事母孝卽令其大歸翁攝於內陽不敢言陰呼炯囑曰媳賢吾望孫切勿從爾母逆命也炯兩難之私乞人緩頰於母母意不同氏爲艾延暉女弟延暉畫策於己宅外別賃一居勸炯不時就之以期上慰父心並圖得間悟母也咸豐乙卯值大比炯以能文名方冀秋闈獲雋庶家難可解甫至中途聞疆吏以軍事方殷請停科神志喪失嗒然而返及家遂病垂危其父喚媳歸侍湯藥氏入門卽問病狀大泣翁亦泣姑意稍回數日炯竟不起氏爲料理躡身衣衾視舍餘從容若不甚哀人咸怪之葬三日往省墓俗稱圓墳氏自圓墳歸伏炯靈石痛哭移時聞者咸泣下哀止入室和衣臥床上家人初不介意謂過哀也及暮婢供晚膳往呼已氣絕始知氏於未臥時先仰藥矣時翁姑感氏母家有違言方惴惴

及氏父至撫之不哭旁有獻解藥方者氏父笑曰卽能活非兒志也宜從其志人以其賢之謂是父是女後延暉隨江忠烈殉節廬州忠臣烈女萃於一門義方概可想見炯猶子姪芝受業於炯炯素愛之臨歿期以延芝承繼族有爭之者乃他屬後延芝成明經嗣炯者不振延芝以一子嗣炯爲孫奉宗祠氏可謂不死已

吳向氏 氏爲縣民向蘭桂之女姿容頗麗性復婉和適郡城西門外吳姓家雖貧而處之怡然其夫小名麻子素好賭成豐大年冬初吳以賭債逼索欲嫁氏於城內某議已定慮氏不從給之曰吾欲入城生已租定店房擇于今日搬往氏信之及渡河入城微聞旁人竊議謂此婦素賢淑今墮圈套矣殊可憫憐旋見有四五人尾其後復與夫耳語氏察情狀有異疑之其夫既給氏入城竊之事諧不爲防範氏僞作買餅後于人叢中逃出東門欲歸母家家在黃蠟關去城十五里而遙急走至六家洞見其夫隨五六人追將及益信嫁已屬真卽于洞前絕壁呼夫投河而死吳畏罪遠逸蘭桂又愚劣唯哭泣收埋而已噫使氏非烈性天生以一身二事爲恥何不可忍活須臾徐爲別計乃竟視死如歸若此如氏者可以風已

儒士王宗杰聘妻李氏 處士李榮秀之女年甫十六未及于歸宗杰遽寢疾不起女聞凶耗泣言于父母請往奔喪守貞父母憐其志許之由是以處子稱未亡人奉翁姑以孝睦娣娣以和繼姪爲嗣教養婚配俾至成立守貞七十餘年曾繞膝八十八歲始歿

儒士羅廷暄聘妻楊氏 處士楊政友之女幼卽聰慧常執書求父講解父鍾愛特甚教識女經長端莊沈靜許字廷暄爲室十六歲未及結褵忽廷暄病歿凶耗至氏嚶嚶飲泣撤環瑱去脂澤告於父母請從一而終乞轉運翁姑許以奔喪守志父母叱曰汝年過稚守貞談何容易當爲汝另擇佳配毋得妄言女由是不食晝夜悲啼父母憂之往白夫家翁姑且感且停乃停子柩於堂擇日迎女以成其志女送葬歸入廚作羹湯奉翁姑侍養維謹暇則靜掩一室嫻罕見其面氏見年四十有六歲因遭亂夫家漸落無力請旌

儒童李懋實聘妻劉氏 氏爲郡庠生李正榮子婦內弟劉心明女也心明與妻早故氏育於季父心元懋實十三歲自塾歸浴於河以溺死次日得尸殮以棺寄東嶽廟氏時十五歲聞耗撤去環瑱易素服請於心元曰姑遭大事宜往唁之心元不許氏乘閒自赴柩側匍匐哭甚哀送葬畢往省姑心元屢促不歸正榮有



子甫數歲氏欲守貞待繼後以意白翁姑並轉達心元心元以氏幼失怙恃不忍重罹孤苦頗難之氏由是不歸甯者十年慮其勤以言也迨夫弟授室行將抱子繼有日矣始歸省心元未嘗問翁姑皆善病氏日侍湯藥潔盥膳凡家中一切縫紉浣洗諸役恆躬親之數十年無懈尤善承翁姑意旨正饒嘗歎曰使吾兒在其孝養詎能若婦耶見氏年已五旬論者謂氏奔喪時猶十餘齡弱女子耳乃見義如此其明赴義如此其勇孝光 月節懷冰霜慷慨一時從容畢世方古列女胡可多讓於此見人心之不死而名教之長存也

熊良傑聘妻曹秋秀 目生曹廷槐之女許字庠生熊目清子良傑爲室未及子歸良傑遭血症不起卒時女年十七計至家人祕不聞女若弗聞也者而心已決意奔喪矣是日垂暮毀裝乘閒邀一媼偕行比及熊門趨而入撫棺痛哭戚黨相顧錯愕其母方唁於熊聞聲疑爲女視之果然一時相向痛哭既而母欲挈女歸不從自此女止於夫家惟以眼淚洗面而已姑憐其少艾婉轉開導志不可奪終以哀毀成疾次年春奄然竟逝聞者傷之於是兩黨合議從女意與良傑合葬俾竟其志

舒文貴女昭姑 外委舒萬祿之女弟幼字趙氏子年及笄趙日益貧舒母爲籌錢數十緡予之俾資婚禮迨婚期既近趙以所得赴賭局作孤注一擲不謂去如黃鶴已復浼人向舒母婉求增益數緡願退婚請另擇佳配女聞之焚其所繡枕衾矢志不他適由是潔清自守日勤女紅足不履庭兄萬祿出征歿於陣遺孤尙幼女養母撫姪一身肩之以十指供饘粥母死喪葬皆賴經營戚隣重之

黃錠女大姑 同治五年丙寅冬逆苗肆擾鄉村十月二十五日猝至南嶽洞姑懼受賊污徑赴水死

萬文瀾女三妹 文瀾係邑庠世居小江老寨女幼慧性溫良莊敬喜聞古節烈事父爲述之輒記不忘同治四年荆竹園逆匪竄擾郡境時女方及笄待字閨中聞警家人星散女奔至絕崖下地多樹植女依樹小憩賊至欲牽女去女恐受辱以手抱樹不放賊牽愈力女抱樹愈堅相持既久賊不能奪以刃相迫女知不免厲聲憤罵賊怒以刃劈之女手不少懈罵益厲賊刃亂下女身被數十創兩手傷痕鱗次竟抱樹而死賊退家人往救女手猶不得解其父親往號呼手始解視女所抱處指入樹分許嘻亦烈矣哉文瀾無子祇此女足不朽已

余杰芳女三妹 杰芳任古州衛千總女年十九未字秉性貞靜同治六年二月十五日清江苗下竄聞警

全家出避行至壩皂壘逆氣已逼家人不能顧各走匿他所賊遙見三妹少艾羣欲得之方爭趨聞三妹亟投水田水僅尺許懼不免以首深入泥中閉氣求死賊至以手握之衣襦淋漓微息遽絕賊舍之去次日賊退家人往視則七竅皆泥塞其中覓者無不泣下窺其貞心烈腸誠恐緩死須臾即有不得爲完人者故勇決如此若三妹者何可多得世之苟且偷生謀旦夕活而終至身敗名裂死亦相隨者以視三妹爲何如用是有深慨已

舉人唐仁沛妻楊氏 同治七年戊辰十月初九一苗逆窺擾攻陷天馬聖氏與夫兄仁溥繼室李氏見賊勢已迫懼受辱並攜庠生向明遠妻張氏投崖死同時殉難者大小男婦七十餘人亦已慘矣

廩生張西銘妻李氏 處士李朝暄之女年二十歲適西銘三年夫病日夕侍湯藥不怠夜祝司命前願減截髮爲誓竭力操作求升合以養姑詎子甫十齡復天姑婦槍呼心胆俱裂鄉里皆不忍聞氏慮姑過悲嘗掩泣奉侍維艱姑逝竭力營葬後值苗逆亂逆氣漸逼氏一身斃子恐不幸遭辱有玷清白閉戶自經死時四十八歲守節二十七年氏死之日遠近悼嘆咸泣下焉

儒士張志器妻吳氏 吳廷翊之女年二十歲適志器侍巾櫛五載夫病故遺二子均幼以孀姑年邁誓厲冰霜冀盡孝養同治元年三月蕭逆襲破張家聖氏與次媳楊氏被賊持刀逼索賄楊氏見勢迫哀求釋姑當有所酬氏聞厲聲叱媳曰死生命耳受辱則恥難濯矣哀求何爲誓不絕口賊怒殺之楊氏抱幼子痛

姑遇害亦大罵與子同時被殺時氏年五十七歲

國學生王臨汝妻姚氏 處士姚靜成之女幼粗識字習內則于歸後克修婦職事姑以孝相夫敬恭族戚重之同治五年冬逆苗大股陡竄郡境閭閻避逃民負幼子與夫同行甫出門賊已四至促夫急走自知難免恐遭汚玷故爲罵賊激怒求速死賊立殺母子並支解之時二十九歲賊退往歛顏色若生所膏三子

先後相繼卒終無嗣殊可憫已

王經元妻劉氏 庠生劉有輔之女幼字經元爲室初有輔冤死平江氏未于歸又二年始適經元同治四年十月賊倉卒至走避不及氏親翁姑皆爲賊殺死最慘氏方深痛賊復欲辱之氏憤甚極口詆賊賊砍以

年十月賊倉卒至走避不及氏親翁姑皆爲賊殺死最慘氏方深痛賊復欲辱之氏憤甚極口詆賊賊砍以

刃連數十下徧體鱗傷賊視氣既絕始舍之去次日家人往殮尙有微息良久猶能蘇翁姑被殺狀因痛哭血溢不止而卒

陳世治妻閔氏 世治歿時氏年二十一歲矢志守節以姪相周承繼慈愛備至同治五年氏五十九歲十月苗逆下竄氏遇賊不屈與八齡孫女同時被害

黃玉齡妻楊氏 氏性賢淑動必以禮于歸後玉齡喜遊蕩氏百端泣勸翁姑早逝奉祖母及諸伯叔皆起敬起孝宗族咸欽其德同治丙寅冬苗匪突至家人逃散氏守祖母不忍離賊至欲擄氏氏不從逼之即罵賊賊怒砍氏血流滿面暈絕於地賊謂已死棄之去良久復蘇時有婢在側氏謂婢曰我祇求速死爾護老人可也婢方勸解氏即回身入田濡首于泥而死

譚雲錦女大妹 名羽釵許字郡廩生黃鼎梅長子毓芳中表親也時年俱幼女性甚慧通書史常與姑母女交勉以貞潔相矢全家避難南嶽嗣依姑母居同治五年十月二十五日清江苗匪突至女方與姑母登舟見賊逼近謂姑母曰賊來倉卒欲自全惟有速死願姑母保重姑止之不得躍身投水而死

庠生譚雲錦妻戴氏 戴世翼次女端莊靜一在閨中時即喜聞節烈事于歸後孝翁姑敬夫子動合內則自經變亂艱苦備嘗避居於南嶽嗣姻家同治五年冬逆苗忽至雲錦收租未歸子尙幼翁年八旬氏以翁步蹇滯扶之出逃翁曰我年邁死亦何傷汝亟去無受污辱且汝死孫將何依氏不可翁再三強之終不忍去賊至欲褫翁衣氏泣求免賊不聽以刃刺翁憤奪刃斫之氏大罵至死不絕口誠爲孝烈兩全云

黃永齡妻徐氏 氏幼慧能識書沈靜寡言生二女俱幼同治五年冬逆苗擾境家人星散氏以翁老須扶持不忍跣步離賊至持刀欲殺翁氏跪乞請釋賊不許氏見翁傷撲地憤而罵賊賊抽刃刺氏氏返身投水而死

黃松齡妻聶氏 處士聶經緯之女氏幼通書史秉性貞良言笑不苟年二十于歸琴瑟甚篤生女不育同治五年冬逆苗猝至值氏歸甯聞夫家避難全室入城祖母受驚棄世翁姑負創夫復身殉氏日夜哀號謀欲奔喪時賊氛密邇道梗未通家人羣相勸阻氏終不可歸至門見翁姑傷重雖痛夫死惟暗自飲泣恐增翁姑悲慟翌日請于翁姑往祭祖母與夫墓翁姑許之命老嫗及婢偕焉囑以祭畢早歸初不料其有死心



也氏隨行囑姑翁保重勿思子過切至墓祭畢以計遣婢媪去乘間從江潯絕岸投水死婢媪返覓不見沿岸尋之忽視中流有屍裹白巾知爲氏亟呼人往救見氏衣溼未及胸獨微息已絕內襦下裳皆針線密縫觀者無不泣下嗚呼女子殉夫本于至性惟從容就義若此實近今所罕見已

監生羅亨爵妻張氏 曩萬春之女丙寅冬張母病氏歸省母清江苗徧城亨爵往逆之行抵淺灘爲賊所及氏願謂亨爵速逃無以妾累亨爵強氏共涉賊以戈逐之亨爵浮水而逸賊執氏登岸氏給之曰苟饒妾命願從若去拔簪珥授賊賊啓腰囊納入氏乘間投水深處賊怒抽刃由後劈之死於河年二十有二

沈際武妻翁氏 太學生翁鳳池之女幼從父受內則女經諸書適際武爲室生二子一女際武援例入國學督理團務同治丙寅以苗變築砦營於滑石封泥洞十月下旬賊氛逼近際武率鄉人避洞中督衆守之賊勢甚銳蜂擁而上頭卡見奪反走者輿傳際武被殺氏聞泣曰夫已死妾何生爲以子女付嫂王氏引刀自刎時際武退保二卡驟聞氏勿將死諭衆勿驚入視氏奄臥石壁下急合創痕勒水噴之血止漸有微息際武曰何遽至此襁褓孩誰託氏開目視但飲泣久之始能言際武知砦難守夜伺賊懈與從姪某賈氏攜子女由後洞遁往他處明日洞破死者無算氏亦卒不能救嗚呼其烈矣哉死時年二十餘郡庠生沈兆麟其養子也

喻宗林妻蔣氏 蔣文智之女同治五年正月二十五日苗逆入境罵賊不屈遇害

喻宗恆妻廖氏 恩貢生廖瓊仙之女兄同治五年正月與蔣氏同日罵賊遇害

拔貢楊儲英妻戴氏 氏年十九適儲英爲室伉儷甚諧克敦婦道同治乙丑冬因母疾歸省值土寇包茅仙餘黨陰結三元團竄擾牛場坡一帶逼近母家全室星散氏方抱病不及出走乃匿空室緊掩重門持利刃自衛賊至敲戶不閉由窗窺見氏霜鋒在握凜難干犯欲入不敢遂縱火焚之氏懼賊辱守死不移與房宇同燼賊退儲英尋得遺骸痛哭掩葬如氏者殆亦見危授命深識儒書慷慨捐生有同烈士者歟子二葆善培善時尙幼稚厥後力學有成皆爲郡廩生氏可謂不死矣

陳紹恩妻羅氏 氏爲贈少保羅雨春之妹十八歲適紹恩爲室同治五年逆苗竄擾郡境氏偕紹恩奉病姑出避行未遠賊尾追將及氏謂紹恩曰君護母亟行妾自爲計無以兼顧累也賊至氏恐受辱以手緊抱

雙膝俯而受刃賊退往殮猶解手不開家人哭呼之始得脫傷痕鱗次頰上刀畫數十知遇害時必肆口詈罵故賊怒而爲此觀者咸爲泣下紹恩同亦爲賊殺獨其母獲免殆以一門節孝天遂有以隱全之歎

張興周妻胡氏 氏生子甫週歲驟值逆苗入境隣人皆鼠竄興周促婦出走村外有大溪廣十丈深四五丈許氏謂興周曰妾體羸不任奔苦請匿於溪曲蘆叢中君自抱子他適興周不忍遠去伏於對岸林中無何賊至窺見氏偪之氏知不免亟投潭水溺斃時年二十七興周以妻烈死義之遂不復娶隣有塾師陳春慶爲作義夫烈婦傳旌之

楊插芳女翠姑 同治五年正月逆苗竄入境內插芳及三子鵬昌帶團往堵均被賊擒不屈死女聞耗痛哭方切齒賊甚而賊隨至女家女以父兄大仇全不畏死極口詆賊賊怒亂刃交揮幾無完體奄奄氣絕賊去家人尋尸往殮見血流滿地撫之似有微息興回醫治半年始痊後適士人餘生生子四皆業儒雖僥幸得活而赴死之念甚決不可圖不烈已

蔣世珍妻楊氏 同治戊辰二月石洞口叛苗猝至氏攜一子往避山室距室僅二百步爲賊追及氏罵不絕口身被數十創死于室外室中人畢無敢啓關出救者至今哀之

楊春谷妻王氏 貢生楊煥廷之子婦二十歲夫故守節母家居清水塘同治五年歸甯適值逆苗驟至氏義不受辱罵賊遇害

楊聞政妻舒氏 庠生舒宗崙之女同治七年苗匪突至闔寨奔逃時氏年二十三歲因翁病不忍捐棄賊至以石擊翁獨欲擄氏去氏詎言有窖藏取以求脫賊信之引至河岸躍入深潭而沒賊待良久見屍浮出知氏已死乃行

胡元壽妻舒氏 貢生舒南枝之女兄年二十三夫歿氏矢志守節同治五年冬逆苗入境滋擾氏身殉其難時年已五十餘矣

楊舒氏 場盤人處士楊景清之媳同治十年逆苗下窺翁病篤弗能遠避氏不忍去賊主翁被殺氏義不受辱奔赴深潭投水而死

錢有翰妻萬氏 同治七年清江苗入境時遇賊欲驅之去氏抱樹不放極口詈賊賊怒連揮數十刃

氏 乃止

氏 扣答鄉人太學生陳應松之媳同治四年苗竄大江時氏二十四歲身方有孕背負一子因賊驟

避不及被賊追迫惡言詈之賊矛洞脅而死其子幸存無恙

年十五歲時尙待字閨中賊至甚速家人星散女爲賊所追拚命登舟賊復奪舟女懼受汚亟

赴死

芳女 年十七歲亦未許字賊至與戴女同避于舟及賊奪舟女度不能免躍入河中而死

客寨人同治丙寅苗匪入境大肆焚掠氏恐受辱攜媳與女同時赴水而死

同治丙寅冬逆苗肆擾鄉村十月二十五日猝至南嶽洞女汚借姊徑赴水死

元女晚姑附考 年十五父病瘋家遭回祿女欲負父出力弱不能舉與父同死于火體皆灰燼惟臟腑

在焉有婢甫十歲爲火阻不得出匿陰溝中迨後掘出猶活且能道女救父狀弱息至性亦可憫已

喜妻王氏 年十六歲賊入境恐受汚辱與弟婦吳氏挽手投河而死

年二十二歲與嫂王氏不受賊辱同時赴水而死

泰媳易氏 被賊追逼至兩河口赴水而死時年甫十七歲

陳和順媳陳氏 賊至氏無所避赴水而亡時年二十三歲

述粹妻晏氏 于二十歲適述粹同治八年于天馬坐殉難死

楊見夫與祖姑遇害罵賊被殺

雷姚氏 楊陳氏

周吳氏 萬樊氏

章萬氏冲蓬 李楊氏李永魁母 李羅氏李甫妻

楊耀光妻徐氏 氏年十八于歸耀光性樸拙貌甚寢氏美而賢敬順其夫未嘗稍有嫌怨同治五年

月氏適歸甯苗賊突至因借父母走河干求濟遠逃賊見氏美羣笑而前母亟以身蔽女父長跪乞命方

楊田氏

楊劉氏

元熊氏以上壩盤鄉殉難

李羅氏

李楊氏

楊龍氏

楊李氏及二子

唐楊氏及一子

唐向氏子

唐楊氏

鄧楊氏

滕龍氏

羅龍氏以上胡家屯殉難

唐向氏

唐楊氏

楊李氏以上赦秦殉難

楊勝氏

羅龍氏

唐向氏

唐楊氏



以婉言哀懇氏懼不免辱驟聞赴水死時年二十一歲三日賊退耀光往殮其尸顏色如生里人聚觀不勝  
嗟歎前郡守汪炳璈請予題旌總坊

于化行女桂英 幼字戴氏子子出游不歸桂英畢志閨中守貞不二事祖 母以孝撫猶子猶女以慈母

家食指甚繁家計賴桂英操持不致匱乏見年六十四歲

儒童陳繼芳妻李氏 廩生李正榮之女年十六歸繼芳爲妻生一子一女無何子甫五齡女未週歲而繼

芳病卒氏痛不欲生惟念子女幼小吞聲忍死爲撫育計然其必死之志居恆不忘及子既成一日值繼芳

忌辰氏祭畢哀泣入室飲醑而卒女亦痛母飲餘醑亦卒時光緒十三年四月二十四日也

楊聞政妻舒氏 庠生舒宗崙之女同治七年苗匪逼近家人星散氏以翁病守護不忍舍去賊至立斃其

翁欲擄氏行氏給以往取窖藏乘間投深潭而死時年二十四歲

楊王氏 貢生王應新女廩生楊煥庭媳也于歸未幾送失所天氏篤志誓守同治五年冬歸省孀母賊驟

至家人星散氏計出必爲賊污遂入廁投於穢中賊縱火焚屋屍雖化去猶形體宛然亦異事也

楊舒氏 楊仕政之妻賊至氏避出門見翁被賊獲舉刀將殺氏大呼求以身代伏地哀懇良久賊感其誠

釋之翁遂脫扶氏偕行伴作喜色賊竟不防旋過一高橋水方泛漲氏一躍而下賊救護不及唯望洋歎恨

而已  
楊王氏 武童楊秀標之妻氏生一子二女而標家赤貧朝夕所需仰給不指丙辰冬苗匪突至倉卒不

及避懼爲所污遂攜幼女投池而死

譚劉氏 進士劉朝祚之孫女舉人劉以華之女年二十歲同治五年冬賊破壁欲污氏罵不絕口迄不能

辱被殺

王李氏 舉人李植之胞妹年五十七歲與譚劉氏同日罵賊被殺

楊危氏 楊 之妻 遠出氏事母極誠順同治五年冬賊驟至母念氏青年恐不免遣之先逃氏涕

泣不肯離遂左携老母右牽弱女同投於河後數日族人收屍兩手猶攜持不能解

王宋氏 同治六年賊夜偷入室先獲氏即囑勿聲決不相害氏竟大呼衆人驚覺方知賊已入室開後門

逃田救活不少賊欲汚氏口竟不從賊忿極剖其腹肝腸寸割慘亦甚矣

向晏氏 監生向化清之母年四十二歲青守節同治六年苗匪猝至氏跳投崖自盡

向胡氏 年二十六歲夫於同治四年二月禦賊打仗陣亡氏矢志撫孤至八年十月賊又破宅遂攜孺子投巖而死

向田氏 年三十六歲向化永之妻其夫被賊殺傷將死氏捨身往前救夫同時被害

安胡氏 年三十六歲贈生胡其端之姪女於同治四年賊驟至義不受辱乘間縊而死

向戴氏 附生向秀英之妻年二十四歲八年十月賊至被執不屈以針給賊他往自盡全節

向戴氏 年三十歲生向遠之妻賊破室氏恐受辱携幼子並跳崖而死

向解氏 年四十八歲同治六年賊破室與其夫述川起火自焚

向萬氏 年六十歲同治六年十月苗匪突至氏知不免以剪自刺而死

向安氏 年四十六歲同治六年與夫向述懺罵賊同時被殺

張鄧氏 張效銘之孫媳年二十四歲

張二妹 張效銘之孫女許字勝門同治元年賊匪忽至與嫂鄧氏懼為賊辱攜手投入白崖溪而死

楊劉氏 從九品導首楊廷秀之妻六十四歲為賊遇害

張楊氏 同治二年賊驟至懼為所污携老母并幼子俱投巖死

張吳氏 苦節三十年同治二年賊破室投巖全節

鄭楊氏 守節二十年同治四年賊破室投巖全節

黃早秀 年十八歲賊將破室懼為所辱自殺

儒童胡其泰妻楊氏 邑增生楊瑞廷女少沈靜寡言笑喜聞古人忠孝節烈事父故老塾師每自塾歸輒

舉古媛遺事為女述之夜分不倦年二十二歲儒童其泰為室光緒十年秋其泰感風寒醫者誤投藥病遂

殆將卒謂氏曰吾病必不起吾父老矣又多病家無次丁吾死汝其務盡孝養言竟而暝時九月初五日也

十二年四月姑歿十二年十月舅延齡繼歿醫藥喪葬皆氏身任並為其夫及翁姑作追薦佛事極周詳家故不豐典質釵珥拮据萬狀里黨賢之十四年秋長庚患瘰癧醫治罔效十月十二日遽殤氏悲甚至是神癡淚痕時凝面娣姒百端慰之不能已十二月二十二日衣裳浣濯淨潔入室沐浴賦阿芙蓉以卒年二十九氏以士族女幼明大義自歸胡氏克盡婦道與夫偕隨僅二年遽失所天且前後五載三喪相次子復天亡極人生之不幸未有如此者方其呱呱在抱猶冀成立奉祀藉慰夫及翁姑無何一綫終絕萬無餘望然後以一死報夫地下豈氏之本志哉要其從容不迫委曲就讓士大夫蓋亦難之不謂得之婦人女子嘻亦奇矣

楊秀捷妻王氏 于歸秀捷生一子二女賊豐被秀捷病故家貧如洗母子求食度日矢志靡他同治五年

蕩匪擾境懼為賊辱偕二女皆投河自盡子被擄去寒微困苦至氏而極乃猶全節不辱亦足多已

楊茂發妻章氏 年三十歲同治五年賊至與翁姑偕逃方及河干遇賊賊直逼其氏不從賊怒刃相向氏乃給賊謂家藏有首飾願取携相隨以去賊信之氏乃渡河翁遂乘間逸去姑知氏意不忍捨相與登舟至中流俱投河死

羅如霖妻張氏 坡頭鄉人同治五年十月清江苗至氏奔避被逐數里賊力追不及忿從後用矛刺氏

知不免帶傷投巖殞命時年四十九歲

羅吉亨妻李氏 亦坡頭鄉人同治五年冬逆苗驟至氏隨衆逃避後賊大呼趕殺氏嚇極力竭撲地被賊以大刀連砍十數處死于桑林地時氏四十一歲

鄒張氏 同治四年賊破

余王氏 三十六歲

楊熊氏 同治元年賊破

余張氏 三十六歲

金楊氏 守節多載同治九年賊至

楊龍氏 四十一歲

金甘氏 同治七年賊至

郭周氏 七十歲

姚楊氏 四十歲

廖季氏 同治十年賊欲

金周氏 守節二十餘年

金王氏 賊至全節自盡

年賊至不受污辱賊被殺



同治十年賊至

楊甘氏

楊駱氏均係平茶鄉人罵賊被殺

向舒氏馬賊被殺坡頭鄉人

楊金氏年二十歲

楊蔣氏年二十歲

楊申氏年十歲

楊周氏年十歲

楊祝氏以上均不受賊辱被殺

黃盧氏年二十一歲賊至全節自縊

石楊氏年三十歲以上

楊劉氏年三十歲

黃蕭氏年二十歲至均投崖自盡

張楊氏

張吳氏

田張氏

田周氏

王田氏

王徐氏

王賀氏

王秦氏

王陳氏

王李氏

田劉氏

田聶氏

張謝氏

鄧楊氏

譚劉氏

譚田氏

李龍氏

謝向氏

陳李氏

同治五年冬賊圍三寨聖被圍眾殺傷不少次日賊破圍中死者三百餘人以上婦女或斷其肢體刳其腹心或削其耳目口鼻皆義不受辱全節而死噫亦慘矣

縣丞詹天祿妻劉氏

從九劉玉波姊同治五年逆苗竄擾郡境氏在馬脚岩母家遇賊賊欲驅之行氏不

從極口罵賊被殺二子悉為賊擄不知所終

胡得科妻楊氏 同治五年清江苗入境全家被擄氏至桐梓幼抵死不行賊逼之罵不絕口身受十餘傷殞于道旁

陳洪勳妻鄧氏

同治五年遇賊義不受辱被殺

楊春英

年十五歲家極貧其父行醫遠出其母以隣家有子無乳代為喂養日往三次皆留春英守戶不

意族惡某乘間入戶強姦春英不從情極呼母母聞聲急歸惡已逃去方欲投族懲治春英恥于傳播氣憤

結胸是夕斃命不知如何自盡次晨第見血溢唇頰誠堪痛憫其烈不可殞也

附載總坊節烈姓氏

按總坊所載節烈四百餘人節孝十居二三節烈十居七八蓋自遭亂以來義不受辱戕生殉難者甚多原案舊存府學後為吳教授實邦搆去坊上所存久經風雨剝蝕泯沒過半幸伍羽經次續存有簡明姓氏底册一本茲照抄附載于後其事實有徵既經採入前編者不復贅錄

吳騰氏 膝應太女 吳怡芳妻

劉楊氏 楊汝順女 劉榮勳妻

楊郝氏 郝明函女 楊政化妻

艾田氏 田子美女 艾春亭妻

李黃氏 黃信春女 李桂枝妻

黃裴氏 裴道中女 黃鳳妻

韓劉氏 劉祥女 韓天衢妻

郭張氏 張致揚女 郭永清妻

李張氏 張嗣杰女 李詠梅妻

唐翁氏 翁少女 唐勝隆妻

韓劉氏 劉友仁女 韓天太妻

沈楊氏 楊先春女 沈寅妻

稽衛氏 衛學升女 永運妻

劉雷氏 雷勝女 劉宗舉妻

劉楊氏 楊勝智女 劉子健妻

黃楊氏 楊貴茂女 黃儀之妻

劉張氏 張宗之女 劉長榮妻

胡楊氏 楊再武女 胡德中妻

黎戴氏 戴光璧女 黎世瑤妻

楊周氏 周汝秀女 楊汝秀妻

何劉氏 劉應兆女 何承助妻

李姚氏 姚明喜女 李茂和妻

羅楊氏 楊應林女 羅允祥妻

徐黃氏 黃萬端女 徐培芳妻

羅張氏 張明正女 羅亨嘉妻

藍張氏 張國銘女 藍興周妻

楊沈氏 沈其昌女 楊旋勝妻

陳嬰氏 張開璧女 陳世文妻

張謝氏 謝大炳女 張三才妻

楊黃氏 黃運清女 楊秀茲妻

李陳氏 陳開校女 李壽錦妻

羅周氏 周致富女 羅代顯妻

衛龔氏 龔光雨女 衛儒宗妻

李劉氏 劉慶年女 李隆起妻

黃盧氏 盧敬也女 黃琳妻

陳何氏 何為瓊女 陳洪詔妻

楊陶氏 陶先傳女 楊厚昌妻

楊洪氏 洪政貞女 楊再應妻

楊金氏 金兆昇女 楊鼎勝妻

沈楊氏 楊勝業女 沈光清妻

蔣楊氏 楊秀江女 蔣敦泰妻

顧田氏 田春暉女 顧宗古妻

羅李氏 李萬春女 羅永清妻

黎楊氏 楊政達女 黎昌發妻

戴吳氏 吳滿女 戴國勝妻

王殷氏 殷再發女 王國珍妻

唐素貞 唐秉政女

曾引蓮 曾貫一女

郭周氏 周詔安女 郭啟文妻

楊周氏 周善通妻

楊何氏 何西堂女 楊再清妻

王謝氏 謝會祿女 王探寶妻

鄭楊氏 楊再成女 鄭芳妻

譚田氏 田佩舉女 譚如澤妻

陳李氏 李和光女 陳惠春妻

李龍氏 龍全理女 李興敬妻

吳楊氏 楊再漢女 吳朋安妻

吳張氏 張文泰女 吳晚妻

楊劉氏 劉宗善女 楊秀浦妻

楊劉氏 劉考女 楊定秀妻

金楊氏 楊勝惠女 金明圃妻

張謝氏 謝應清女 張朝煥妻

謝向氏 向詩女 謝朝熙妻

楊龍氏 龍維川女 楊老陶妻

楊申氏 申自貞女 楊尚治妻

姚楊氏 楊政富女 姚明德妻

譚劉氏 劉心葵女 譚老瑞妻

李黃氏 黃榆樹女 李義山妻

邱李氏 李朝佑妻

黃楊氏 楊烈希女 黃劍妻

鄧楊氏 楊光潔女 鄧老瑞妻

張楊氏 楊昌觀女 張子榮妻





郭有英 郭義川女

楊秀翠 楊勝宗女

楊圓英 楊政芬女

劉滿姑 劉紹啟女

楊舒氏 舒春發女

楊吳氏 吳西山女

楊廖氏 廖才芳女

楊柳氏 柳詮女

楊向氏 向春吉女

楊廖氏 廖清華女

楊大姑 楊才秀女

楊舒氏 舒時泰女

楊穆氏 穆老雙女

楊舒氏 舒福勝女

楊穆氏 穆永瑞女

楊舒氏 舒明富女

楊穆氏 穆龍春女

楊向氏 向元照女

楊向氏 向英名女

楊田氏 田文陶女

楊張氏 張翠亭女

楊柳氏 柳和彬女

楊張氏 張西明女

楊姚氏 姚山女

楊袁氏 袁春浦女

楊田氏 田武女

楊姚氏 姚餘昌女

楊黎氏 黎景明女

楊李氏 李合芳女

楊廖氏 廖武女

楊柳氏 柳山女

楊姚氏 姚應科女

楊吳氏 吳北林女

廖楊氏 楊秀泚女

廖王氏 王熙中女

廖左氏 左樹明女

廖陳氏 廖益惠女

廖羅氏 羅士倫女

廖吳氏 吳嘉生女

廖楊氏 楊敬女

廖柳氏 柳致女

廖侯氏 侯四女

龍楊氏 楊勝年女

廖戴氏 戴英著女

龍邱氏 邱明女

楊小姑 楊水烈女

廖大姑 楊再年女

楊二妹 楊再平女

楊三妹 楊得錦女

楊大妹 楊勝喜女

廖招妹 廖世詡女

廖大妹 廖三女

廖張氏 張士剛女

廖衛氏 衛河清女

楊方氏 方啟女

楊吳氏 吳文撥女

楊戴氏 戴甫培女

李楊氏 李嵩女

衛胡氏 胡秀衍女

衛何氏 何雙女

陸戴氏 戴明富妻

張姚氏 張文武妻

龍楊氏 楊老芳妻

滕楊氏 滕代函妻

龍楊氏 楊言三女

柳姚氏 姚長女

柳楊氏 楊志安妻

柳舒氏 舒美明女

柳胡氏 胡年浩女

柳廖氏 廖松枝妻

柳舒氏 舒宗先女

柳吳氏 吳理堂女

柳文氏 文運培女

柳吳氏 吳紹登女

柳廖氏 廖大系女

滕楊氏 楊萬隆女

廖楊氏 楊發枝女

呂石氏 石明獻妻

柳楊氏 楊大女

廖陳氏 陳老樸女

柳穆氏 穆連昌妻

呂柳氏 呂詩進女

柳楊氏 楊文錫女

柳楊氏 楊兆女

柳伍氏 伍文秀女

柳楊氏 楊錦章女

穆楊氏 楊政仕女

柳三妹 柳元規女

穆柳氏 柳繼良女

穆戴氏 戴大業女

穆柳氏 柳元恭妻

楊吳氏 吳文海妻

穆楊氏 楊成瑤妻

穆戴氏 戴芳女

穆楊氏 楊肅亭妻

杜楊氏 楊光煥妻

穆胡氏 胡承學妻

穆戴氏 戴士云妻

穆舒氏 舒在昌妻

穆楊氏 楊以新妻

穆楊氏 楊湖光妻

穆戴氏 戴良女

穆襲氏 張心啟妻

穆大妹 均移鳳女

穆大妹 山女

穆大妹 穆克陞女

盧滿氏 盧士湘妻

張李氏 張先華妻

羅楊氏 楊昌仕女

楊萬氏 楊勝年妻

楊黃氏 楊勝中妻

楊滿氏 楊昌宇妻

楊劉氏 楊再諭妻

張侯氏

張龍氏

龍姓女

向趙氏 趙宏順女

張楊氏 楊勝華女

舒楊氏 楊泰來女

蔡譚氏 譚廷貴女

王徐氏 徐械女

孫吳氏 吳歲庵女

秦萬氏 萬立權女

曾王氏 王國柑女

萬蔣氏 蔣成林女

鍾蔡氏 蔡之龍女

周譚氏 譚天賦女

羅楊氏 楊政敏女

陳楊氏 楊再昭女

翁胡氏 胡本善女

羅張氏 張又煥女

羅李氏 李春壽女

羅月英 羅士杰女

羅團英 羅似會女

潘喜英 潘廷選女

翁胡氏 翁耀先妻

羅張氏 張如林妻

羅李氏 李春壽女

賢明

張顯棟妻蕭氏 氏爲江西南安府處士蕭楚貴女初顯棟以軍校戍贛州娶氏爲室繼移銅仁遂家于是

乃迎氏同居焉顯棟月廩所入無幾氏嘗以鍼紉佐之闢蔬圃種菜自食藜藿而待客必豐顯棟性豪所交

多俠士居常過從縱酒擊劍爲樂氏治肴饌出陳恆能如顯棟意及子就外傳縞紵脩膳必豐必潔有顯棟

所不及計者氏輒詳贍以應課子夜讀往往書聲與機杼相聞爲子女擇配選壻不求富貴家晚年境漸裕

儉約如故顯棟先卒氏臨歿囑諸子曰喪葬一切不得以踰爾父也後其孫元臣以翰林院檢討仕至左諭

殿臣以三等侍衛仕至總兵氏追贈夫人至今郡中世族首推張氏其留貽殆有自云節張謙

馬大醮妻劉氏壽氏爲處士劉上位女貢生劉憲程孫女幼嫻閨訓長適大醮爲室逮事曾祖姑蔣氏下暨

祖翁姑及翁姑悉賴孝養咸得歡心疊經三世喪葬氏佐大醮盡禮盡哀毫無遺議子奎光自幼從師脩脯

半資紡績晚自塾歸氏篝燈課讀訓以義方親見奎光游泮食餼貢明經就職訓導次子元光俾事吠畝嘗

垂誠曰吾家寒素不可棄農半耕半讀庶子孫既識義理且弗忘艱難也氏性仁慈雖所處不豐而以窘急

告者輒周恤之奎生子明通通生子世恩世蕃世昌恩生承之五代同堂元光生四子一孫蘭桂盈庭鄉里

義之氏生于乾隆四十二年至光緒三年計臻百齡教授吳寅邦知府汪炳燾詳請旌表

庠生楊純昌妻蔣氏壽氏爲楊純昌繼配方于歸時純昌前室遺四子季尤幼小氏撫如己出有小失未嘗

稍寬嘗謂天下後母欲沽慈愛名前母子雖嬌情不問迨誤入下流遂不以人齒或反藉以彰己子之賢此

其心不大可誅耶吾恆以此爲戒人之諒不諒則聽之而已嗚乎此言可爲百世之爲繼母法也後四子皆

授室生孫季子儲英爲辛酉選拔雖出純昌庭訓亦母教有以左右之純昌志氣恢廓每有建白費用不貲

氏恆勸襄不以慳吝掣其肘故鄉里皆稱氏識大義洵不誣也壽至八十二歲始卒孫葆善培善悉列郡庠

食廩餼

增生喻秀棠妻沈氏 氏爲松桃處士沈茲仁女通候楊勤勇公其母舅也氏幼育于侯侯配龍夫人博通

經史以淑德稱素鍾愛氏居恆爲氏講說內則及列女傳諸書餘閒教以吟詠閨中有常課侯過銅仁

賢明

一



得歸三子皆幼小氏口授句讀晚則一燈課讀必背誦如流水乃已一言一動皆馴以正稍長出就外傳氏節衣食具脩膳備極豐潔持家儉約日用外恆留有餘待濟貧乏遇鄰隣有急或無以應輒出簪珥借付質庫他日籌資自贖不爲憾媼族中有窮老無歸者依以度日氏嘗曰吾家雖貧朝夕饗餐猶可給若某某不顧恤之何以爲生由是親串交口頌氏賢迨秀棠倦游歸里則三子已入泮食餼矣厥後長子燾歲貢生以軍功保江西卽補知府次子熙癸酉選拔中本科舉人三子勳歲貢生江蘇卽補知縣昆季咸有令名人謂得自母教爲多云節吳家寶撰傳

楊再杏妻聶氏 氏年十八適再杏爲甫室生一女再杏患癱症遂廢人遺僅首面猶存形似自頸以下手足及身皆彎曲只三尺許見者不人齒獨氏視之如命始本素封因爲再杏調治巫醫並進所費下貲家以中難由是拮据萬狀凡再杏飲食湯藥皆氏躬親侍奉數十年不稍倦五旬外其壻喻宗 憐其貧老迎再杏及氏終養再杏六十七歲卒氏享年七十三歲

王澤溥妻方氏 居江口武庠方三元女光緒十年氏甫十七歸澤溥爲室上事翁姑曲盡孝養人鮮間言無何澤溥病危氏見醫藥罔效虔禱神明割左乳旁肉煎湯奉澤溥幸天鑒其誠一服而愈不數日創處結痂平復如故一時盛傳其事夫刲股救親已所罕聞不謂伉儷之恩比于生我蓋三綱原無重輕百世同此名教人心不死至性常存是之謂矣

總兵姚文廣母周氏壽婦 氏以子文廣貴封一品夫人幼適姚太封翁時家本式微夫妻晝夜操作僅免飢

寒事太封翁極敬順雖居困苦中無幾微失禮生二子以貧不能讀書有老塾師訓蒙于其隣氏恆以園蔬相餉並爲浣濯衣裳暇則令從之求識字用心亦良苦矣次子文廣性倜儻粗解文義憫父母艱難嘗欲有所樹立以遂顯揚咸豐間髮賊徧東南文廣仗劍從軍轉戰鄂皖江淮豐陝甘各省累功擢提督補陝西陝安總兵頗以勳名著于時皆氏義方所貽也氏與太封翁白髮偕老家慶國恩身享其榮居恆飲食服御仍若寒素每對人曰吾敢以今日富貴遂忘曩時窘迫哉嗟嗟滿而不溢盛而不驕士大夫且欲難之不謂氏以巾幗女流乃能窮通一致無改厥初其度越尋常遠已壽終八十六歲

廩生楊文軒妻張氏 年二十歸文軒爲室夫妻相敬如賓孝事翁姑和其娣姒無間人言文軒多病喜讀

書賴氏調護得入泮食餼比甫四旬文軒病卒由是義方謝子母兼父道後曼子建章三子龍章相繼爲諸生氏所貽也

才藝

國學生徐黎妻許氏 氏名韻蘭字香卿錢塘人明經許其車女許為浙中大族科名鼎盛甲于其鄉氏幼

在閨中即熟典籍工吟詠二十歲適為室為俸雨其通政家子少以才名自負及氏來歸掩幃相對

匡側置筆硯花箋得句索和爭挂欄放返不相下時豔稱之生三子長甫數齡氏以病卒其抱安仁之痛居

常戚戚感氏伉儷哀集所作為刻其聽春樓遺稿以慰哀思茲為附錄數首于後 訪梅云 獨寒未見綺

窗梅報到溪頭已早開我為尋花忘路遠一肩春雪過橋來 楊州晚泊云 煙光絕好畫中詩水調家家

唱柳枝二十四橋新月上綠楊城郭晚晴時 寄閨中舊侶云 離情別緒不禁秋為憶深闌祇自愁那得

此身如旅雁一年一度向南游 燕雲越樹碧迢迢鄉思逢秋未易消欹枕蕭蕭風雨夜夢中同看浙江

潮 贈外云 幼慚書未讀近喜增為師試筆朝臨帖挑燈夜課詩推敲生敏悟啓發助清思最樂應惟

此含毫得意時 舟過蘇州云 吳江疏雨個個向晚試推篷新漲平田綠斜陽小舫紅半城楊柳外一棹藕

花中欲去遲遲去揚帆任好風 晚眺云 極浦層樓俯秋光入畫中煙波雙鳥白夕照片雲紅岸闊天低

樹潮平水接空不須愁暮色月上海門東 過岳忠武廟云 父老扶筇話北征黃沙白日孤黯城人祠拜

倒蒼下風過如聞戰鼓聲伏臘雞豚賽鄂王江山城闕歎滄桑一坏迢遞西湖上香火他鄉勝故鄉在吾

鄉西湖上 呈表伯施惺渠太史云 千里迢迢海上居一舟風雲過吾廬好趣 丹陸新承寵漫繚青山

香火勝 老著書別後精神增豐饒年來鬢髮漸蕭疎朝衫不怕紅塵宛聞說蓬萊接 玉除 外游飛雲巖詩

後云 讀君飛雲詩如覓飛雲勝雲根瀉瀑泉雲際盤幽徑日暮山僧歸月潭開鐘磬游子鞍馬勞于茲一

解燈松濤萬壑喧清嘯千山應仙境藉標題登臨動詩興

駱可儀女冰梅貞可儀山陰人游幕來銅遂家于是冰梅幼即聰慧可儀甚鍾愛之教以識字讀書八歲能

屬對一日可儀舉武松人名令對冰梅應聲曰文杏可乎其敏捷類如此年十六可儀卒于貴筑冰梅聞訃

痛不欲生以母在強活未幾長兄殞冰梅見諸弟皆幼母復多病門戶撐支乏人爰矢志不字繡佛長齋摒

擋家事之暇輒與古人相對久遂淹貫羣籍工吟詠巡道陳枚知其文而賢聘為女公子傅次年母歿枚贈

金治喪典禮無缺一時稱之有生男何如生女之言著有冰梅詩草按察使李元度序之待梓茲摘錄數首



以存梗概 十五歲避難柳溪題壁云 鞞鼓聲聲動地來 降旗飄颺禁城開 黃堂戰死軍民散 總為筆刀起

禍胎 生長深閨十幾年 那曾經過此山川 知心惟有郵原草 月夜臨風泣杜鵑 盈盈弱質困風沙 脈脈

柔情怨暮笳 莫唱江南腸斷句 天涯零落一枝花 角聲吹動聚黃巾 歷盡風波受苦辛 白刃林中心似鐵

紅裙著地不沾塵 流賊猖狂衆口喧 王師何日降戎軒 驛亭空有思鄉淚 驚破啼聲是夜猿 綠楊堤下

水淙淙 孤月憐人影 墮窗歸夢不知鄉 國遠夜深猶自渡寒江 雲鬢亂挽下高樓 送別江頭動遠愁 萬里

關河頻悵望 計程應已到杭州 懷葛太守 女麗卿 細雨如煙自掩門 杏花深處立黃昏 旁人莫問春何似 憔悴東風

杜宇魂 病起云 雲鬢慵梳睡起遲 春寒連日困花枝 病因慣久翻忘藥 愁不添多但少詩 寶鼎餘 猶

裊篆銀塘新柳又抽絲 近來心緒憑誰說 付與妝臺明鏡知 答劉慧貞女史示意云 香閨深鎖玉無瑕

不受塵埃半點遮 繡卷藥爐新活計 圖書畫譜舊生涯 愁城不種相思樹 苦海難栽並蒂花 為謝嫦娥情意

好空留清影照窗紗 哭其兄瑞卿云 客星忽報隕他方 病裏驚聞痛斷腸 纔聽捷音來賊境 何堪凶耗

到家鄉 兄隨業觀竈勸賦普 安病歸金筵而卒 風雲頓變人難測 棠棣連摧意倍傷 文煊弟 屈指別離今十載 無歸追憶淚淋浪

英姿瀟灑本天生 十萬言書動上卿 才擬班超廊廟重 智如諸葛鬼神驚 每懷王佐思 匡輔誓掃蠻烽靖 戰

爭一夜秋風悲五丈 招魂何日返江城 詩酒風流久擅名 寶囊幃幄喜談兵 一身去國因家累 半世飄蓬

誤此生 空有文章驚海內 殊慚霖雨負時名 傷心望斷黔山路 風景依然人事更 臨歧分別意 依依猶記

當年送母歸 千里懷憐小妹 萬言惟愛託慈闈 雁鴻影斷心增痛 風雨聲淒淚暗揮 早識收場今草草 泉

臺應悔利名非 懷白玉媚女史 念奴嬌詞云 晚妝慵整柔腸無限縈 似丁香結 鬢溼杏櫻愁 不語獨倚

庭柯寒怯 袖拂紅蓮裙 拖翠接此地 曾經別天涯 人遠雲山望斷千疊 况我憔悴年來 幾多情緒都付眉間

月流水 落花春已去 杜宇那堪低說 往事傷心 浮生若夢 驚夢空悲切 嫦娥何處也 休問圓缺 道中口占

從前事 都休說 玉蕊瓊花早移根 仙闕無端風雨加摧折 零落香魂成怨魄 翠減紅銷對鏡添悲切 萬

種憂愁消不得 強攜瑤琴彈訴天邊月 骨肉流離天涯隔 望斷關山音信絕 野草萋萋杜鵑啼 血愧蛾眉空

抱文章 難補金甌缺

庠生陳旭妻喻氏 氏名桂雲字月芬為喻燾姊生而穎異幼敏于言母氏沈知書氏甫學語即教以古詩

源八九歲時善屬對隨口可得偶其父以煙具牙角嘴令對氏指母所著皮背心應之父母皆爲莞爾稍長  
博通經史十三歲父出幕游有弟三皆幼方授句讀母以家事繁勞不暇督課氏嘗佐之及諸弟次第就外  
傳每自塾歸必詳詢課程二十歲適旭爲室翁姑尤鍾愛恆交口贊婦賢尋以病卒時年二十四歲遺一子  
著有穉香樓小草未梓茲爲摘錄數首 初晴云 幾 春晴淑氣融海棠開徧曲欄東昨宵一陣風和雨  
半在苔衣綠上紅 春望寄外云 望遠上高樓渺渺天涯樹郎從何處歸日斷夕陽路 疎柳滿長堤長  
堤暮煙翠望郎郎未歸夕陽鷺鴉背 路繞小紅橋昏鴉啼樹杪望郎不曾歸渡口行人少 蒼茫暮煙迷  
燈火江村晚望郎還不歸芳草落霞遠 別浦客帆收平沙斷雁望郎徧不歸細數郎情薄 窗前黃葉  
飛明月穿臺榭望郎竟不歸暗倩鸚哥罵 晚齋云 一雨樹如沐涼陰小院低餘花香躍躍細草色萋萋  
壁潤留蝸篆欄歌上蚓泥繡成無箇事坐聽子母啼 秋夜云 倦繡拋鍼綫閒行又倚欄菊殘秋漸老霜  
重夜將闌幽徑聞虫語疎簾透月寒素琴剛罷撫有恨向誰彈 納涼云 月明如水漾疎櫺習習涼風繞  
畫屏搗得素紈宮扇在花陰小戲撲流螢 對月云 愛月倚欄干閒數菊花影寒虫鳴不絕深院幽苔冷  
教授徐元熊妻申氏 氏故巨族女幼識字讀書始其父富于貲相攸甚苛元熊年入泮有神童名乃以  
氏字之及適元熊氏父家中落元熊年少恃才目空一切氏承以柔順未嘗稍忤無何元熊出游氏翁植素  
以廉隅著家貧如洗廚灶蕭然氏嘗忍餓以供堂上饗殮植嚴于禮法媳行恆疏氏病經年垂危而植始覺  
氏殞植窺其室祇敝席一片冷菜粥一盂他無所有植大慟曰媳苦死矣吾何夢夢若此及元熊歸檢舊篋  
得詩一冊皆憶遠感遇之作閱之酸楚悽人心脾不忍卒讀釋其字跡知爲氏手澤元熊歎曰同室二十年  
不知其工吟詠在德不在才之言抑何過拘豈吾昔年盛氣凌人雖伉儷不能不韜晦以求免耶後元熊歷  
任儒學有年屢經遷徙詩冊不知存于何處僅傳其憶外一絕云天涯一去便長違望斷鱗鴻淚暗揮春到  
他鄉啼杜宇可曾聽得不如歸子敬增癸酉舉鄉試第八人謂氏賢孝暨其翁清操之報云  
楊開元妻喻氏 氏名蕙若爲喻宗長女宗長少力學出應郡縣試屢抑于有司遂絕意進取日督課其子  
女子二女四蕙若其長女也宗長愛女過于其子四女各授一經蕙若及次女冰若尤慧姊妹皆工吟詠閨  
閣唱酬輒多好句亦佳話也時女士駱冰梅有才名蕙若過之面投一絕云冰雪心肝差可擬梅花骨格略

相同今朝得入班昭座如醉春風化雨中冰梅深服其敏不敢以夙望傲之氏有稿不自愛惜多散失無存者其兄先傑誦其數首摘而錄之 夜雨不寐云 湘簾不倦晚春天寶鴨香消夜未眠聽得瀟瀟風共雨

無端惆悵落花前 一燈相對黯魂銷自把新詩慰寂寥夜雨驚殘香夢醒關心明日是花朝 代人悼亡云 殘燈如豆影熒熒况味孤眠那慣經夢醒深宵忘水訣依稀猶記是歸甯 香衾擁處夜偏長不復窗

前看曉妝怕見朝來新燕子雙雙依舊上雕梁 初夏云 荼蘼一架了殘春深院楊花暖撲人正是清和好時節半甌雀舌試茶新 墨竹云蕭蕭蒼玉雨聲寒信手塗鴉墨未乾粗服亂頭無筆法勸君莫作畫

圖看 冰若和初夏云濃陰滿院鎖殘春簾幙深深不見人恰好苔階初過青添來綠意一痕新 冰若和墨竹云 蕭蕭帶得幾分寒滿紙淋漓寫未乾淚灑湘妃知已盡墨痕權作血痕看

周紹軒妻梅氏女孝梅翹楚女弟也以行字四姑號澹雲賦性沈靜幼讀書稍 畫習女紅夜則涉獵經史至宵分不倦母氏鄭常誡之曰女子不必以才見也奚俟此哉十五歲遭父喪母以憂傷致疾甚殆醫藥罔效

氏于夜半焚香禱神明剖左股一片爇肉羹進母食之尋愈初家不知及見袖有血痕詰之始得其故于歸後紹軒獲列膠庠然癖好菓子戲息于家政且奉翁姑本主正言責之繼以泣紹軒感悟改行可謂能相

其夫者矣自經離亂十餘載歸甯不得有寄家詩五首為時傳誦茲附錄之 憶母云 世亂離家倍感傷久遠定省意悽惶蒼天不假歸甯日空墮思親淚幾行 干戈未定痛兒腸想像慈闈髮鬢蒼惟有思親瓶

遠近夢魂夜夜到家鄉 憶兄云 鶴鶴音斷自悲嗟西望家園夕照斜記得推敲忘夜永一釣新月墮窗紗 憶二姊三姊云 曾記春回大有情妝樓同看柳條新關山間阻今相憶對此亭亭更慘神 憶五妹

六妹云 靜坐庭前 墜西花朝佳節燕空啼倚小悵望關山月何日同飛返故棲 二姊青分守節家貧撫孤遭亂後與二子遷之丹江亦十載不得歸因寄詩懷其兄翹楚云 只為干戈阻異鄉幾回追憶裂肝腸

腸鶴鶴音斷人千里鴻雁書來春數行羌笛春風吹不度胡笳月夜聽偏長天緣有分能歸省笑語全家聚一堂

稍錄徐教授妻中氏詩于後 按其名輯瑛字玉卿著有吟香閣詩稿前祇採得一首茲嗣君厚光以全集至閱之美不勝收落筆能以意勝言外頗有寄託深得風人之旨聽春樓集韻致雖佳不過修飾字句以此



相較猶當駕而上之職者必歸焉 論詩二卷云 代有詩人各著名無端排謝太魯爭今不

戶祇向花箋寫性情 碧闌干外雨如絲引手推敲苦搗思生恐吟成無骨力教人貽笑女郎詩 獨有

感云 萬水千山道阻長望雲心思幾能忘枕頭杜宇聲聲喚似似 餘家金在此 獨坐

云 孤藥歌歌夜運運銀箭無聲漏點消獨坐已教岑寂甚况秋雨 喜外由歸化運星云 一

別兩經年對畫簾遠天行裝今日解燈蕊昨宵妍幼子驚相避全家喜欲顛洗塵何所有尊酒小窗前 秋

夕云 清秋夜氣沈清景不時有一陣木樨香問郎得聞否 仲增兒夜讀云 一鑾燈影小窗明坐到三

更又四更娘作女紅兒勸學剪刀聲雜讀書聲 遣婢云 幾回欲別兩依依從此天涯音信稀願爾有情

思舊主年年好學燕來歸 聞外秋闈報能云 下第劉賈運數差人生得失亂紛麻保無附驥成僥倖未

遂登龍莫怨嗟文字縱收 噴勒帛科名原祇等虛花高山流水知音在會有鍾期識伯牙 白燕云 閒

拋玉前撲簾旌別有丰姿澈底清滿院梨雲春畫永教人著眼未分明 墨畫牡丹云 是誰潑墨寫花

王淡泊相安富貴 本色如斯聽有幾可憐桃李枉爭芳 詠螢云 一天涼月挂清輝閃閃流螢亂點衣

不忍輕將紈扇撲留他長傍畫簾飛 秋風云 一縷涼 透碧紗初猶漸漸漸喧嘩丁甯莫撼庭前樹上

有新樓未穩鴉 喜外歸里云 菊花天風菊花開盼到秋闈客未回正切餽人心一片牛肩村李恰歸來

望遠有感云 迢遙驛路雜荆榛極目荒涼最愴神但願關山無阻隔三巴猶有未歸人 對菊云 簾

簾疏籬日幾過無言相對意如何秋來莫道黃花瘦幾比黃花瘦更多 秋蟲云 問爾緣何事空階徹夜

鳴風頻頻斷續咽月最分明未必真無奈多因訴不平樹間添淅淅一派盡秋聲 秋夜偶成云 小窗

靜夜無聊一點殘燈魂暗銷怕聽瀟瀟葉雨可憐人皮可憐骨 知病不起云 臥病經年祇自悲遷延

忽到暮春時癡心欲覓還魂藥國手誰添續命絲攬鏡怕看容瘦損倚牀但 骨支離由來修短皆天數死

死生生一聽之 驚飄鳳泊已酸辛况復奄奄久病身淚眼枯時惟有血愁心極處祇傷神詎無今世重逢

日願結來生未了因小別竟成長別恨可憐魂斷人三秦 秦中 敢擬瑤臺謫降仙三句有九斷壘綠椿登

垂老欲堪痛兒女無依最可憐一去好歸大自在廿年直是小圓圓放盡檢點無他物賸有微吟詩百篇

補餘 遊仙詩 遊仙詩云 滄海因何 天蓬因何 天蓬因何 天蓬因何 天蓬因何 天蓬因何 天蓬因何 天蓬因何

天蓬因何 天蓬因何 天蓬因何 天蓬因何 天蓬因何 天蓬因何 天蓬因何 天蓬因何 天蓬因何 天蓬因何

雲天... 山... 人...

下... 山... 人...

波... 山... 人...

云... 山... 人...

情... 山... 人...

山... 送陳觀察女公子韻香北歸云

君行... 問字傳經暮復朝

紛紛... 淚暗彈裙布釵

獨向... 東風灑淚多

野煙... 稀送別歸來日

掩扉... 怕見呢喃飛紫燕

畫樓... 依舊主人非

...

...

...

...

...

